

# *LEGAE LA ISAGO LA MONYADI WA KO LEGODIMONG LE MONYADIWA WA MO LEFATSHENG*

 A re saleng reeme motsotso, jaaka re oba dipelo tsa rona jaanong fa pele ga Modimo.

<sup>2</sup> Rraetsho wa Legodimo, rona ruri re lebogela tshiamelo ya go nna fano gompieno, re phuthegile ga mmogo ka Leina la Morena Jesu. Re a rapela gore O itshwarele maleo a rona, mme jaaka re le fano go gogela kelotlhoko ya rona ko dilong tsa Bosakhutleng le Botshelong jo bo dutseng ka kwa ga phithlelelo ena ya ba ba swang. Jaanong re a rapela gore O tlaa re naya ga ditaelo tsa Gago, tsa ka fa e leng gore re tshwanetse go bula ka gone, se re tshwanetseng go se dira mo bokamosong, mme le e leng mo bolengtengeng jaanong, go boelwa ke lefelo leo le rona re... le sololeditsweng.

<sup>3</sup> Go na le ba le bantsi ba ba lwalang ebile ba na le letlhoko mo lefatsheng, mme ga ba a ka ba wetsa mosepele wa bona. Mme mmaba wa rona yo mogolo, eseng fela mmaba wa rona, fela mmaba wa Gago, o tlide go ba rareetsa le go—le go emisa botshelo jwa bona, le go ba romela kwa lebitleng le le pele ga nako. Mme re a ba kopela, gompieno, gore Wena le boutlwelo botlhoko jwa Gago le letlhogonolo, Morena, o tlaa katolosetsa malatsi a bone ko nakong e e abetsweng.

<sup>4</sup> Go ntse mo seraleng, kgotsa felong ga therelo, fano go ntse disakatukwi le diphuthelwana. Mme ko ntle mo mahalahaleng le go dikologa lefelo, ke bone mo malaong a bana, malaonyana a go rwala balwetsi, ba ba lwalang le ba ba bogang, ba eme mo bareetsing ka boutsana ka nonofo e e lekaneng go ema mo go bone.

<sup>5</sup> Ao the Modimo wa Bosakhutleng, Yo o Segofetseng, mma O utlwé thapelo ya rona mosong ono, ka Madi a ga Morena Jesu; o sa lebelele boikepo jwa rona, fela re itse gore O ne a ema mo boemong jwa rona, mme Ena ke Ena yo o re emetseng ka ntlha ya thapelo ena. Mma mongwe le mongwe ka bonosi a fodietswe kgalalelo ya Gago, Morena.

<sup>6</sup> Segofatsa disakatukwi tsena. Fa di bewa mo balwetseng, mma ba fole.

<sup>7</sup> Mme jaanong, Rara, go fitlhela re letela tirelo e kgolo ya phodiso, e re dumelang gore e tlaa latela, re nathoganyetse tsela ya Botshelo, Morena, gore re tle re itse ka Lefoko la Gago

se re tshwanetseng go se dira. Gonne re go kopa ka Leina la Jesu. Amen.

<sup>8</sup> Jaaka gale, mona go gopolwa e le nngwe ya ditshiamelo tsa me tsa maemo a kwa godimo go feta thata, ke go bo ke le mo ntlong ya Modimo le go bua le batho ba Gagwe. Mme jaanong ke a itse gore yone e kitlane thata, mme ke na le thuto e telele thata tota. Jalo he nna ke . . . Ke—ke tshepa gore—gore lo tlaa rutubala, jaaka go ka kgonega ka teng, go fitlhela re wetsa Molaetsa.

<sup>9</sup> Jaanong, go mogote, fela re lebogela selaola mogote wa phefo. Fela, setlhophha sa bogolo jona, ga go tle go nna le selaola mogote sepe sa phefo se se ka se tlhokomelang, lo a bona, ka gore mmele o e leng wa gago ke sengwe se se kgonang go tlhola, go ka nna digarata di le masome a ferabongwe le boferabobedi, mme one nako yotlhe o ntsha mogote, ebole lona lo ntse gaufi ga mmogo. Fela ke—ke tshepa gore Modimo o tlaa lo dira fela gore lo rutubale jaaka Ena a kgona.

<sup>10</sup> Mme fa re le mo teng, mo dikopanong kwa re go duelelang jaana, nna—nna nka bo ke sa lo dira gore lo tle fano, le goka, fa nka bo ke ne ke sa akanye gore e ne e le go lo thusa, fa ke ne ke sa akanye gore e ne e le go lo direla molemo, le gore lo tlaa solegelwa molemo ka gone, ka go tla. Mme fong, re itseng gape gore ga re na nako e ntsi thata ya go dira sena, gore rona re—rona re tla ko go tsone di—dioureng tsa go tswala, mme ke—ke batla go dira motsotsotso mongwe le mongwe o nne botlhokwa, o nka kgonang, ka ntlha ya Bogosi jwa Gagwe. Mme jaanong ke tshepa gore Morena Modimo o tlaa re segofatsa jaaka re phuthega.

<sup>11</sup> Mme ke batla go lo akgola gore, maabane ke ne ke ya kwa mafelong a a farologaneng, kwa ntle ke neng ke tlhola bangwe ba ba lwalang le ba ba bogang, mo dimotheleng, mme ke ne ka kgona go kopana le bangwe ba batsamaisi bekeng ena, mafelong mangwe a go jela. Jaaka, ke ne ke le ka kwa ko Ranch House bekeng ena, ka kwano, mme motsamaisi o ne a dumedisana le nna ka seatla jaaka re ne re simolola. Mme o ne a re, o ne a mpitsa, “Mokaulengwe Branham.” Ke ne ka ipotsa ka foo a neng a nkitsiteng. Mme o ne a re . . .

Ke ne ka re, “A ke wena mookamedi?”

<sup>12</sup> O ne a re, “Ke nna mong.” Jalo he ka nako eo o ne a re, “Eya, batho ba gago ba tla teng fano go ja, go tswa golo koo.” Ne a re, “Bona . . .”

Mme ke ne ka re, “Sentle, ke a fopholetsa bona ba a go kgotlagantsha.”

<sup>13</sup> O ne a re, “Rra, seo ke sengwe sa segopa se se siameng go feta thata sa batho ba nkileng ka ba bona.” O ne a re, “Bone ba siame ka nnete.”

<sup>14</sup> Ke ne ka ya ko motheleng maabane, go bona mohumagadi yo monnye yo ke neng ke batla go bua nae, rraagwe le mmaagwe ba

ne ba le teng, mme ke ne ka tshwanelo go ya kwa go motsamaisi go batlisisa kwa mo—mothe- . . . kamore e ba neng ba le mo go yone.

<sup>15</sup> O ne a re, “Mme wena o Mokaulengwe Branham?” Moo go kwa godimo kwa go wa Oaks.

Mme ke ne ka re, “Ee, rra.”

<sup>16</sup> O ne a re, “Ke batla go go dumedisa ka seatla.” O ne a re . . . O ne a nkitsise mosadi wa gagwe; banyalani ba ba siameng thata. Ba ne ba re, “Motho mongwe le mongwe mo motheleng ona o tsenetse ditirelo tsa gago. Re ne ra o bolokela bone.” Mme ne a re, “Bareki botlhe ba bangwe ba rona re ne ra ba gana.”

Mme ke ne ka re, “Sentle, ke go lebogela seo.”

<sup>17</sup> O ne a re, “Mokaulengwe Branham, sengwe sa segopa sa batho ba ba kgatlhisang bogolo go gaisa ba nkileng ka ba bona, ke batho ba ba tleng golo fano, ba ba nnang teng mo dikopanong tsa gago.”

<sup>18</sup> Ke ne ka tsena bosigo jo bo fetileng ko tsaleng ya me, Rrê Becker golo kwano, mme ke ne ke tlhola ke rata marotho a gagwe a motlapiso. Ena ke yo o jaana . . . Ena, ke ne ke mo itse fa ke ne ke le mosimane; ke mo itsile botshelo jotlhé jwa me. Go ne go na le ba le mmalwa ba ba neng ba dutse foo go tswa golo kwa le—lefelong la kgale, golo kwa Riverside Hotel golo koo. Jalo he bone . . . Rrê Becker ne a re, “Billy?”

<sup>19</sup> Ke ne ka re, “Ke eng, Homer?” Re itsane sentle tota.

O ne a re, “Ke jesa batho botlhe ba lona golo koo.”

<sup>20</sup> Makgolo mangwe a mabedi, kgotsa sengwe, Sontaga mongwe le mongwe, ba ba jang fa Blue Boar. Mme gongwe le gongwe kwa ke yang gone, ke utlwa ditshwaelo ka fa lo kgatlhisang ka gone.

<sup>21</sup> Mogoma yona ne a re, “Tlase kwa ri—Riverview kwa tlase kwa,” ne a re, “lefelo lotlhe leo le tserwe ke batho ba ba tsenetseng bokopano.” Ne a re, “Go tlaa nna le makgolo a a sa tleng go kgona go tsena.”

<sup>22</sup> Jalo he, go nna seo, mo go nna lona lo letswai la lefatshe. Ke—ke leboga thata go itse gore ke na le tshiamelo ya go rerela batho ba e leng gore le e leng baleofi le batho . . . Ga ke re batho bana ke baleofi, fela ke raya batho ba, kgwebo le jalo jalo, ba ba kgonang go bua gore lo batho ba ba siameng, mme ba lo itumelela mo kgwebong ya bone, fa mafelong a bone. Lo a itse, moo ke go nna letswai. Ke lebogela seo, maitsholo a lona, tsela e lo tlhokomelang dilo ka yone.

<sup>23</sup> Nna ka gale ke re, “Fa mongwe a tsena mme a sa dire, a sena tšheleteya go duela sekoloto sa gagwe, wena fela o mpitse.” Lo a bona? Ke ne ka re, “Re tlaa dira sengwe ka ga gone.” Mme ke ne

ka re, "O tlhole o ba jesa, kana ba na le madi kgotsa nnyaya." Lo a bona, sengwe le sengwe se ka dirwa.

<sup>24</sup> Ke ikutlwā gore lo bana ba me. Lona lo—lona lo dinaledi tse nna . . . Fa nka ba ka nna le lengwe fa ke fitlha kwa, lo tlaa nna letlapa leo la boleng jo bo kwa godimo, karolo e e phatsimang go phala tsotlhē, mo ko—mo koroneng ya bodiredi jwa me. Fa jone bo rweiwa korone, lona lo tlaa nna lentswē le le tlhogekang leo.

<sup>25</sup> Mme ke ntse ke le bolelela, mo dinakong tse di fetileng, ka ga Dikano tse Supa, Dipaka tsa Kereke, le dilo tse—tse di nnileng di diragala.

<sup>26</sup> Mme jaanong, mosong ono, ke na le serutwa se se botlhokwa thata. Mo go nna, ke sengwe se se boitshegang thata. Ke solo fela gore se lemosega mo go lona ka tsela e e tshwanang. Mme fa nka kgona fela go se neela ka tlhotlhēletso e ke se amogetseng mo go yone, go tlaa nna mo go gakgamatsang, fela moo go tlaa tswa mo go Modimo go dira seo.

<sup>27</sup> Ke ntse ke le bolelela ka ga gore ke ko *kae* le gore ke *eng* se se diragalang, mme re bona dilo tsotlhē tsena di diragala.

<sup>28</sup> Jaanong ke bua, mosong ono, ka: *Legae La Isago La Monyadi Wa Ko Legodimong Le Monyadiwa Wa Mo Lefatsheng*, kwa ba ileng go tshela gone. Mme, gonne, ke tshepa gore ka lethogonolo la Modimo rotlhē re karolo ya itsholelo e kgolo eo ya Modimo.

<sup>29</sup> Mme jaanong ke—ke tshepa gore lo tlaa intshokela, nnang le Dibaebele tsa lona, dipensele tsa lona, kgotsa le fa e le eng se lo se dirang go bala le nna, ka gore ke ile go umaka ka ga Dikwalo di le dintsi. Ke leka go fetsa ka nako e e lekaneng go nna le thapelo ya balwetsi; mme ke solo feditse seo. Ne ka tsena, ka rapela lobakanyana lo lo fetileng, ko diphaposing le tikologong, ke direla bao ba fela ba batlileng ba sa kgone go dira sepe ebile ba solo fologile.

<sup>30</sup> Mme, Morena fa a ratile, nna kooteng ke tlaa nna le tirelo e nngwe ka la bo lesome le borataro, gongwe fela thapelo ya balwetsi.

<sup>31</sup> Ke simolola malatsi a me a boikhutso jaanong. Esale Ferikgong e e fetileng, ke ntse ke sepela, mme ke boela kwano. Ke ile go nna fela, ke tshwanetse ke ise lelwapa la me ko Tucson mo mosong, mme fong ke tlaa boa go dirisa nako golo fano mo Kentucky, le bangwe ba ditsala tsa me, re tsoma, mme re tsoma megwele, dibeke di le mmalwa, kgotsa gongwe malatsi a supa kgotsa a ferabobedi, lesome, eng le eng se e leng sone, ntleng le fa Morena a nketelela pele golo gongwe go sele. Ga nke ke itse, fela kwa lo ileng go bo lo le gone; ga re nke re itse seo, ka gore moo go mo diatleng tsa Modimo, Modimo a le esi.

<sup>32</sup> Jaanong ka ntlha ya serutwa se segolo sena, rona—rona . . . ke a gopola, fa nka tsaya nako ya me mo go sena, ka gore o tshwanetse o tlise dilo di le dintsi, go tlaa tsaya dibeke.

Fela ke kwadile Dikwalo dingwe, dintlha dingwe, go ama fela dintlhakgolo tsa sone, go ya kwa se tlaa lo letlelelang lo ithuteng gone.

<sup>33</sup> Fong segautshwaneng, gongwe, Morena fa a ratile, ka Phalane, ga ke itse gore leng, fela le fa e le leng fa A tlaa tlamelang, Ke tlaa rata go nna le ma—malatsi a le mmalwa, fela ga bokopano jwa ka metlha le metlha, mo kgaolong ya bo 12 ya ga Tshenolo, go lomaganya le sena fano. Ao, ke a dumela go tlaa nna go golo. Go tlaa nna fela. Go tlaa nna go tona go bona ka fa A dirileng ka gone.

<sup>34</sup> Fong, rona re tl Lang ga mmogo jaanong, ke ne ka bua bosigo jo bo fetileng, ke ne ka re, “O a itse, fa nna . . .” Mo mosong, jaaka moso mongwe le mongwe, ke a akanya, “Fa ke fologela fano, ke ile go lemoga mongwe le mongwe wa ditsala tsa me tse di leng teng.” Jaanong ke ile go go dira jang?

<sup>35</sup> Go nna le nna fano, jaaka tsala ya me e e molemo, Ngaka Lee Vayle yo o dutseng fa morago fano, mosadi wa gagwe le morwadie ba ba rategang. Le Mokaulengwe Roy Borders, le, ke a akanya, Mokaulengwe Ruddell, Mokaulengwe Beeler, le Mokaulengwe Palmer, le Mokaulengwe Jackson. Mme, ijoo, ba—ba . . . Bakaulengwe bao ba ba rategang go tswa dikarolong tsotlhe tse di farologaneng! Mokaulengwe Anthony Milano, mme, ao, gongwe le gongwe kwa o lebang gone, o bona mokaulengwe mongwe o sele! Go tswa golo ko Arkansas, ga ke kgone go akanya ka ga leina la bone; Mokaulengwe John, Mokaulengwe Earl Martin, le Mokaulengwe Blair. Mme, ao, go na fela le . . . wena . . . Gone fela ke mo go senang bokhutlo, lo a bona. Ke itumetse thata go nna le setlhophha se se ntseng jalo se phuthegetse fa go nna fa ke ruta ka ga Lefoko la Modimo, banna ba ke akanyang gore ke banna ba diganka, banna ba mmatota ba Modimo.

<sup>36</sup> Ke lebogela motlaagana o monnye ona. Ke lebogela mejako e metlhano ya one e e buletseng morafe. Mojako mongwe le mongwe . . . Re na le batiakone ba le banê fano, banna ba ba tletseng ka Mowa; batshepegi ba le banê, banna ba ba tletseng ka Mowa. Moo ke ba le babedi fa mojakong mongwe le mongwe. Mme o na le mojako o o gabedi fa pele, wa badisa phuthego ba le babedi, badisa.

<sup>37</sup> Re itumetse go nna le lona; re leboga Modimo ka ntlha ya sena. Mma A tlhole a le segofatsa.

<sup>38</sup> Jaanong re batla go ema motsotsotso fela, fa re santsane re bala go tswa mo go Petoro wa Bobedi kgaolo ya bo 3, le gape go tswa mo Bukeng ya Tshenolo 21.

<sup>39</sup> Jaaka re ema, Ao tlhe Morena, tlatsa dipelo tsa rona ka boitumelo ka ntlha ya go balwa ga Lefoko la Gago, re itseng gore Jesu o buile, gore, “Magodimo le lefatshe di tlaa feta, fela Lefoko la Me ga le kitla le palelwa.” Re itse gape gore O ne a re,

“Lekwalo lotlhe le tshwanetse le diragatswe.” Mme jaaka re bala dilo tsena, mma re nne le kutlwisiso go tswa mo go Wena, oura e re tshelang mo go yone. Re go kopa ka Leina la Jesu, Mokwadi wa Buka. Amen.

<sup>40</sup> Petoro wa Bobedi 3.

*Lekwalo lena la bobedi, baratwa, nna jaanong ke a lo kwalela; mo go tsotlhe Ke ntse ke tlhotlheletsa menagano ya lona e e phepa ka go lo gopodisa:*

*Gore lo tle lo gakologelwe mafoko a a neng a buiwa pele ke baporofeti ba ba boitshepo, le ka ga ditao tsa rona baapostolo ba Morena le Mmoloki:*

*Le ntse le itse mo pele, gore mo metlheng ya bofelo go tlaa tla basotli, ba tsamaya kafa maiphetlhong a bone,*

*Mme ba re, Tsholofetsa ya go tla ga gagwe e kae? (Fa moo go sa kgatlhantshe mosadi yona wa motlhoka tumelo mo . . .) . . . esale ka bontate ba robala, dilo tsotlhe di tswelela jaaka di ne di ntse go tswa tshimologong ya lobopo.*

*Gonne ka ga sena bona ba tlhoka kitso ya sone ka bomo, gore gale bogologolo go ne go le magodimo ka lefoko la Modimo, le lefatshe le eme le tswile mo metsing ebile le le metsing:*

*Ya nna ona a lefatshe la jale, le senyegileng ka ona, ka le penologelwa ke metsi:*

*Fela magodimo le lefatshe, a a leng teng jaanong, ka lefoko le le tshwanang a beilwe, a boloketswe molelo ko letsatsing la katlholo le tatlhego ya batho ba ba siamologileng.*

*Fela, baratwa, lo se tlhoke kitso ya selo se le sengwe sena, gore letsatsi le le lengwe mo Moreneng le jaaka dingwaga di le sekete, mme dingwaga di le sekete di jaaka letsatsi le le lengwe.*

*Jaanong, Morena ga a bonya mabapi le tsholofetsa ya gagwe, jaaka batho bangwe ba tle ba kaye bonya; fela ena o boiphaphaanyo mo go rona, a sa rate gore ope a nyelele, fa e se gore botlhe ba tle ba tle mo boikotlhaong.*

*Fela letsatsi la Morena le tlaa tla jaaka legodu mo bosigong; le . . . mo go lone magodimo le lefatshe, ka modumo o mogolo . . . a tla fetang ka modumo o mogolo, mme dikarolwana di tla nyerologa ka mogote o o gaketseng, le lefatshe gape le ditiro tse di mo go lone di tla tuka.*

*Ka re bona fong gore dilo tsotlhe tsena di tla nyelela, ke mohuta ofeng wa motho o re tshwanetseng re nne ka one mo puisanong yotlhe e e boitshepo le poifoModimo,*

*Re sololetse go itlhaganelela go tla ga letsatsi la Modimo, kwa e leng gore magodimo a tuka a tla nyelela, mme dikarolwana di tla nyerologa ka mogote o o gaketseng?*

*Le fa go ntse jalo rona, go ya ka tsholofetso ya gagwe, re sololetse magodimo a maša le lefatshe le leša, mo go agang tshiamo gone.*

*Ke gone ka moo, baratwa, ka re bona gore re senka dilo tse di jaana, lo tlhoafaleng gore lo tle lo se fitlhelwe... lo tle lo fitlhelwe mo go ene ka kagiso, lo sena selabe, ebile lo sena molato.*

*Mme lo kaye gore boiphapaanyo jwa Morena ke poloko; le e leng jaaka yo o ratiegang wa rona... Paulo...go ya ka botlhale jo a bo neilweng a lo kwaletse;*

*Jaaka gape...dikwalo tsotlhe tsa gagwe, a bua mo go tsone ka ga dilo;...tse di leng bokete ka dinako dingwe go tlhaloganngwa, tse e leng gore bone ba ba sa rutiegang le ba ba sa nitamang ba sokasokana natso, ba di sokamisa, jaaka—jaaka ba dira gape ka dikwalo tse dingwe, go ya tshenyong e e leng ya bone.*

*Ke gone ka moo lona, baratwa, ka e le gore lo itse dilo tsena pele, tlhokomelang gore esere le lona, lwa fapoga ka...phoso ya baikepi, lwa wa mo go ya lona...nitamo.*

*Fela lo gole mo letlhogonolong,...mo kitsong ya Morena le Mmoloki Jesu Keresete. A kgalaelo e nne go ene gotlhe jaanong le ka bosaeng kae. Amen.*

<sup>41</sup> Jaanong mo go tshe—Tshenolo ya ga Keresete, mo kgaolong ya bo 21, ke bala Mafoko ana.

*Mme ka bona legodimo le leša le lefatshe le leša: gonne legodimo la ntlha le lefatshe la ntlha di ne di fetile; mme go ne go sa tlhole go na le lewatle.*

*Mme nna Johane ne ka bona motsemogolo o o boitshepo, Jerusalema yo moša, o fologa mo legodimong o tswa kwa go Modimo, o etleeditswe jaaka monyadiwa yo o kgabetseng monna wa gagwe.*

*Mme ne ka utlwa lentswe le legolo go tswa legodimong le re, Bonang, motlaagana wa Modimo o na le batho, mme o tla aga nabo, mme ba tla nna batho ba gagwe, mme Modimo ka boene o tla nna le bone, mme a nne Modimo wa bone.*

*Mme Modimo o tla phimola dikeledi tsotlhe mo mathlong a bone; mme ga go kitla go tlhola go nna le loso, le fa e le go hutsafala, le fa e le go lela, ebile ga go na go tlhola go nna le botlhoko bope: gonne dilo tsa pele di fetile.*

*Mme yo o dutseng mo setulong sa bogosi ne a re, Bona,  
Ke dira dilo tsotlhe dišwa! . . . o ne a nthaya a re, Kwala:  
gonne mafoko ano a boammaaruru ebole a a ikanyega.*

*Mme o ne a nthaya a re, Go dirafetse. Ke nna Alefa le  
Omega, tshimologo le bokhutlo. Mme Ke tlaa mo naya  
yo o nyorilweng metswedi ya metsi a botshelo mahala.*

*Ena yo o fenyang o tlaa ja boswa jwa dilo tsotlhe;  
mme Ke tlaa nna Modimo wa gagwe, mme o tlaa nna  
morwaake.*

A re rapeleng gape.

<sup>42</sup> Morena Jesu, ka tsholofetso e e kalo le puo e e tlhoaletseng ga kalo jaaka Jesu ka Sebele le moapostolo ba e re neileng mabapi le oura e re e atamelang, re neye, Ao tlhe Morena, ga kaelo ya Gago, gore re tle re itse ka fa re ka go atamelang ka gone ka tsela e e nepagetseng. Ka gore, go etla, re a itse. Dikwalo di tshwanetse di diragatswe, mme go tlaa nna jalo. Mme jaanong, Morena, re kopa boutlwelo botlhoko jwa Gago gape mo go rona rotlhe, jaaka re ithuta Lefoko la Gago. Nna le rona mme o re Le phuthololele, Morena, gonnie re go kopa ka Leina la Jesu. Amen.

Lo ka nna lwa dula.

<sup>43</sup> Jaanong, ke a ipotsa fa go ka nna le tsela e gongwe, gongwe ba ka kgonang go tima dipone go tloga kwa lehalahaleng le letona, mme ba di tlogele fela mo seraleng fano, se kooteng se tlaa nnang botoka, mme ba tseye mengwe ya moela wa motlakasse. Rona re batlile re fisa teransemfomara, bosigong jwa maloba. Mme fa mothokomedi a tlaa re direla seo, re tlaa itumelela go tima dipone tsa kwa tlase, dipone tsa lehalahala le letona, di timiwe. Mme fong ke akanya gore lo tlaa nna le bonno jo bontsi jwa go bona, go kwala.

<sup>44</sup> Jaanong, serutwa gape, go se itsise, gore re atamela se—serutwa sa: *Legae La Isago La Monyadi Wa Ko Legodimong Le Monyadiwa wa Mo Lefatsheng.*

<sup>45</sup> Jaanong jaaka go nnile ka gone . . . Ke ile fela go tshwanelo go dira sena. Gone fela go mogote thata fa godimo fano, lo a bona. Ee, rra. Jaaka rona . . . Ke a itse mosadi wa me ga a rate gore nna ke dire seo; fela, seo, ke apole baki ya me. Go mogote fela thata fa godimo fano. Lo a bona, lo na le phefo ko ntlo kwa, mme yone fela e thibeletswe go tsena mo lesakaneng fano, lo a bona. Jaanong, mo—mo isagong, kgotsa . . .

<sup>46</sup> Mo nakong e e fetileng, ke raya moo, re ithutile *Dikano Tse Supa, Dikereke Tse Supa*. Mokaulengwe Vayle le bao ba dira mo go tseo jaanong, ka boikanyego, go di tsenya mo popegong ya buka.

<sup>47</sup> Mme ka re bona dilo tsotlhe tsena tsa masaitseweng tse re di boneng di diragala, fong ke akanya gore, morago ga go tlhaloganya seo, mo oureng e re tshelang mo go yone, le

maemong; ga go ope yo o tlaa batlang go dula fatshe a dirisa tlhaloganyo tota mme a tlthatlhobe se go builweng ka ga sone, le se se soloferitsweng go diragala, le se se diragetseng, fa e se yo o ka kgonang go bua go re dilo tseo di diragaditswe. Lo a bona? Totatota se Modimo a rileng O tlaa se dira, O ne a se dira fela totatota go ya ka fa tlhaka e leng ka gone. Lo a bona?

<sup>48</sup> Jaanong, ke akanya mo go sena, gore, re sa itseng gore ke nako efe e Morena Jesu a ka bonalang ka yone, ke ne ke gopotse gore go tlaa nna molemo, go nnile okare go itumedisa Mowa o o Boitshepo gore re tle re bue ka ga sena, ka nako eo; mme gongwe re boelesko go sone gape, makgetlo a le mabedi kgotsa a le mararo, ka gore ga ke tle go nna le nako e e lekaneng go ntsha gotlhe ga sena.

<sup>49</sup> Jaaka kwa o gorogang mo seru—serutweng se se ka nnang sa bo se le sekgopinyana mo mongweng, ga o kake wa lebagana naso tsela yotlhe gore go papamale, fong o boe gape o bo o tsaya serutwa se se latelang.

<sup>50</sup> Mme fong morago go tswelela, mo go tshe... fa Morena a ratile, re tla mo dikanong tsa bo 12, kgotsa eseng... Intshwareleng. Kgaolo ya bo 12 ya Tshenolo, e e duteng magareng a go Tla ga Morena le bokhutlo jwa Dinaka, le jalo jalo. Re tlaa leka go busa seo, go supegetsa yo e leng Satane, le se a se dirileng, kwa a tswang gone, se e leng maikaelelo a gagwe, le ka fa e leng gore bontle jo bogolo jwa gagwe jo a neng a bo newa bo ne jwa baka go wa ga gagwe. Tsietso ya gagwe e bakile gore a we; bontle.

<sup>51</sup> Fong, ka fa e leng gore go sa kgonegeng ga gore motho ope yo o batlang go go lebelela sentle, “peo eo ya noga.” Ke tlaa dira kgwetlho ka ga seo, ko go mongwe le mongwe, lo a bona, yo o tlaa batlang go go leba, ka—ka fela tlhaloganyo e e tlwaelesegileng go sena pelaelo epe. Ngwana a ka go tlhaloganya. Lo a bona? Jaanong, mme re tlaa fitlha ko go seo morago.

<sup>52</sup> Jaanong, re tlhaloganya fano gore Dikwalo tse pedi tsena... Lebaka le ke badileng Petoro wa Bobedi kgaolo ya bo 3, mme ke go bapisitse le Tshenolo 21, bone boobabedi fano ba bua serutwa se se tshwanang, fela Johane ga a ise—ga a ise a se kwale jaaka Petoro a dirile. Lo a bona? Re tlhaloganya gore Legae le legolo lena la Monyadiwa le tshwanetse go nna fano mo lefatsheng.

<sup>53</sup> Mme jaanong fa lo bala, fela jaaka kgaolo ya 21, kgaolo ya bo 21 ya ga Tshenolo, moapostolo fano ne a re, kgotsa moporofeti ne a re, gore, “Ke ne ka bona Legodimo le Leša le Lefatshe le Leša.” Go utlwala ekete foo go tla nyeletso.

<sup>54</sup> Jaanong, tsela e ke tlholang ke bona Melaetsa ya me ke ka thapelo. Ke tlaa bo ke dutse mo thapeleng mme sengwe se ntshenolele. Mme ke leta mo go gone metsotso e le mmalwa mme ke bone fa e le gore go siame, fong ke go utlwala go le gaufi thata. Mme fong nako tse dingwe ke tswelela ke letile go fitlhela go

tlhagelela mo ponatshegelong. Fela fa go simolola go tla, mme nna ke kgotsofetse gore go tswa ko Modimong, ka nako eo ke ya ko Lekwalong. Lo a bona, Moo ke, go tshwanetse go nne tlhomamiso ya selo sengwe le sengwe sa semowa se se dirlweng, ka gore Baebele ke tshenolo e e feletseng ya ga Jesu Keresete; lo a bona, Yone ke Mmele wa Gagwe.

<sup>55</sup> Mme jaanong, mo go seo, gongwe ke fitlhela lefelo mo Lekwalong le le sa utlwaleng fela sentle, mme ke tlaa ipotsa. Ke boela gape ko thapeleng. Go a tlaa gape. Fong nna—fong nna ke simolole go—go thatlhoba Lokwalo lwa me.

<sup>56</sup> Jaanong, Baebele ya rona e kwadilwe ka Seisemane, mme mafoko a Seisemane a fetoga, nako yotlhe. Sekai, jaaka Moitshepi Johane 14, ne a re, “Mo Ntlong ya ga Rrê go manno a le mantsi,” bonno mo ntlong. Sentle, fong, wena, se o se dirang ka seo fong, ke go go busetsa ko go—ko tshimologong mme o bone se Jakobose a neng a se raya, kgotsa o boele ko Sehebereng, kgotsa ko Segerikeng, go tswa ko phuthololong ya ntlha. Mme teng foo ya re, “Mo Bogosing jwa ga Rrê go na le meshate e le mentsi.” Sentle, fong, o boele ko nakong e baranodi ba neng ba ranolela Kgosi James, *bogosi* bo ne bo bidiwa, ka Seisemane, “ntlo,” mme kgosi e ne e le rrê mo baemeding ba gagwe. Lebaka ke le le ba phutholotseng, “Mo Ntlong ya ga Rrê go na le manno a le mantsi.” Lo a bona? Mme o tlodge o bone mafoko ao mme o tshwanetse o a tsome.

<sup>57</sup> Fong, lo a bona, go tswa mo tlhotlheletsong eo . . . Felo mona ga therelo mosong ono, ka re, ga go nako e le nngwe e go kileng ga nna go se sepe fa e se ka go tlhamalala, Lokwalo. Ke ka fa *Peo ya Noga* le dilo tsotlhе tse dingwe tsena di tlang ka gone. Lo a bona? Ka . . .

<sup>58</sup> Mme gone ke, ka nnete, fa mogoma a ne fela a tlaa bala a bo a re, “Mo Ntlong ya ga Rrê go manno a le mantsi,” fa wena o ne o sa ema wa ithuta, wa rapela, o ne o tlaa tlhakatlhakana gotlhelele. Lo a bona? Fela tswelela fela o rapela. Modimo o tlhola a go siamisa, fa go tswa ko Modimong.

<sup>59</sup> Jaanong, Johane o tlhalosa phetogo le mo go fe— . . . ka fa go tlang ka gone . . . Ga a go tlhalose, ke raya moo, fela Petoro o a dira. Johane ne a bua fela a re, “Ke bone Magodimo a Maša le Lefatshe le Leša; magodimo a ntlha le lefatshe la ntlha di ne di fetile. Go ne go sa tlhole go na le lewatle. Nna Johane ne ka bona Motsemogolo o o boitshepo o fologa go tswa ko go Modimo go tswa Legodimong, o apesitswe jaaka Monyadiwa a kgabetsse Monna wa Gagwe.” Fela, re boela ko go Petoro wa Bobedi jaanong go batlisisa, Petoro o tlhalosa ka fa tiragatso ena e tlaa tlang ka gone. Jaanong, fa lo ka leba kwa go se Johane a se buileng, go utlwala jaaka, “Gonne magodimo a ntlha le lefatshe la ntlha di ne tsa feta,” tsa nyeletswa. Lo a bona, fong, moo go utlwala go le seeng thata. Jalo he seo ke se se neng sa nkama, mme

ke ne ka simolola go senka lefoko, “go feta.” Mme, jaanong, fela go papametse gore botlhe bana, ga moapostolo le moporofeti, ba ne ba bua ka ga selo se se tshwanang.

<sup>60</sup> Mme jaanong, gape, mo Bukeng ya ga Isaia, jaanong, gore lo batla go kwala Dikwalo tsena, mo go Isaia 65:17. Isaia, a bua ka ga Mileniamo, dingwaga di le sekete tseo tsa boikhutso jwa—jwa batho ba Modimo. Isaia o ne a bua ka ga gone, mme o ne a re, “Nna . . . Go ne go na le . . . Dilo tsotlhe tsa pele di ne di fetile,” le ka fa ba tlaa agang dintlo ka gone, ba dule mo go tsone. Fa re ne re na le nako . . . Gongwe re tseye fela nako mme—mme re baleng ena motsotsotso fela, Isaia 65, mme mpe re baleng fela metsotsos e le mmalwa fano. Mme gone ke mona, gone, ka ntlha ya rona. Jaanong, go simolola, Isaia 65:17.

*Mme, bonang, ke tlhola magodimo a maša le lefatshe  
le leša: . . .*

<sup>61</sup> Jaanong, Isaia, moporofeti, e ne e le mongwe wa baporofeti ba ba neng ba kwala totatota Baebele e e feletseng mo seporofetong sa gagwe. O simolola ka lobopo; mo bogareng jwa Buka ya gagwe, go batlile go le kgaolo ya bo 40, go tla Johane Mokolobetsi gaufi, Kholagano e Ntšhwa; mme e felelela fano, mo Bukeng ya gagwe, mo go Tshenolo, mo Mileniamong. Go na le dibuka di le masome a le marataro le borataro mo Baebeleng, mme go na le dikgaolo di le masome a le marataro le borataro mo go Isaia. O kwadile kakgelo e e feletseng.

<sup>62</sup> Jaanong, re fitlhela gore, fano jaanong o tsaya kgaolo ya bo 65, kgaolo e le nngwe gape, mme o bua ka ga Mileniamo. Go lemogeng, ka foo go leng go ntle.

*. . . bonang, ke tlhola legodimo le leša le . . . lefatshe  
leša: mme selo sa pele ga se kitla se gakologelwa, kgotsa  
se tla mo thaloganyong. (Se tshwanetse go “nyelela.”)*

*Fela lo—lo itumeleng mme lo ipeleng . . . le e leng mo  
go seo se ke se tlhodileng: gonne, bonang, ke tlhola  
Jerusalema go nna boipelo, le batho ba gagwe go nna  
boipelo.*

*Mme Ke tlaa itumela mo Jerusalema, ebole ke ipele mo  
bathong ba me: mme lenseswe la selelo ga le kitla le tlhola  
le utlwiba mo go ene, gonne . . . le fa e le lenseswe la go  
gala.*

*Ga go tle go tlhola go nna le . . . losea lwa malatsi a  
manny, le . . . monnamogolo yo o iseng a bone botlalo  
jwa malatsi a gagwe: gonne ngwana o tla swa a le  
dingwaga di le lekgolo; mme moleofi yo o tla bong a le  
dingwaga di le lekgolo o tla latofadiwa. Fong o tla . . .*

*Mme ba tla aga dintlo, ba bo ba nna mo go tsone; mme  
ba tla tlhomma masimo a mafine, mme ba tla ja maungo a  
one.*

*Mme ga ba ketla ba aga, mme yo mongwe a nne gone; (moo ke, polasi ya gago, morwao a nne mojaboswa wa yone, kgotsa bangwe ba bajaboswa ba gago)...ga ba ketla ba jwala, mme yo mongwe a je foo: (ba a ijwalela mme ba nne foo; ba na le Botshelo jo Bosakhutleng)... gonne jaaka malatsi a setlhare malatsi a batho ba me a ntse jalo, mme a me a ma leele... baitshenkedwi ba me ba tlaa akola ditiro tsa diatla tsa bone ka bolelee.*

*Ga ba ketla ba dira ka thata ba direla lefela, le fa e e le go tshola bana gore ba nne le matshwenyego; gonne bone ke losika lwa basegofadiwa ba MORENA, le bana ba bone nabo.*

<sup>63</sup> Jaanong lemogang, fano ke fa ke ileng go goroga gone, morago ga sebaka.

*Mme go tlaa diragala, gore pele ga ba bitsa, Ke tlaa araba; mme fa ba santse ba bua, Ke tlaa utlwaa.*

*Mme phiri le kwana di tla ja mmogo, mme tau e tla ja lotlhaka jaaka pelesa:...lorole e tla nna dijo tsa nogaa. Mme ga ba ketla ba utlwisa botlhoko kgotsa ba senya mo thabeng yotlhe ya me e e boitshepo, go bua MORENA.*

<sup>64</sup> A tsholofetso, ya baporofeti bana le batlhalefi ba bagolo, baruti ba Baebele, kgakala morago ko metlheng ya bogologolo, ba neng ba bona Motlha ona o o galalelang o tla!

<sup>65</sup> Ka ditirafalo tsena, mongwe a ka nna a akanya, kgotsa a gogwa, ke raya moo, go dumela gore polanete yotlhe, ya lefatshe lena, e tlaa senngwa, “Ke dira Legodimo le Leša le Lefatshe le Leša,” lo a bona, gore magodimo a tlaa bo a ile le lefatshe le tlaa bo le ile, di nyeleditswe gotlhelele. Fela thuto e e gaufi, le ka thuso ya Mowa o o Boitshepo, re kgona go bona Boammaaruri jwa sena; mme seo ke se re ileng go tsena mo go sone.

<sup>66</sup> Ke fela ditikologo go le dikologa, le boleo jo bo leng mo lefatsheng, tse di tlaa senngwang. Lo a bona? Jaanong, re lemoga gore *magodimo* a raya “ditokologo ko godimo.” Lo a bona?

<sup>67</sup> Go dira eng? Gone ka nako eo, disitlwasitlwane tsena, le bolwetse, le loso, le dipolotiki, le monna yo o boleo, le mosadi yo o boleo, le mewa e e bosula, tsotlhhe di tlaa bo di ile ebile nyeleditswe. Lo a bona? Go tshwanetse go dirwe ka tsela eo, ka gore re ile go tshela gone fano. Re tlaa netefatsa seo ka Baebele. Gone fano ke fa re tshelang gone. Jaanong lemogang, sitlwasitlwane, megare, bolwetse jotlhhe le dilo, di tlaa tlosiwa gotlhelele. Gotlhhe mona, go nna teng ga gone mo go leng mo lefatsheng jaanong, ditsamaiso tse di dirilweng ke motho, dipolotiki, boleo, mehuta yotlhe ya mewa e e bosula e lefatshe le kgotlesegileng ka yone, le magodimo otlhhe kwa godimo ga rona teng fano, go kgotletswe ke mowa o o bosula. Jaanong re ile go tsena kwa botenng le go diega, mo go sena, lo a bona.

<sup>68</sup> Gothe mona go teng mo magodimong, kgotsa ditokologong, le lefatsheng le le leng teng jaanong. Lefatshe lena le tshwere dilo tseo, fela le ne le sa direlwa maikaelelo ao. Boleo bo ne jwa baka gore le nne jalo. Lo a bona? Le ne la dirwa ke Modimo, Motlhodi. Fela tsotlhe . . .

<sup>69</sup> Mme mebele yotlhe ya rona, e re tshelang mo go yone jaanong, e ne ya bewa mo lefatsheng nako e Modimo a neng a le tlhola, ka gore lo tswile mo loroleng lwa lefatshe. Gothe go ne go beiwe fa ntle fano. Fa Modimo ka Sebele a go tlhola, o ne o le mo kakanyong ya Gagwe. Mme mo go Ena, Bosakhutleng jo Bogolo, e ne e le kakanyo, e e leng sekao sa Gagwe.

<sup>70</sup> Mme jaanong boleo bo ne jwa baka gore gotlhe mona go diragale. Mme Modimo, ka paka ena, o kokoanya didirisiwa tsa Gagwe.

<sup>71</sup> Satane o santse a le fano. Leo ke lebaka dilo tsotlhe tsena di diragalang. O santse a le fano, mme dithata tsotlhe tsa gagwe tse di bosula di santse di le fano. Lemogang, leo ke lebaka le lefatshe jaanong le leng makgaphila jaana. Leo ke lebaka la leswe le dilo tse di swabisang tse di tswelelang; tshololo ya madi, ntwa, dipolotiki, boleo, boaka, mehuta yotlhe ya makgaphila e tswelela, ke ka gore Satane ke mmusi wa lefatshe lena le tikologo ena.

Wa re, “Tikol- . . . ?” Ee, rra!

<sup>72</sup> Tsoopedi magodimo le lefatshe jaanong di kgotletswe ke bodiabolo ba ba ka re latofatsang fa pele ga Modimo. Jesu o Koo go re letlanyetsa. Lo a bona? Fa bapateletsi ba santse ba supa monwana, “ba ne ba dira *sena*, ba ne ba dira *sena*, ba ne ba dira *sena*,” fela Madi a santse a bipa. O ne a tla go rekolola Baitshenkedwi bao ba A ba bonetseng pele. Ke lebaka le go leng makgaphila jaana gompieno.

<sup>73</sup> Fano, moapostolo, mo go Petoro wa Bobedi fano, kgaolo ya bo 2, le ya bo 5 le te . . . le temana ya bo 5 le ya bo 6. Ee, ke na le gone. O umaka ka dikgato di le tharo tsa lefatshe. Lo a bona, ena—ena o tsaya dikgato di le tharo tsa gone. Lemogang ka fa di ba tlisang ka gone.

<sup>74</sup> “Lefatshe la kgale le ne le kwetogile mo metsing,” jaanong, moo e ne e le lefatshe la pele ga morwalela.

<sup>75</sup> Jaanong, lone le le leng teng, lefatshe la jaanong le re tshelang mo go lone jaanong, le le bidiwang “lefatshe.”

<sup>76</sup> “Lefatshe la kgale le le neng le kwetogile mo metsing,” Genesi 1:1. Jaanong le “lefatshe” le le leng teng jaanong. Mme fong, gape, o umaka ka ga le lengwe, “lefatshe le le tshwanetseng go tla,” Lefatshe le Leša. Mafatshe a le mararo; dikgato di le tharo tsa lefatshe.

<sup>77</sup> Mme lemogang ka fa Modimo a dirang go tlhaloganyege motlhoho mo go rona leano la Gagwe la thekololo. Ao, sena se

ne fela sa gakatsa mowa wa me wa botho fa ke ne ke se bona, ka fa A dirang go tlhaloganyege motlhofo mo go rona fano jaanong leano la Gagwe la thekololo. Jaanong tshwantshanyang se re se bonang ka matlho a e leng a rona. Se Modimo a se dirileng go rekolola lefatshe la Gagwe, O dirile leano le le tshwanang go rekolola batho ba Gagwe, gonne Modimo yo o sa fetogeng ga a fetoge mo go lepe la maano a Gagwe kgotsa sepe. A selo se se galalelang ga kalo!

<sup>78</sup> Ka fa A re gogetseng ko go Ene, ko motlaaganeng mo go rona, ka dikgato tse tharo tsa letlhogenolo; fela jaaka A gogile lefatshe ka dikgato tse tharo, gore le tle mo lefatsheng. Jaaka Modimo a tlaa tla mo lefatsheng morago ga le sena go feta mo dikgatong tse tharo tse di farologaneng tsa ntlafatso, moo ke totatota ka fa A tlang mo go rona ka dikgato di le tharo tsa letlhogenolo. Ke rutile seo kwa tshimologong; ga ke ise ke fetoge, esale. Ke Lefoko la Modimo.

<sup>79</sup> O tshwanetse o tshole bo tharo ba gago ga mmogo, bo supa ba gago, bo lesome le bobedi ba gago. Dipalo tsa Baebele di tshwanetse di balege ka go itekanelo kgotsa o tlaa dira gore setshwantsho sa gago se tlhakathhakane gotlhelele. Fa lo sa kgone go go tlhaloganya, tswelelang fela lo rapela. Lo eleng tlhoko, go tlaa tsenelela gone mo teng, totatota. Modimo o itekanediwa ka bo tharo. Lo a bona?

<sup>80</sup> Lemogang, “lefatshe la kgale,” la pele ga morwalela; “lefatshe” le le leng teng jaanong; le Lengwe le le tshwanetseng go tlaa.

<sup>81</sup> Jaanong, kgato ya ntlha e A re e tlisang ko go yone... Lo a bona, leano la Gagwe la thekololo le tshwana totatota ka sengwe le sengwe. O dirisa mokgwa o o tshwanang. Ga a ke a fetoga. O ne a re, mo go Malaki 3, “Ke nna Modimo, mme ga Ke fetoge.” Tsela e A go dirang ka yone, ke gone ka moo, fa A pholositse motho wa ntlha yo A kileng a mo pholosa, ka Madi a a tsholotsweng a Yo o senang molato, O tlaa tshwanela go pholosa yo o latelang; mme mongwe le mongwe yo A mo pholosang go tlaa tshwanela go nne ka tsela e e tshwanang.

<sup>82</sup> Fa A fodisitse motho nako epe go ralala loeto lwa botshelo; a go nne mo metlheng ya ga Jesu, baapostolo, baporofeti, le fa e le leng fa go neng go le gone; fa diemo tse di tshwanang di diragadiwa, O tshwanetse a go dire gape. Go jalo. Ga a fetoge. Motho o a fetoga, nako e a fetoga, paka e a fetoga, tebalebelo e a fetoga, fela Modimo o sala a tshwana. O itekanetse. A tsholofelo e e tshwanetseng go naya batho ba ba lwalang!

<sup>83</sup> Fa A kile a fodisa motho, O tshwanetse a go dire gape fa diemo tse di tshwanang di diragadiwa. Ena le ka nako epe, fa a kile a pholosa motho, O tshwanetse a go dire mo mafelong a a tshwanang a A go dirileng lekgetlong la ntlha. Fa le ka nako epe A ne a tladir motho ka Mowa o o Boitshepo, O tshwanetse

a go dire mo mmung o o tshwanang o A go dirileng lantlha. Fa A kile a tsosa motho mo lebitleng, O tshwanetse a go dire lekgetlo la bobedi, le nako nngwe le nngwe e sele, mo thaegong e e tshwanang.

<sup>84</sup> Ga a fetoge. Ao, a tsholofelo e moo go e nnayang! Gone ke eng? E seng mo mogopolng mongwe o o dirilweng ke motho, sengwe se ditlhophpha tsa batho di ttileng ga mmogo; fela Lefoko la Gagwe le le sa fetogeng.

Wa re, “A ke Boammaaruri?”

<sup>85</sup> O ne a re, “A lefoko la motho mongwe le mongwe e nne leaka, mme la Me e nne boammaaruri.” “Gonne magodimo le lefatshe di tlaa feta, fela Lefoko la Me ga le kitla le palelwa.” “Dikwalo tsotlh di newa ka tlhotlheto, ke gone ka moo go leng molemo ebile go solegela molemo go nna thuto.” Mme gakologelwang, gore, “Lekwalo lotlh le tlaa diragatswa,” bonnyennyane bongwe le bongwe jwa lone.

<sup>86</sup> Lemogang ka foo Modimo a go dirang gore go tlhaloganyege motlhoho mo go rona. Mme fa moo e ne e se tlho—tlhomamiso e kgolo, e e molemo . . . tshegofatso e tona, e e nang le lorato go tswa ko Modimong! Fa ke bona sena, mme ke bona seo esale ke le mosimane, lekgetlo la ntlha le ka nako epe le Keresete a neng a berekana le nna, ke ntse ka gale ke ruta dikgato tse tharo tseo tsa letlhogonolo. Lemogang fa go se boammaaruri jaanong.

<sup>87</sup> Jaanong, kgato ya ntlha ke “boikotlhao ko go Modimo.” Mme fong mo go latelang morago ga seo, ke kolobetso ya metsi, “kolobetso ya metsi,” “Ikotlhaoeng, mme lo kolobetsweng ka Leina la Jesu Keresete.” Lo a bona, kolobetso ya metsi e a latela, e supegetsa gore boikotlhao bo ne bo le jwa popota. Kgotsa, go “itshwarela” maleo a rona a a fetileng, seo ga se na sepe se se amanang le boleo jwa isago. Go itshwarela fela. “Ikotlhaoeng, mme lo kolobetsweng ka Leina la Jesu Keresete.” Ka ntlha ya eng? “Boitshwarelo.” Go tlosa boleo jo bo fetileng ga go na sepe se se amanang le isago. Fela, boleo jwa gago bo nnile jwa kgaoelwa kong, se o se dirileng.

<sup>88</sup> O ka se kgone go ikwatlhaela se Atamo a se dirileng. Ga o ise o go dire; Atamo ne a dira. O amogela fela boitshwarelo ka ntlha ya se o se dirileng. Tlholego ya kgale e santse e le teng.

<sup>89</sup> Mpe ke tseyeng boroto ena motsotsa fela. [Mokaulengwe Branham o tshwantsha tlhaloso mo bolekeborotong—Mor.] Jaanong, pelo ya motho ke *ena*. Jaanong, nna ga ke . . . Nna ke kgakala thata le go nna motaki. Pelo ya motho ke *ena*; le *mona* ke pelo ya motho. Jaanong, ena ka *fano* e na le noga mo go yone, moo ke boleo, *fano* o na le botshelo jwa gagwe. Ena ka *kwano* e na le lephoi mo go yone, le e leng Mowa o o Boitshepo, *fano* o na le Botshelo. Sentle, ena *fano*, o na le bopelompe, letlhoo, bopelotshetlha; ke se se go bakang, ke mogoma yona *fano*. Sentle,

yona ka *kwano* e na le lorato, le boipelo, le boiphapaanyo; mme Seo ke se se go dirang, fa tlase *fano*.

<sup>90</sup> Jaanong, fa o kopiwa, kgotsa o itshwarelw a maleo a gago, o dirile fela sena, o tloseditse *moo* kgakala. Fela selo se se go dirileng gore o go dire se santse se le teng. Moo ke modi wa kgale wa bosula; o santse o le teng. Lemogang, fong o a ikwathl haya o bo o kolobetswa ka Leina la Jesu Keresete, gore Ena o go itshwaretse maleo a gago. Lemogang.

<sup>91</sup> Fong, sa bobedi, go tla boitshepiso, jo bo tlhomang monagano wa rona mo tolamong ya boitshepo, go akanya sentle. Go tsere... boitshepiso ke lefoko la Segerika le le gabedi, le le rayang “go tlhapisiwa, mme go beilwe fa thoko ka ntlha ya tirelo.”

<sup>92</sup> Fong, mo go latelang, go tla kolobetso ya Molelo le Mowa o o Boitshepo, gore Modimo a tle a age mo go rona. Mme Molelo wa Modimo o phepfatasa dipelo tsa rona mo boleong, mme o tsenya Mowa o o Boitshepo ka fa teng. Re tloge re tlise Botshelo jo bo tshwanang jo *Ona* o bo dirileng, ka gore One o ka mo go rona.

<sup>93</sup> Lemogang, mo tsalong ya tlholego, fa mosadi a tsala ngwana. Botshelo jwa tlholego bo tshwantsha botshelo jwa semowa. Fa mosadi a tsala ngwana, wa tlholego, selo sa ntlha se se diragalang ke go thubega ga metsi, go tloge go mne madi, mme go tloge go nne mowa (botshelo). Ba tseye mogoma yo monnye mme ba mo tladimole marago, mme ena a tloge, a goelelsa. [Mokaulengwe Branham o opa diatla tsa gagwe—Mor.] Metsi, madi, mowa.

<sup>94</sup> Mme jaanong fa ngwana a tsalelw a mo Bogosing jwa Modimo, o tla ka tsela e e tshwanang: metsi, Madi, Mowa.

<sup>95</sup> Jaanong lemogang, boitshepiso, kgato ya boraro... kgato ya bobedi ya yone, e phepfatasa monagano; e tlhoma pelo, monagano wa pelo, mo tolamong ya boitshepo.

<sup>96</sup> Motho a ka ikotlhaela maleo mme a santsane a akanya ka ga... Sentle, gongwe ena ke mo—motho yo o maitsholo a a maswe, mosadi mongwe le mongwe yo o lebegang a le wa maitsholo a a maswe yo a mo fitlhelang, go santse go le teng. Gongwe ke letagwa; nako nngwe le nngwe fa a dupelela nnotagi, go santse go le teng. Lo a bona?

<sup>97</sup> Fela ka nako e ena a itshepiwang, moo go tlthatwetsa keletso eo kwa ntle ga gagwe. Lo a bona? Go tlosetsa keletso ya gone kgakala. O santse a kgona go raelwa, fela O tlosetsa keletso ya gone kgakala. Le fa go ntse jalo, ena ga a ise a siame le fa go ntse jalo.

<sup>98</sup> Fong, o kolobetswa ka Mowa o o Boitshepo le Molelo. A ntlafadiwe, a tshubiwe ka molelo, a phepfadiwe; mme a tloge a tsenngwe mo tirelong ya Modimo.

Boitshepiso bo ba baya fela ka fa thoko *ka ntlha ya tirelo*.

<sup>99</sup> Mme lemogang fela totatota ka fa moo go tlang ka gone, melaetsa e tla. Martin Lutere, tshiamiso; Johane Wesele, boitshepiso; pentekoste, kolobetso ya Mowa o o Boitshepo. Melaetsa, ke kwa go ka se tlholeng go nna le dipaka tsa yone, lo a bona. Re kwa nakong ya bokhutlo. Dikgato di le tharo. Kolobetso e ntlatfatsa pelo ka Mowa o o Boitshepo.

<sup>100</sup> Ka fa go gakgamatsang ka gone jaanong, O tsaya lefelo le re tshwanetseng go nna mo go lone, ka tiragalo e e tshwanang.

<sup>101</sup> Jaanong, O biditse Kereke ka tshiamiso, a E bitsa ka boitshepiso, fong a E tlatsa ka Mowa o o Boitshepo le Molelo. Mme O ne a E fetisa mo gare ga tiragatso, gore Ena ka Sebele, Mowa o o Boitshepo ka Sebele, Morwa Modimo, a kgone go nna mo pelong ya motho wa nama. Jaanong, E tshwanetse e ralale seo pele ga A ka tla mo go Yone.

<sup>102</sup> Lemogang, O dirile lefatshe, kwa Monyadwi yoo a ileng go nna gone, ka tsela e e tshwanang, leano la Gagwe le le tshwanang la—la pholoso.

<sup>103</sup> Lemogang lefatshe la pele ga morwalela. Ena, morago ga a sena go sokologa, ka Monyadiwa wa motlha oo, Noa, O ne a le naya kolobetso ya metsi, a le khurumetsa ka metsi. Ka ntlha eo, tshiamiso, go supegetsa gore O mo tseleng ya Gagwe go bitsa lefatshe lena le le fapogileng, go tswa Etene, go boela ko tsosolosong ya lone gape.

<sup>104</sup> Fong Keresete ne a tla mme a tsholola Madi a Gagwe mo go lone, a le ntlatfatsa ebile a le itseela. Lo a bona, leo ke lefatshe le re tshelang mo go lone jaanong.

<sup>105</sup> Lo bona ka fa Satane, fano mo Lekwalong, a neng a leka go Mo dira a senye leano la Modimo gore a le amogelete, a le Mo naya fa a ne a Mo isa kwa godimo ga thaba, mme a leka go le Mo neela kwa ntleng ga theko ya Madi?

<sup>106</sup> A lo ne lwa lemoga ka fa Aborahama, fa ba ne ba leka go mo naya lefatshe, o ne a le reka ka dishekelle tsa selefera tsa selekanyo se se rileng, fa pele ga batho, e le sesupo, e le bosupi? “A go itsiweng letsatsing leno gore ke rekile lefelo lena la go fitlha baswi.” Lo a bona, a le reka! Mme Satane ne a leka go—go Mo naya bogosi jo e leng jwa gagwe jaanong. O ne a leka go bo Mo naya e le neo, fela O ne a se rate go e amogela. Ka gore gone ke, lo a bona, fong Satane o ne a santse a ka kgona go nna le sesagagwe mo go gone. Fela, go ne ga tshwanelwa go rekwa. Amen. O ne a le Lefoko mo botlalong jwa lone. Ba ne ba ka se kgone go Mo tsietsa mo go gone.

Fong, jaanong le tshwanetse go amogela kolobetso ya Molelo.

<sup>107</sup> Lo a bona, go dirile jaanong . . . Go diragetseng? Keresete ne a tla mme a biletsha Kereke ko boikothaong, kolobetso ka Leina la Jesu Keresete, gore ba itshwarelw; a itshepisa Kereke; mme ka

Molelo wa Modimo ne wa fologa mme wa fisa makgapha otlhe, mme a tle a nne mo pelong ya motho.

<sup>108</sup> Jaanong, lefatshe, go rekoloelwa motho yona yo o rekololetsweng, O dirisa mokgwa wa Gagwe o o tshwanang. O ne a le kolobetsa mo metsing, morago ga tshenyo ya pele ga morwalela. A tsholola Madi a Gagwe mo go lone, go le itshepisa le go le thopha. Ke la Gagwe.

Satane o ne a leka go re, “Ke tlaa le Go naya.”

<sup>109</sup> O ne a re, “Nnyaya, rra, ke tlaa le reka.” A go nne bosupi. O ne a tlhatlosiwa, go nna sesupo, gore O le rekile. O le rekile.

<sup>110</sup> Fela jaanong le tshwanetse le fete mo gare ga kolobetso ya Molelo, Molelo o o boitshepo go tswa go Modimo, o o tlhatswang lefatshe le magodimo go le dikologa. Fong, lone le rekilwe gore ba ba rekololetsweng ba kgone go tshela mo go lone, ba tshele mo go lone ka kagiso. Lemogang, kolobetso ya Molelo e tshwanetse e le ntlafatse go tswa mo boleong, go tswa bolwetsing, go tswa mo megareng ya bolwetsi, go tswa mo baleofing, go tswa mo diabolong le setlhophpha sotlhe sa gagwe. O tshwanetse a kgoromeletswe ntle, ka mo Letsheng la Molelo. Molelo o o Boitshepo go tswa ko go Modimo, o fologa ko Modimong, ko Legodimong, mme o le fise, lemogang, go le baakanya gore Modimo a nne mo teng. Gonne, Modimo, mo Lefatsheng le Lesa le le tshwanetseng go tla, o tshwanetse go nna mo lefatsheng. Jaaka go sololetswe, wa re, “Modimo, O agile mo pelong ya motho.” Fela, Ena le Monyadwi ba fetoga go nna Bangwe, mme ba ya kwa Legaeng la bona ko Lefatsheng le Lesa. Mme leano le le tshwanang la thekololo le dirisiwa go rekolo, boobabaedi, lefatshe le batho ba ba tshelang mo go lone.

<sup>111</sup> Lo a bona, pelo e tshwanetse e ntlafatswe jalo. Pele ga Modimo a ka fologa mo sebelebeleng sa Mowa o o Boitshepo, yo e leng Keresete a fologa mme a nna mo pelong ya motho, yone e tshwanetse e ikotlhae pele. Le tshwanetse le kolobetswe mo metsing, ka Leina la Gagwe, go supegetsa yo le leng leloko la gagwe.

Fong e tshwanetse e ntlafadiwe ka Madi a ga Jesu.

<sup>112</sup> Mme go tloge Molelo o o boitshepo le Mowa o o Boitshepo, go tswa ko Modimong, di fologe di bo di fisa keletso yotlhe ya boleo, tlholego yotlhe ya lefatshe. “Mme, ke gone ka moo, ena yo o leofang ka bomo morago ga a sena go amogela kitso ya Boammaaruri...” Fong, gape Baebele ne ya re, “ga go kgonege...” “Gonne, mo—motho yo o tsetsweng ke Modimo ga a kgone go leofa; ga a leofe.” Ga go na tsela ya gore a leofe. A ka nna moleofi jang, le yo o rekololetsweng, ka nako e e tshwanang? Nka nna jang mo lebentleleng la go beeletsa, le kwa ntle ga lebentlele la go beeletsa, ka nako e e tshwanang? Lo a bona? Ao, O re rekololetse ka Madi a Gagwe; ka Mowa wa Gagwe O re

ntlafaditse; mme a tloge a tle go nna mo go rona, Kereke. Eseng lekoko, jaanong; Kereke!

<sup>113</sup> Lemogang ka tlhoafalo jaanong jaaka re tsaya sena, mafelo a re tshwanetseng go—go nna mo go one. Jaanong, jaanong, ba—boikotlhao jwa pele ga morwalela, ka nako eo, ne jwa tlisa kolobetso ya metsi. Fong Keresete ne a tla mme a tshollela Madi a Gagwe mo go lone, go le phepfatsa le go le itseela. Mme fong go tle, mo go latelang, tshenyo ya lefatshe jaaka le ntse ka gone jaanong.

<sup>114</sup> Boleo jotlhe jo bo leng ko magodimong ko godimo, “ena ke kgosana ya thata ya loapi,” o kganelo (o Iwantsha go kganelo) ditshegofatso tse di tswang ko Modimong. Teng moo go tla ditladi tsa tlapana tsa legadima mme di iteye lefatshe, le sengwe le sengwe, go tswa magodimong, digalase tsa pula e e segang, le dikgwanyape tsa kwa mafelong a a mogote le dipula kgwe- . . . matsubutsibu le sengwe le sengwe, “di tswa kwa godimo,” tse di leng Satane, “kgosana ya thata ya phefo.”

<sup>115</sup> Lemogang, lo bona ka fa Satane a lekileng go le tsaya, jaaka ke buile metsotsa e le mmalwa e e fetileng, ka go le naya Jesu ko ntleng ga go le reka. Ka nthia eo, Satane o santse a na le go batla sesagagwe, ka gore lone le beilwe letshwao, lo a bona. Fela Jesu oa le reka ka Madi a Gagwe a a tsholotsweng mme a le busetse mo go mong wa lona yo o ka fa molaong. Lo a bona? Ke ka foo A re re rekileng, ka Madi a Gagwe, ka fa A rekileng Kereke ka teng.

<sup>116</sup> Mme jaanong kolobetso ya lone ya Molelo e a le phepfatsa go tswa fa megareng yotlhe, malwetsi otlhe a lone, makoa otlhe, le e leng dilo tsotlhe tsa semowa; tse di tlang ka rona, le tsone, go dira ka tsela e e tshwanang; go le baakanyetsa Modimo gore a age mo teng, mo pakeng e kgolo ena e e tshwanetseng go tla, Lefatshe le Leša. Lo a bona, O le rekolola ka tsela e e tshwanang e A dirang batho ba Gagwe ka yone. O le dira gotlhe fela go tshwana, leano la Gagwe la thekololo. Gonno, Ena ke Modimo yo o sa fetogeng, ka gale a tshwana mo maanong a Gagwe.

<sup>117</sup> Ka fa ke lo boleletseng ka teng, pele, ebile ke lo itsiseng, le ka dipaka tsotlhe, gore Modimo ga a kgone go fetoga; o go itsise, tsela nngwe le nngwe, ka se se tshwanang.

<sup>118</sup> O ne a go itsise, molaetsa wa Gagwe wa ntlha, ko lefatsheng la pele ga morwalela, ka Noa moporofeti.

<sup>119</sup> Ke ne ke bua le mokaulengwe yo o rategang yo o dutseng a le teng le nna jaanong. Maabane, o ne a re, “Selo se le sengwe se o se buileng, Mokaulengwe Branham, se se tlhotseng se ntshikinya.”

Ke ne ka re, “Ke eng, mokaulengwe?”

<sup>120</sup> Mme o ne a re, “Se o se buileng ke sena,” mme sone ke boammaaruri, “Bobotlanyana, ka fa setlhopho se se nnye se ileng go bolokesega mo metlheng ya go Tla.” Mme re ne ra bua ka ga ka fa Jesu a neng a re, ‘Kgoro e pitlagane ebile tsela

e tshesane, mme fela ke ba le mmalwa ba ba tlaa e bonang.' Jaanong lemogang, Baebele ne ya re, 'Jaaka go ne go ntse ka teng mo methheng ya ga Noa kwa mewa ya botho e e ferang bobedi e neng ya bolokwa ka metsi, go tlaa nna jalo mo go Tleng."

Ke ne ka re, "Mokaulengwe, wena fela o na le . . ."

O ne a re, "Gakologelwang, go na fela le mewa ya botho e e ferangbobedi foo."

Ke ne ka re, "O na fela le halofo ya setshwantsho."

<sup>121</sup> Le fa go ntse jalo, Noa e ne e le setshwantsho sa masalela a a neng a tlolagantsiwa, eseng segopa se se fetotsweng sebopego. Enoke, monna a le mongwe, ne a tsena mo Phamolong pele ga morwalela o tla, go supegetsa gore Kereke ga e tsene ka mo pitlaganong kgotsa sepe go e dikologa. Enoke o ne a fetolwa sebopego, motho a le mongwe. Ao, kereke e ka tswa e le palo; fela Monyadiwa o ile go nna setlhophpha se se nnye thata se se tlaa dirang Monyadiwa. Jaanong, kereke e ka tswa e le palo e kgolo; fela, Monyadiwa, lo a bona, tshwantshanyang ferabobedi le bongwe. A le mmotlanyana makgetlo a a ferangbobedi, fa a bapisiwa le kereke, e tlaa bo e le Monyadiwa.

<sup>122</sup> "Mme fa ka boutsana basiami ba bolokesega, moleofi le ba ba senang poifoModimo ba tlaa bonala kae," bao ba ba itseng mo go botoka, go go dira, mme ba tswelela pele mme ba go dira le fa go ntse jalo? Bao ba ba latelang melao ya lekoko go na le Lefoko, ba tlaa bonala kae, le fa go ntse jalo ba bidiwa Bakeresete, ba tsaya Leina la ga Keresete?

<sup>123</sup> Jaanong, ka boitekanelo, Noa e ne e le mohuta wa bao ba ba neng ba tlolagantshtswa. Gakologelwang, erile Noa a ne a tswa, Hame o ne a na le ene. Boleo bo ne bo santse bo le teng moo. Boleo bo ne jwa tswelela jwa tlolela gone ka koo, ka areka. Tumologo, pelaelo, e ne ya tlolaganya mo arekeng, ya tlodisetswa kwa godimo ga katlholo. Fela Enoke o ne a ya kwa godimo go feta go na le areka, o ne a fetela ka ko Bolengtengeng jwa Modimo. Fela Noa o ne a ralala a bo a tswa, mme go ne go santse go na le boleo; mohuta wa Mileniamo, wa seemo sa lefatshe.

<sup>124</sup> Mileniamo ga se bokhutlo jwa jone. Go tlaa bo go santse go na le nako morago ga Mileniamo. Mileniamo ke sebaka sa nako; fela, eseng Lefatshe le Leša. Nnyaya, ruri. Lemogang, mo go seo, re tlaa goroga kwa go gone morago ga nakwana.

<sup>125</sup> Lo a bona, lefatshe, le rekolotswe, le boela ko go Mong wa lone wa ko tshimologong gape. Go tsere . . . O le amogile Satane. O ne a goga, a tsaya lefatshe mo go Satane, fela jaaka A go tlositse mo go Satane, jaaka A ne a tlosa mosadi yo monnye ko sedibeng mo go Satane. Moperesiti ke yoo o ne a eme, a akanya gore o ne a na le Modimo, mme o ne a sena sepe. Lo a bona?

<sup>126</sup> Ke tlaa rata go lo tshwantshetsa seo motsotso fela. Jaanong, re batla go papamatsa mona thata, jalo he jaanong elang

tlhoko thata jaanong mo thutong ena. [Mokaulengwe Branham o tshwantsha mo bolekeborotong mo ditemaneng di le mmalwa tse di latelang—Mor.]

<sup>127</sup> Jaanong, sena *fano*, Modimo ke yona. Modimo, yo o leng wa Bosakhutleng, kwa ntle ga . . . Ga go ope fa e se Ena. Fela, mo Modimong, O ne a na le dikao. Jaanong, sena *fano* se emetse Lefoko, Lefoko la Modimo, le le neng la dirwa nama mme la aga mo gare ga rona ka sebelebele sa ga Jesu.

<sup>128</sup> Jaanong yona *fano*, mogoma *fano*, re ile go mo dira *jaana*. Jaanong, *yona* o bidiwa mosadi ko sedibeng. *Yona* ke moperesiti, Mofarasai. Mme kwa lo bonang *sena*, bolekeboroto e bulegileng, go raya letlhogonolo le poloko.

<sup>129</sup> Jaanong, “Ko tshimologong go ne go le Lefoko. Mme Lefoko le ne la dirwa nama la bo le aga mo gare ga rona.” Dikgato tse tharo. E ne e le sekao peple, se se neng se le mo Modimong, gore O ne a Ikgopola a le motho; mme moo go ne ga Mo fetolela ko go nneng Jesu; mme jaanong, fa o ka bo wa nna Koo, o ne o na le Ena ka nako eo. Gonnie, go na le popego e le nngwe fela ya Botshelo jo Bosakhutleng, eo ke Modimo; mme o ne wa tshwanela go nna bontlhabongwe jwa Modimo kwa tshimologong, eseng se wena o se tlhophileng fela fa tlase *fano*. O go tlhophile. “Botlhe ba Rara a ba Nneileng ba tlaa tla.”

<sup>130</sup> Jaanong lebang moperesiti yona *fano*. Re fitlhela karolo ya gagwe e e fa tlase, *fano*, botshelo jwa gagwe jo bo ko morago, fa morago ga gagwe, tlhomamisetso pele ya gagwe fa morago *fano*, e boleo.

Dihele ke tsena, golo *fano*.

<sup>131</sup> Jaanong, karolo e nnye ena teng *fano*, e e lebegang jaaka bolekeboroto, eo e emetse bophepa jwa gagwe. O ne a le moperesiti. O ne a le monna yo o tlotlegang. Moo go ne go emetse *sena*. O ne a le jalo, le ene, ne a tshwanetse go nna monna yo o siameng, kgotsa o ne a ka se kgone go nna moperesiti. Fela lo bona ka fa a go tlhalogantseng ka gone, e ne e le thuto ya botlhale.

<sup>132</sup> Jaanong, mosadi yo monnye yona, botshelo jwa gagwe jwa ntlha, golo *fano*, o ne a le seaka, o ne a sentswe gotlhellele. Fela kgakala kwa tlase mo go ena, *fano*, go ne go le fela tlhaloganyo e nnye. “Ke a itse mogang Mesia a tlang . . .” Lo a bona? Lo a bona, moo go ne go le teng.

<sup>133</sup> Lemogang, nako e Jesu a neng a tla mme a bonatsa Lefoko, ka gore Lefoko le ne le lemoga dikakanyo tse di neng di le mo pelong; jaaka Bahebere 4 e bua gore Le tlaa dira, 4:12, gore O tlaa dira. “Lefoko e ne e le molemogi wa dikakanyo tsa pelo,” mme O ne a tla e le Morwa motho, Moporofeti. Go ne ga diragala eng? Moperesiti yona, ka go ithuta fela ga botlhale, ne a re, “Ke diabolo,” ka gore seo ke se lekoko la gagwe le neng le se go

bitsa. Go ne ga dira eng? O ne a sena seemedi, jalo he go ne ga mo fifatsa.

<sup>134</sup> Fela mosadi yo monnye yona o ne a sena sepe go se bega; o ne a le makgaphila le leswe jaaka a ne a ka kgona go nna ka gone. Fela, lemogang, kgakala ko tlase mo go ene, o na le seemedi, lo a bona. Mme, fong, o ne a soloftse gore sena se dirwe nama.

Mme erile A ne a re, “Tsamaya o ye go tsaya monna wa gago mme o tle kwano.”

O ne a re, “Rra, ga ke na ope.”

<sup>135</sup> Ne a re, “O buile boammaaruri, ka gore o na le ba le batlhano, mme yo o nang nae jaanong ga se wa gago. O nnile le ba le batlhano. Moo go dira ba le barataro ba o nnileng nabo.”

<sup>136</sup> O ne a re, “Rra!” (Eseng, “Wena o,” eseng, “Beelsebule.”) “Ke lemoga gore Wena o Moporofeti. Jaanong, re itse Mesia, yo o bidiwang Keresete, o tlaa tla. Mme fa A dira, O tlaa dira sena.”

O ne a re, “Ke nna Ena.”

<sup>137</sup> Ga go sa na pelaelo epe. O ne o sa tshwanele go go tlhalosa. O ne a go bona. O ne a go dumela. O ne a tloga a ya! Goreng? Go ne ga mo dira eng? Go ne ga mo rekolola.

<sup>138</sup> Jaanong elang tlhoko, O ne a tla go nna Morekolodi. A go ntse jalo? Go rekolola go raya eng? “Go busa.” Goreng A ne a sa kgona moperesiti? Ga a ise a ko a nne golo koo. Lo a bona? Lo a bona, o ne a sena seemedi.

<sup>139</sup> O ne a tla go rekolola seo se se neng se ole. Mo phapogong, *sena* se ne sa tlhakatlhakana, le mosetsana yole; fela Modimo o ne a na nae mo kakanyong ya Gagwe pele ga motheo wa lefatshe, mme O ne a tla go mo ntlaufatsa. Lo a bona? Fong O . . . O ne a na le Botshelo jo Bosakhutleng. Lo a bona?

<sup>140</sup> Kwa, go moperesiti, go ne ga mo dira eng? Go ne ga mo romela gone morago kwa bogorogeleng jwa gagwe. O ne a sena sepe, go simolola, e le fela thuto ya tsa botlhale.

<sup>141</sup> Jaanong reetsa, tsala, fa selo se le nosi se o nang naso e le fela go ithuta ga botlhale, o amogela sengwe se se farologaneng le seo. Mme ga o kitla o kgona go Go tlhaloganya fa e se fa o na le seemedi. Leo ke lebaka le ke dumelang gore lo tswa ko botlhaba le bophirima, bokone le borwa; Lefoko, le tshela, le bonaditswe.

<sup>142</sup> Lemogang jaanong ka foo A dirang tsela ya Gagwe e itsege ka baporofeti ba Gagwe, ko tshimologong. Ga A ise a go fetole.

<sup>143</sup> [Fa go sa theipiwang teng mo theiping—Mor.] . . . pholoso. O ne a siamisa motho; ne a mo itshepisa; a romela Mowa o o Boitshepo le Molelo, mme a fisa boleo go tswa mo go ena, a bo a aga mo go ena, ka Sebele.

<sup>144</sup> O dira lefatshe, le A ileng go le dirisa mo leanong la thekololo, ka tsela e e tshwanang. Le ne la sokologa mme la kolobetswa mo metsing, mo . . . ke Noa. Jesu ne a tla a bo a

le itshepisa, ka go rothisetsa Madi a Gagwe mo go lone, mme a le gapa. Mme mo Lefatsheng le Leša le le tshwanetseng go tla, le tshwanetse go nna le kolobetsa ya Molelo o o boitshepo, go le phepafatsa diabolo mongwe le mongwe, mogare mongwe le mongwe, bolwetse bongwe le bongwe, sengwe le sengwe se se leng teng, mme a le dire sesa. “Ke ne ka bona Legodimo le Leša le Lefatshe le Leša.”

<sup>145</sup> O fetoga o nne motho yo moša. Amen! E seng fela mongwe wa bogologolo yo neng a pitielwa, ka go ipataganya le kereke kgotsa go leka go bula letlhare le leša, fela wena o karolo e e feletseng e ntšhwa ntšhwa. Modimo o tsaya motho wa kgale mme a mo fise gotlhelele, ka Mowa o o Boitshepo le Molelo, mme a tle ka Boene, a romele seemedi sa gago ko tlase. “Ga go motho yo o ka tlang mo go Nna ntengleng le fa Rrê a mo gogile. Mme botlhe ba Rara a ba Nneileng ba tlaa tla ko go Nna.” Lo a go bona? Thulaganyo e e tshwanang; tsela e e tshwanang.

<sup>146</sup> Satane o ne a . . . o tlaa ntshiwa mo lefatsheng, fela totatota jaaka Satane a ne a tlosiwa mo go wena. Satane ga a kgone go tshwenya; kgotsa, o kgona go raela, fela ga a kgone go tsaya Mokeresete yo o tsetsweng sesa. Gonne, Modimo, go tloga motheong wa lefatshe, ne a mmonela pele, mme a romela Jesu go mo rekolola, mme Madi a a mmuelala. A ka leofa jang fa bo sa kgonwe go bonwa, le e leng, ke Modimo? Ga a dire le e leng . . . Selo se le nosi se A se utlwang ke lentswe la gago. O bona kemedi ya gago. Amen! Moo ke nnete. Lo a bona?

<sup>147</sup> Ka tsela e e tshwanang, gonne lefatshe ke sengwe sa dikao tsa Gagwe fela go tshwana le ka fa o leng sengwe sa dikao tsa Gagwe. Lefatshe le fetoga go nna sengwe sa dikao tsa Gagwe, ka gore e ne e le kakanyo ya Modimo, ko tshimologong. Go nna le lefatshe, go nna mo Setulong sa bogosi, go nna Kgosi, go nna Morekolodi, go nna Mofodisi, moo ke dikao tsa Gagwe.

<sup>148</sup> Fela jaaka sekao sa gago. Ga ke kgone go re pa—“pale” fa e se fa ke akanya ka ga pale. Nka se kgone go bua ke re “motho” ntengleng le fa ke akanya ka ga motho. Mme fa ke akanya ka ga motho, ke tloge ke re “motho,” kakanyo ke sekao sa me mme polelo ke lefoko. Lo a bona?

<sup>149</sup> Jaaka Isaia, o ne a ka bua jang, gore, “Kgarebane e ne e ile go ithwala”? Kakanyo ke eng?

<sup>150</sup> Jaanong, ba le bantsi ba lona lo ipotsa ka foo tsone, temogo eo, e tlang ka gone. Ke ile go le bolelela. Lo a bona, ke lefoko le ke le buang. Mme ga se go akanya ga me, ka gore ga ke itse. Ga ke itse ka ga go akanya ka ga gone. Nka go bolelela jang yo o leng ena le kwa o tswang gone, fa ke sa go itse? Nka go bolelela jang se o se dirileng dinyaga di le lesome tse di fetileng, fa ke ise ke go bone mo botshelong jwa me? Nka go bolelela jang kwa o tlaa dirang gone le se o tlaa se dirang dingwaga di le lesome go tloga jaanong? Ke itse jang isago? Fela ke kakanyo ya Mongwe o sele.

<sup>151</sup> “A monagano o o neng o le mo go Keresete o nne mo go wena. A monagano o o neng o le mo go Keresete o nne mo go wena.” Lo a bona, fong ga se go akanya ga gago. Ke go akanya ga Gagwe, ka wena. Mme ga o supe mafoko a e leng a gago; o supa Mafoko a Gagwe.

<sup>152</sup> Moo ke ka fa go leng makgetlo a le mantsi bakaulengwe ba tlhakathlakanang, mo phuthololong ya diteme, le dilong. Lo a bona, ba bua dilo tse di sa siamang, ga ba lemoge gore moo ke Satane. Wa re, “Ko tshimong ya Modimo?” Leta fela go fitlhela re feditse, re batlisiseng fa go se gone, kgotsa nnyaya. Mefero le korong di tlhoga mo tshimong e e tshwanang. Tsone tsoopedi di tshela ka letsatsi le le tshwanang le pula e e tshwanang. Lo a bona?

<sup>153</sup> “Fela fa go na le mongwe mo gare ga lona yo e leng moporofeti, Nna Morena ke tlaa bua nae. Mme fa se a se buang se diragala, fong moo ke Nna, lo a bona, ka gore ena ga a bue se e leng sa gagwe. Ena o bua dikakanyo tsa Me, dikao tsa Me tsa dilo tse di tshwanetseng go tla, mme Ke tlaa dirisa molomo wa gagwe go di tlhalosa ka one. Mme morago ga a sena go di bua, di tshwanetse go diragala. Magodimo le lefatshe di tlaa feta, fela Lefoko la Me ga le kitla le palelwa.”

<sup>154</sup> Isaia o ne a re, “Kgarebe e tlaa ithwala.” Moo go a go tsepamisa. E ile go ithwala. Se Modimo a se buileng, O a se dira.

<sup>155</sup> Ao, o itsisa, ka baporofeti ba Gagwe, diponatshego tsotlhе tsa Gagwe, ka gore ke dikao tsa Gagwe tsa dikakanyo tsa Gagwe di builwe.

<sup>156</sup> Jaanong, ke mona go ne go le teng, mo mosading yo monnye yona. O ne a le mongwe wa dikao tsa Gagwe. Lo a bona?

<sup>157</sup> Mme moperesiti o ne a le yoo, a emetse Lesedi. O ne a go ithutile Baebeleng. O ne a ithutile gore Modimo e ne e le Modimo. O ne a ithutile gore boitshepo bo ne bo siame. O ne a rutegile gore go ne go na le molao wa Modimo. O ne a go ithutile ka nttha ya kakanyo ya botlhale. Mme o ne a tsalelwа mo losikeng le le siameng; o ne a le Molefi. Fela o ne a go itse fela ka kakanyo ya botlhale. Mme erile Lesedi la oura . . . Lo a bona, o ne a le ithuta ka se se diragetseng, eseng se se neng se diragala; se se neng se diragetse! Mme erile a ne a bona se se neng se diragala, lekoko la gagwe le ne la sekа la bua sepe ka ga Sone, ka moo o ne a sena seemedi sa Sone.

<sup>158</sup> Fela Morekolodi o ne a le fano mo lefatsheng ka nako eo, go rekolola dikao tseo tsa Modimo, mme o ne a di amogela. Ga a a ka a go belaela. O ne a re, “Mogang Mesia a tlhang, O tlaa dira sena,” mme moo go ne ga go tsepamisa. Mme o ne a go bona go diriwa, jalo he . . . O ne a re, “Ke nna Mesia,” jalo he moo go ne ga go tsepamisa. Go sa tlhole go na le potso. O ne fela a ya, a bolelela mongwe le mongwe o sele, “Tlayang, lo boneng Yo Ke mmoneng.”

<sup>159</sup> Ditiragatso tsena di a re phepafatsa, tempele ya lefelo la Gagwe la bonno: tshiamiso, boitshepiso, kolobetso ya Mowa o o Boitshepo ka Molelo. Moo go dira tlhapiso ya (ya rona) tempele ena.

<sup>160</sup> Jalo he, jaaka foreimi ya kgale ya lefatshe e ne e ya se senngwe, ke metsi fa le ne le tlhatswiwa; foreime ya polanete, foreimi e kgologolo, le...leswe lotlhe, dilwana tsotlhе tse Modimo a di beileng mo lefatsheng, di ne tsa se senngwe motlhang lefatshe la ntlha le neng le senngwa. Mme Baebele ne ya re le ne la “senngwa,” fela ga go a ka ga senya foreimi. Go ne fela ga nyeletsa boleo le baleofi ba ba neng ba le mo go lone. Foreimi e e tshegetsang e ne ya sala.

<sup>161</sup> Fela, lo a bona, jaaka tshiamiso, jaaka lona Mabaptisti le Mamethodisti lo batla go akanya ka ga gone, fela tshiamiso, go dumela le go kolobediwa, moo ga se mo go lekaneng. O tlaa kalakatlegela gone morago ka mo dilong tsa lefatshe, mme o pome moriri wa gago o bo o apare bomankopa, le sengwe le sengwe se sele. Lo a bona, ga go na sepe se se neng sa diragala ka nako e. O ne wa leba fela kwa morago mme wa bona gore o ne o dirile phoso.

<sup>162</sup> Ke eng se tshiamiso e neng ya se dira ko lefatsheng? Ga e ise e dire selo mo go lone; le ne la simolola gone ka bonako go fapoga gape, le fela boleo jo bontsi fela jaaka le kile la bo le ntse ka gone. Eo ke tsela e motho a dirang ka yone, mme moo ke bokgakala jo a yang gone.

<sup>163</sup> Eo ke tsela e moefangedi yo mogolo, Billy Graham, a tshwanetseng go bona. O ne a re, “Ke a ya mme ke nne le basokologi ba le dikete di le masome a mararo, ke boe mo ngwageng mme ga ke na ba le masome a mararo.” Moo ke bokgakala jotlhe jo ba neng ba ya gone. Lo a bona? Mme, go tlhomame, bone ba a ikothaya. Ke a dumela ba a ikotlhaya; ba le bantsi ba bone, kgotsa bangwe ba bone, sa bogolo. Fela moo ga se se go se tlhokang. Go a go netefatsa fano.

<sup>164</sup> Jaanong, jalo he foreimi e e tshegetsang lefatshe la kgale e ne ya se sengwe ke metsi. Lefatshe le ne fela la tlhapisiwa. Moo go ne ga dira kolobetso ya lone. Le ne la kolobetswa.

<sup>165</sup> Foreimi e e tshegetsang e tlaa tswelela jalo, le fa le tshujwa ka Molelo. Ga o senye lefatshe, lo a bona, o senya fela boleo jo bo leng mo go lone.

<sup>166</sup> Lemogang fano, bangwe ba lona baithuti ba Baebele, mme bogolo segolo Ngaka Vayle a ntebile. Lemogang mo go Petoro, mo kgaolong ya bo 2 ya ga Petoro fano, kgaolo ya bo 3, ke raya moo, o dirisa lefoko “lefatshe,” jaaka lefoko la Segerika *khosemose*, le le rayang, “tolamo ya lefatshe.” “Lefatshe le tla nyelela, le nyerolose dikarolwana ka mogote o o gaketseng.” Lo a bona? Ga go reye gore lefatshe, polanete, e ile go nyelela. Fela lefatshe, *khosemose*, dipolotiki, baleofi, ditsamaiso, boleo,

bolwetse, megare, sengwe le sengwe se se phoso, se tlaa nyelela. Sengwe le sengwe se gangwe . . .

<sup>167</sup> Modimo gangwe o ne a tshikinya magodimo, fela nako ena O ne a re O tlaa tshikinya lefatshe, magodimo le lefatshe . . . “O ne a tshikinya lefatshe,” ke raya moo, “mme fong nako ena O tlaa tshikinya magodimo.” Lo a bona? “Gonne re amogela Bogosi jo bo ka se kgoneng go tloswa.” Ke Bogosi jwa Bosakhutleng. Elang tlhoko ka fa a yang kwa go jone.

<sup>168</sup> Lemogang fano, Petoro ne a re, “Mme di tlaa nyerologa ka mogote o o gaketseng, mme ditiro mo go lone di ne tsa ša,” eseng polanete. “Ditiro mo go lone,” ditiro tsa motho, mapolotiki otlhe a bone le maano a bone, mme makoko otlhe a bone le maano a a dirilweng ke motho, tsotlhe di tlaa tsamaya le gone fa tuka.

<sup>169</sup> “Mme—mme magodimo a tlaa feta ka modumo o mogolo.” A lo ne lwa lemoga fano? “Magodimo a tlaa feta ka modumo o mogolo.” Reetsang! Lefatshe lotlhe le tlaa bo le tuka, mme le tlaa tshuba digase tse di leng mo lefatsheng mme o di phatlakanye. Moo ke totatota. Bua . . . Baebele ne ya bua fano, Petoro ne a re, “Mme magodimo a tlaa feta, le lefatshe, ka modumo o mogolo.” Phatlakanyo e kgolo ga kalo e tlaa le theeketsa, ijoo, ka gore e tshwanetse e bolaye bolwetse bongwe le bongwe, sitlwasitlwane nngwe le nngwe, tshetlho nngwe le nngwe. Sengwe le sengwe se se tshwanetsweng go dirwa, Molelo o tlaa se fisa. Mme, gakologelwang, gone gotlhelele ga se fela molelo o o jaaka go kwadilwe ka dithhaka, gape ke Molelo o o boitshepo, lo a bona, moo go tlaa tlosa Satane le gotlhe ga gagwe, bodiabolo bottlhe. “Tsoopedi legodimo le lefatshe,” amen, “di tlaa feta,” o bolaya megare yotlhe, ditshenekgi tsotlhe, botshelo jotlhe jwa tlholego mo go lone le go le dikologa, le e leng H<sub>2</sub>O (metsi) a tlaa phatlakana. Akanya ka ga gone. Bua ka ga modumo!

<sup>170</sup> Lo akanya gore modumonyana ole golo fano mo Tucson e ne e le sengwe, fa A ne a bula Dikano tse thataro, o o neng wa tshikinya lefatshe tikologong le go dikologa, mme a baka puo. Leta go fitlhela lefatshe lena le amogela kolobetso ya lone!

<sup>171</sup> Lo a itse, fa motho a amogela kolobetso ya Molelo, go na le modumo o montsi go dikologa foo. Ba akanya gore moo ke ditlhong, go utlwa batho ba goa ebile ba thela loshalaba jalo. Leta fela go fitlhela lefatshe lena le amogela kolobetso ya lone!

<sup>172</sup> Eya, go tlaa tlhalosa . . . go le phatlakanye, H<sub>2</sub>O, metsi, gonne Baebele ne ya bua fano mo go Tshenolo 21, “mme go ne go sa tlhole go na le lewatle,” o le phatlakanye. Sena se tlaa fetola bodilo jotlhe jwa lefatshe lotlhe. Le tlaa thubega le bo le phatlakana go nna ditokitoki. Bokafantle jotlhe, legogo, mme le makgolo a difutu kwa tlase ga lone, tsone motlhofo fela di tlaa rutlolowa gotlhelele. Ditokologo, digase tse di leng mo lefatsheng jaanong, kwa ba fitlhelang dikonopa tsena tse di sa kgoneng go di ralala, kgolokwe e kgolo godimo teng koo, kgakala kwa

godimo ko mohuteng mongwe wa kgolokwe kwa e leng gore go na le mehuta yotlhe ya digase, ba rialo; mme moo go tlaa thubega. Tšhakgalo e e boitshepo ya Modimo e tlaa tla mo go lone, lo a bona, mme e tlaa le phepafatsa, e tlaa fetola bodilo jotlhe.

<sup>173</sup> Jaanong, ba le bantsi ba lona ba lo batlang go kwala lefoko lena, lefoko la Segerika, “go nyelela.” Go tswa mo lefokong... Ke ne ka tshwanela go le batla. Ke ne ka akanya, “Lefatshe lena le ile go nyelela jang, mme ntswa go le jalo re ile go tshela mo go lone?” Fela fa lo tlaa lemoga, bangwe ba lona batho ba lo batlang go le kwala, ke tlaa le lo peletela. Ke ne ke sa kgone go le bitsa, p-a-r-e-r-e-c-h-o-m-i-a. Ga ke itse go le bitsa.

<sup>174</sup> Jaanong, ka tsela eo, jaaka ke buile, fa ke nna le... Tlholtleketso e nkama ka ntlha ya sengwe, ke tloge ke boeile morago go batlisisa lefoko. Jaanong, fano, ga ke kgone go peleta lefoko le, kgotsa ga ke kgone—ga ke kgone go le bitsa. Fela, mo go seo, Morena o santse a nneile tsela. Ke a ya mme ke batlisise se lefoko leo le se rayang, fong ke a go tlhaloganya. Lo a bona? Fong ke go tlhaloganye, gape. Lo a bona?

<sup>175</sup> Magodimo le lefatshe di *nyelela*, jaanong, lefoko lena le raya, “go feta mo popegong e le nngwe go ya ko go e nngwe.” Ga go reye “nyeletso,” jaaka lefoko la Sekgowa le tlaa kaya, *nyelela*, ke go nyeletswa. Fela lefoko la Sehebere, kgotsa lefoko la Segerika fano, ga le reye *nyelela*; le raya, “go tloga mo sengweng se le sengwe go ya go se sengwe.” Lebang, fela, “go tloga mo seemong se le sengwe,” ya re, “go ya ko go se sengwe.”

<sup>176</sup> Jaanong lemogang, Paulo ne a le dirisa, fa lo batla go go bala jaanong. Go kwaleng, lo ka go go bala morago. Mo go Tito 3:5, Paulo o dirisa lefoko le le tshwanang lena, le raya ntšhafatso ya motho, motho yoo o fetogile go tloga moleofing go ya go moitshepi, eseng go nyelediwa gotlhelele. Fa motho a fetotswe, ga a nyeletswa, fela ena ke motho yo o fetogileng. O nnile a fetolwa go tloga mo go se a neng a le sone go ya ko go se a leng sone, e seng go nyeletswa.

<sup>177</sup> Jesu ne a dirisa lefoko le le tshwanang mo go Matheo 19:28; jaanong, eseng 28:19. Jaanong, 19:28, O ne a ba raya a re, “Lo tlaa dula le Nna mo Bogosing jwa ga Rrê, lo ntšhafaditswe,” lo a bona, “lo fetotswe,” fa o fetotswe. O ne a dirisa lefoko le le tshwanang.

<sup>178</sup> Mme O ne a dirisa lefoko le le tshwanang fa A ne a re, ko eselaneng, ne a re, “Bofololang eselana mme lo e tlogele e tsamaye.”

<sup>179</sup> Ne a bua selo se se tshwanang kwa tsogong ya ga Lasaro, “Mmofolleng! Mo fetoleng! O ntse a bofeletswe; mo tlogeleng a tsamaye!”

<sup>180</sup> Go raya eng? Lefatshe le tlaa gololwa mo dibofong tsa ga Satane. Le tlaa gololwa. Le tlaa gololwa mo dipolotiking, le tlaa gololwa mo ditsamaisong tsa makoko a bodumedi; go dirisetswa

Bogosi jwa Modimo, go bo tlhoma fano mo lefatsheng. Fela fa fela le le mo diatleng tsa ga Satane, dipolotiki... Satane mmusi wa lefatshe, o le ruile; e ne e le ya gagwe, fela jaanong Keresete o le rekolotse.

<sup>181</sup> Nako nngwe, ke ne ke le thuo ya gagwe, fela eseng jaanong. Nako nngwe, mosadi yo monnye yole o ne a le thuo ya gagwe, fela eseng jaanong. Lo a bona, O ne a tla go bofolola taolo. O ne a golola taolo ya boleo, ya ga Satane, mo botshelong jwa me, mo botshelong jwa gago, mme jaanong ga re ba gagwe.

<sup>182</sup> A lo ne lwa nkutlwā gangwe le gape ke bua, mo thapelong, “tlosa diatla tsa gago mo thuong ya Modimo”? Lo a bona? Amen! Nna le tumelo go tsaya se e leng sa gago. Seo ke ditshwanelo tsa gago. “Tlosa diatla tsa gago mo go ene! Tlosa diatla tsa gago mo go ene!” Lo a bona, tumelo e tlaa go dira. Ijoo! Eseng go go nyeletsa, fela, fela, “Tlosa diatla tsa gago mo go gone,” go go golola, go tlogele go tsamaye, go fetise. Go a fetoga.

<sup>183</sup> Lefatshe le tlaa fetoga. Dipolotiki di tlaa fetoga. Ditumedi di tlaa fetoga. Makoko a tlaa feta. Dipolotiki di tlaa feta. Bogosi jwa Modimo bo tlaa tlhomamisiwa.

<sup>184</sup> Re bala mo go Johane, re bala Johane mo go Tshenolo 6:14, lo a bona, “le ne la tloga jaaka lokwalo lwa momeno.” Baebele ne ya re... gore one... Johane ne a re, “Ke ne ka bona legodimo le lefatshe di tloga jaaka lekwalo la momeno.” Johane, Tshenolo 6:14.

<sup>185</sup> Jesu ne a re, “Magodimo le lefatshe di tlaa feta,” kgotsa, ka mafoko a mangwe, “magodimo le lefatshe di tlaa fetolwa.” Lo a bona, ne a dirisa lefoko le le tshwanang leo gone foo gape.

<sup>186</sup> Nnyaya, eseng go nyelediwa. Gonne, morago, mo go Tshenolo 21:2 go fitlha go 24, o ne a bona Jerusalema yo Moša a fologa go tswa ko Modimong go tswa Legodimong, mme a dutse mo lefatsheng lena. Ga go reye gore go tlaa nyeletswa. Ditsamaiso di tlaa fetolwa.

<sup>187</sup> Daniele o ne a bona selo se se tshwanang. Lefika le ne la itaya lefatshe, le le neng le kabotswe go se ka diatla; mme setshwantsho se se feletseng sa ditsamaiso se ne sa thujwa sa bo se nna jaaka mmoko mo lefelong la selemo la phothelo, mme phefo e ne ya o rwalela kgakala. Mme Lefika, ka Bolone, le ne la gola go nna Thaba e kgolo e e neng e khurumeditse lefatshe. Lebelelang Thaba eo jaanong, mo sebakanyaneng. Thaba eo e ne e khurumeditse lefatshe.

<sup>188</sup> Gape, re fitlhela fano, golo mo go, gape, mo go Tshenolo foo, e ne ya re, “Dikgosi tsa Lefatshe le Leša di tlaa tlisa tlotlo le kgalalelo ya tsone ka mo go lone.” Mo lefatsheng, go dutse... Jerusalema e Ntšhwa e dutse mo lefatsheng lena. Lo a bona, le ne fela la fetoga.

<sup>189</sup> Wena o monna yo o tshwanang, ka seemo, se o neng o le sone fa Modimo a ne a go bitsa, mosadi yo o tshwanang. Fela, lo a bona, se go se dirileng, e ne e le ntšhafatso. Botshelo jwa kgale bo ne jwa feta. Keletso ya kgale e fetile. Fa, o ne o tlwaetse go nwa nnotagi, le go rogakana, le go tlhatlharuana, le go siana siana, le go tlhoka maitseo, selo seo se ne fela sa swa. Lo a bona? Fela jaanong o dirisiwa . . . Fong o ne o le sedirisiwa sa ga Satane; jaanong wena o rekolotswe.

<sup>190</sup> Mme seo ke se lefatshe le tlaa nnang sone, tsela e e tshwanang, le rekolotswe, Magodimo a Maša le Lefatshe le Leša.

<sup>191</sup> Fela jaaka wena, “O setshedi se seša.” Mme lefoko la Segerika foo, mongwe le mongwe o a itse, ne a re, “Wena o lobopo le leša.” Amen! Lobopo le leša mo tempeleng e e tshwanang ya kgale. Haleluya. Elang tlhoko se se diragalang fano jaanong. Mo go galalelang! Go siame.

<sup>192</sup> Jaanong re fitlhela gore lefatshe lena le tlaa tshola dikgosi tsa lefatshe.

<sup>193</sup> Mme, gape, mo go Matheo 5:5, Jesu ne a re, “Ba ba pelonomi ba tlaa rua lefatshe.” Ga go tle go dira, ile gore fela go nne le lefatshe le lengwe. Go ile fela go nna lefatshe le le tshwanang. Ke leka go tlisa le—leano la thekololo ko go lona, pele, fa ke sa tlise sepe se sele, lo a bona. Kolobetsa ya Molelo, mo go lone, ke fela go le ntlaftsa le go le dira lefelo le le tshwanetseng gore ba Gagwe ba ba pelonolo ba tshele mo go lone. Lo a bona? Ao!

<sup>194</sup> Jaaka A ne a re dira, lobopo lwa Gagwe, go tshela mo go lone. Pele ga A ne a ka tsena mo go lone, O ne a tshwanelo go re naya kolobetsa ya Molelo; fong Mowa o o Boitshepo o ne wa tsena mme wa tshela, kolobetsa ya Molelo. Fong, fa o amogela kolobetsa eo ya Molelo, fong Mowa o o Boitshepo o kgona go tsena. Eng? Jaaka O dira, O fisa sengwe le sengwe se se kganetsanong le Lefoko, se tswe mo go wena. Lo a bona? Ga O tle go dumela sepe se sele fa e se Lefoko, ka gore One ke Lefoko. Lo a bona? Lo a bona? Lo a bona?

<sup>195</sup> Jaanong, seo ke se re neng re se bua maloba, bosupi jwa Mowa o o Boitshepo. Lo a bona? Bosupi jwa Mowa o o Boitshepo ke nako e o ka amogelang Lefoko; eseng tsamaiso nngwe, fela o nne le tlhaloganyo e e itshekileng. O itse jang gore Lefoko le papametse, o Le tlhaloganye? O Le ele tlhoko le Ithurifatsa.

<sup>196</sup> “Sentle,” wa re, “Ke bona *sena* se go dira, le *sele*.” Ao, ee, mefero e tshela ka tsela e e tshwanang. Lo a bona?

<sup>197</sup> Fela e tshwanetse e nne Lefoko lotlhe. Go nna Monyadiwa, o tshwanetse o nne karolo ya Gagwe. Ena ke Lefoko. Lo a bona? Mme ke karolo efeng ya Gagwe e e leng yone? Lefoko le le solofeleditsweng motlha ona fa A bitsa Monyadiwa wa Gagwe. Nna karolo ya Seo. Lo a go tlhaloganya? Jaanong, lo seka—lo seka lwa latlhegelwa ke seo jaanong. Lemogang.

Mme O go dira lefelo le le tshwanelwang go tshela go ralala Bosakhutleng.

<sup>198</sup> Lemogang, mona go santse go sa umakiwa e le . . . Puso ena ya Mileniamo, dingwaga di le sekete, ga se Lefatshe le Leša. Lo a bona, puso ya Mileniamo ke puso e e farologaneng. Seo ke se re yang ka mo go sone, Mileniamo, fela moo ga se Lefatshe le Leša, Legodimo le Leša. Nnyaya, nnyaya. Moo ke fela lefelo la boikhutso, lo a bona, sebaka sa boikhutso, eseng gotlhelele Magodimo a Maša le Lefatshe le Leša; gonne, lo a bona, mo Mileniamong re na le dilo tse di sa tleng go tsena mo go Seo. Ke mohuta wa letsatsi la bogologolo la bosupa, golo ko Etene; letsatsi la bosupa, morago ga A sena go dira lefatshe. Letsatsi la bosupa, O ne a ikhutsa ko Etene, le Mileniamo.

<sup>199</sup> Lo a bona, lefatshe jaanong le batlile le le dingwaga di le dikete tse thataro, le godile. Lo a bona? Dingwaga dingwe le dingwe tse di dikete tse pedi le ne la nna le tshe—tshenyego. Lo a bona?

<sup>200</sup> Dikete tse pedi tsa ntlha, morwalela o ne wa tla, mme O ne a o kolobetsa ka (eng?) metsi.

<sup>201</sup> Dikete tse pedi tse di latelang, Jesu ne a tla go le itshepisa a bo a le itseela e le sesagagwe, a rothisetsa Madi a Gagwe mo go lone, a le bitsa la Gagwe. Go siame.

<sup>202</sup> “Ke tlaa tla gape,” uh-huh, jaanong jaaka Kgosigadi ya Gagwe, mme dingwaga tsa bobedi tse di dikete tse pedi (O dira eng?) O a tla a bo a neela sebaka sa Gagwe sa boikhutso.

<sup>203</sup> Mme a tloge a le fise, mme a le itseele gore le nne le e Leng ba Gagwe; go baya ba e Leng ba Gagwe mo go lone.

<sup>204</sup> Mme lemogang, eseng lefatshe le le itekanetseng, Mileniamo ona, ke setshwantsho sa letsatsi la bosupa. Fong go tla Katlholo ya Terone e Tshweu. Lo a bona, re santse re na le katlholo. Re santse re le mo nakong, mo Mileniamong. Ke letsatsi, dingwaga di le sekete se le sengwe. Ke karolwana ya nako. Eseng, lo seka lwa tlhakatlhakanya seo le Lefatshe le Leša, jaanong, ka gore ga se lone.

<sup>205</sup> O ka nna wa mpolelela sena. Jaanong ke ikutlwa fela gore mongwe a ka nna a nthaya sena, gore, “Jaanong, Mokaulengwe Branham, o ile go dira eng jaanong? O feleletswe ke bo supa ba gago ba ba feletseng. O ile go dira kae jaanong? Jaanong, wena o motshegetsi wa ditebalebelo.” Se e leng gore, nna ke sone. Ke dumela gore Modimo o jalo, le ene. Elang tlhoko, lemogang. “Wena o feletswe ke ditshwantsho tsa ditebalebelo. Gonnie, fa o ile go baya sengwe go feta letsatsi leo la bosupa, o ile go se fitlhela jang? O ile go ya kae jaanong?”

<sup>206</sup> Go siame, ke tlaa ngokela kelotlhoko ya lona ko sengweng, lo a bona. Uh-huh. Lo a bona? Jalo he, ga ke a felefwa—ga ke a felefwa ke ditebalebelo, le fa go ntse jalo. Ke na le Lekwalo le

lengwe fano. Mme, gakologelwang, Lone lotlhe le tshwanetswe le diragatswe, bonnyennyane bongwe le bongwe jwa Lone. Lo a bona?

<sup>207</sup> Jaanong wa re, “Mokaulengwe Branham, o leka go bay a sengwe kgakala ka kwa go feta ga letsatsi leo la bosupa, sabata eo ya letsatsi la bosupa.”

<sup>208</sup> Jaaka Modimo a ne a dira lefatshe mme a bereka malatsi a le marataro, mme a ikhutsa ka la bosupa, e ne e le setshwantsho fela sa nako, nako. Fela ke fetsa go bua fano, re fetoga go nna ba Bosakhutleng.

<sup>209</sup> “Jalo he setshwantsho sa gago se kae jaanong? O ne wa re wena o motshwantshi wa ditiragalo. Jalo he, wena, wena o feletswe ke ditshwantsho jaanong.” Nnyaya, ga ke a dira. A re batliseng fela fa re na le gone.

<sup>210</sup> A re yeng kwa go Lefitiko, morago kwa kgaolong ya bo 23 ya ga Lefitiko. Jaanong ke batla lo lemogeng mo go Lefitiko, kwa re neng re le gone Letsatsi la Tshipi le le fetileng, kgotsa la bofelo . . . Sena ke se se mphileng mogopolo, gone fano. Kgaolo ya bo 23 ya ga Lefitiko, le temana ya bo 26.

<sup>211</sup> Jaanong gakologelwang, go na le malatsi a le supa a meletlo. Moletlo wa dinaka, moletlo wa—wa metlaagana, moletlo wa go fokisa ngata, mo . . . Gotlhe mona, go na le malatsi a le supa a matona a meletlo, moo e ne e le setshwantsho fela sa Dipaka Tse Supa Tsa Kereke. Mme lo gakologelwa gore ke disabata di le kae tse di neng di le teng fa gare ga e le nngwe le e nngwe? Lo a bona, bosabata ba le supa magareng ga pentekoste le dinaka, mo e neng e le Dipaka Tse Supa Tsa Kereke. Mme go ne go na le malatsi a supa a meletlo, a a neng a emetse Dipaka Tse Supa Tsa Kereke. Tsholang dinomore tsa lona di tswelela sentle.

<sup>212</sup> E re, “Sentle, jaanong, Mokaulengwe Branham, o setse o feletswe. O na le bosupa jwa gago.”

<sup>213</sup> Go siame, a re tseyeng moletlo wa bofelo, o e leng moletlo wa metlaagana. Jaanong lemogang fano mo temaneng ya bo 36.

*Malatsi a supa lo tla isa ditshupelo tse di dirilweng ka molelo kwa go MORENA: ka letsatsi la boferabobedi—ka letsatsi la boferabobedi go tla nna pitso e e itshepileng (go na le nako e nngwe e e boitshepo e e tlang) . . . pitso e e itshepileng mo go lona; mme lo tla isa tshupelo e e dirilweng ka molelo kwa go MORENA: mme ke phuthego e e masisi; mme ga lo kiltla lo dira tiro epe ya setlhanka mo go lone.*

<sup>214</sup> Jaanong re na le “letsatsi la boferabobedi.” Jaanong, go na le malatsi a le supa fela, fela fano re bua ka ga “letsatsi la boferabobedi,” pitso e e itshepileng, pitso. Lemogang, “Lo sek a lwa dira tiro epe mo go lone.” Letsatsi la boferabobedi, ke (eng?) morago ko letsatsing la ntlha. Goreng, go bua ka ga

Bosakhutleng, jaaka yone e kgokologela morago go sena lefelo la go khutla. Amen. A lo a go bona?

<sup>215</sup> Lemogang, go ne gape go le mo letsatsing lena la boferabobedi. Letsatsi la bofelo, moletlo wa motlaagana, lemogang morago ga seo, morago ga letsatsi la bofelo la mokete, morago ga Paka ya Kereke ya bofelo, morago ga malatsi a a supang a bofelo a a feleletseng mo lefatsheng, morago ga Mileniamo, gore Pitso ena e e Itshepileng e a tla.

<sup>216</sup> Gakologelwang, mona ke moletlo wa metlaagana, *metlaagana*, “mafelo a bophuthegelo.” Amen! Kwa e leng gore, “Ko Mileniamong,” Baebele ne ya re, “ba tla aga dintlo; ba tla nna gona.”

<sup>217</sup> Fela mo Lefatsheng le Leša, O setse a tsamaile mme a baakantse lefelo le. Le agilwe. Ga re na sepe se se amanang le kago ya lone. Amen. Bosakhutleng! Ao, nna fela ke rata Lefoko leo! Ija! Pitso e e Itshepileng, letsatsi la boferabobedi. Mo e leng gore, ke malatsi a le supa fela. Fong ka letsatsi la boferabobedi, mo go boelang mo letsatsing la ntsha gape, go boela gone ko letsatsing la ntsha, letsatsi la boferabobedi ke e e Itshepileng Pit-... Pitso.

<sup>218</sup> Lemogang, malatsi a supa, a amana fela le lobopo la kgale, nako ya lefatshe. Malatsi a le supa, moo ke Mileniamo, letsatsi la boikhutso. Jaaka Modimo a ne a dira ka malatsi a le marataro, a ikhutsa ka la bosupa; Kereke e dira ka malatsi a le marataro, mme e ikhutsa ka la bosupa, fela lo santse lo le mo karolwaneng ya nako. Ga ke bue ka ga Bosakhutleng.

<sup>219</sup> Fela, lo a bona, ga go na selo se se jaaka malatsi a a ferang bobedi; o boela ko letsatsing la ntsha gape, lo a bona, letsatsi la ntsha.

<sup>220</sup> Sabata e bua ka ga molao wa kgale, o o neng o tshwanetse go feta. Go tshegetswa ga sabata, mo e leng gore “go fetile,” kgotsa, ke rile, “go fetolelwa ko go se sengwe.” Ga go a ka ga feta; go ne fela ga fetoga go tloga mo molaong wa kgale, wa go tshegetsa letsatsi lengwe la beke.

<sup>221</sup> Isaia, kgaolo ya bo 19, ne a re, ke a dumela 28:19, ne a re, “Kaelo e tshwanetse e nne mo kaelong; gannye fano, le gannye fale.” “Tshwarelelang mo go seo se se leng molemo.” “Gonne ka dipounama tse di korakoretsang le diteme tse dingwe Ke tlaa bua le batho ba. Mme boikhutso ke jona.” Lo a bona?

<sup>222</sup> O tsena mo Botshelong, eseng go tshegetsa letsatsi kgotsa moriti. Paulo ne a re, golo koo mo go Bahebere kgaolo ya bo 4. “Lo tshegetsa malatsi le meriti, le dilo tse di jalo; nna ke boifa maitemogelo a lona.” Lo a bona, ga re fetele ka mo malatsing a a rileng le ditsamaisong. “O fetile losong go ya Botshelong jo Bosakhutleng,” eseng malatsi le dinako. O fetetse ka ko Bosakhutleng. Moo ke e e itshepileng pit-... pitso, pitso, ke raya moo.

<sup>223</sup> *Malatsi a le supa*, elang tlhoko, se e leng gore ke “go feta,” kgotsa, ke rile, go tlaa “fetoga go nna se sengwe.” Malatsi a ferabobedi a amana le lobopo le leša, lo a bona, eseng lobopo lwa kgale. Malatsi a ferabobedi ke lobopo le leša.

<sup>224</sup> Gonne, e ne e le ka letsatsi la boferabobedi le Morena wa rona a neng a tsoga mo baswing. Pitso e nngwe ya lona ke eo, boitshepo; go sa gopolweng ka ga bosabata, gotlhelele, kgotsa moletlo wa metlaagana, moletlo wa *sena*, le moletlo wa pentekoste. Jesu o tsogile mo baswing, a direla tshiamiso ya rona, mo letsatsing la boferabobedi. Morago ga disabata tse supa, kgotsa malatsi a supa, Dipaka Tse Supa Tsa Kereke, Jesu o ne a tsoga baswing. Letsatsi la boferabobedi, le e leng pitso e e itshepileng, lo a bona, le e leng letsatsi la ntlha.

<sup>225</sup> Lo a bona, lona lo, lo setse lo fetile go ralala nako, mme lwa wela ka ko Bosakhutleng gape; eseng go tshegetsa malatsi, le go tshegetsa disabata; le dikgwedi tse di ntšhwa, le dilo tse di ntsgeng jalo. “Fela o fetile,” go fetola popego ya gago; eseng o nyeleditswe. Kgalalelo! “Fela o fetile losong go ya Botshelong jo Bosakhutleng.” Ao, se Baebele e se re rutang! Lo a bona, re fetile go tloga mo go le lengwe go ya ko go le lengwe.

<sup>226</sup> Go siame, “e fetile,” sabata ya kgale. Jesu o tsogile ka letsatsi la boferabobedi. Moo e ne e le letsatsi le le masisi, le le boitshepo. Mme e ne e se letsatsi; ka gore letsatsi, nako, e ne e fedile. E ne ya fetela ka ko Bosakhutleng. Lo a bona, e ne ya fetogela gone morago kwa motlheng wa ntlha gape. Lo a bona?

<sup>227</sup> Bosakhutleng bo jaaka kgo—kgolokwe. O ka se kgone go bona sekhutlo sepe mo go yone. O ka se kgone go fitlhela lefelo lepe la go khutla mo sedikong se se itekanetseng. O tswelela pele le go tswelela. Ga ke kgathale gore o ya bokgakala jo bo kae, o santse o ya. O ka simolola go tsamaya *jaana*; o tsene mo bodilong, o tsamaye go ralala lefatshe, o ya go feta lefatshe, o santse o ya-... [Fa go sa theipiwang teng mo theiping—Mor.]

<sup>228</sup> Dilo tsotlhe tse di neng tsa tlholwa golo teng *fano*, di sokamisitswe, eseng di tlhotswe, ke Satane, di tlaa wela ko ntle mogang tloloko e kgolo ya gouta e tsirimang mme Lonaka le poroma.

<sup>229</sup> Mme morago kwale kwa tshimologong, kwa mabofelelo a neng a dirwa gone ko Eteneng, motlheng motho a neng a tla mo lefatsheng mme a ne a wa, kwana e nnye e tsholotse madi a yone, e e buileng ka ga Kwana e kgolo e e neng e tla go tsholola Madi a Yone. Golegotha e ne ya tsosa sefapaano, se se neng se bofeletswe Kgolagano e Kgologolo; ko go bao ba ba siamisitsweng, ba ba neng ba E sololetse. Mme mo tebalebelong ena e ntšhwa, kwa go Tleng ga Morena, kwa Lefatsheng le Leša, kgole ya pholoso (Madi, Thata e e rekolotsweng e ke buang ka ga yone, mme ka tsamaiso e e tshwanang e rekolotse boobabedi motho le lefatshe) e tlaa tlhatlogela gone ka ko Bosakhutleng

gape. Mme Lekadiba la Molelo le tlaa nyeletsa sengwe le sengwe se se senang poifoModimo ebile se sa bonelwa pele ko go Lone. A lo a go bona?

<sup>230</sup> Lemogang, letsatsi la boferabobedi, Jesu o ne a tsogela tshiamiso ya rona. Kgosi ya Bosakhutleng, ka Bogosi jwa Bosakhutleng gore bo kolobeletswe ka mo go jone, go ya Botsheleng jo Bosakhutleng. E seng malatsi a supa; go ne go sena sepe se se amanang le ape a malatsi ao. Go bua ka ga e nngwe, ya Bosakhutleng, e e tl Lang; go bua ka ga nako ya Bosakhutleng, Lefatshe le ke buang ka ga lone.

<sup>231</sup> Mme, lemogang, morago ga malatsi a le masome a matlhano, kgotsa disabata tse supa go tloga foo, gape go ne ga tla pitso e nngwe e e itshepileng. Go ne ga diragala eng? Mowa o o Boitshepo o ne wa fologa ka Letsatsi la Pentekoste, ka letsatsi la bosupa . . . Kgotsa, letsatsi la boferabobedi, ke raya moo, letsatsi la boferabobedi, o ne wa fologa ka letsatsi la boferabobedi. Go ne go le disabata di le supa morago, totatota, morago ga tsogo ya Gagwe, lo a bona; gore go tle go nne makgetlo a le supa a moo gape, go a tlise gone morago kwa letsatsing la ntlha la beke gape, totatota. Lo a bona?

<sup>232</sup> Ke eo pitso ya lona e e itshepileng, e e senang kamano epe le dilo jaaka go kwadilwe. Go fetile seo. Ke ka mo Bogosing jwa Modimo, ka Botshelo jo Bosakhutleng, le ba ba tlhomamiseditsweng pele ba ba iseng ba ko ba simolole. Ga go ise go simolole ka letsatsi lepe. Ga o a bolokesega ka letsatsi lepe. O tlhotse o pholositswe. Amen. Jesu o ne fela a tla go rekolola yoo; fela o ne o bolokesegile, go tloga kwa tshimologong, ka gore o ne o na le Botshelo jo Bosakhutleng, go tloga tshimologong.

<sup>233</sup> Tlapi ya trout ga e kitla e nna gar kgotsa koduntwane. E ka nna ya bo e le mo metsing a a tshwanang le yone, fela yone e ne e le, go tloga kwa tshimologong, trout. Lotlowa le ne fela la e tshwara, lo a bona, fela e ne e le seo go tswa tshimologong. Moo ke seo . . .

<sup>234</sup> Jaanong, ga re a felelwa ke ditebalebelo. A re jalo? Re gone ka mo Lokwalong. Malatsi a le masome a matlhano morago, le ne la tla.

<sup>235</sup> Lo a bona, ferabobedi ga e kake ya balelwa le beke. Lo a bona, ga e kake ya balwa, malatsi a ferabobedi mo bekeng. O ka se kgone go go dira, lo a bona, ka gore go na le malatsi a le supa fela mo bekeng. E bale ka tsela epe e o batlang go dira. Letsatsi la Tshipi ke letsatsi la ntlha la beke. Lo a bona, lo bala supa, fong lo tshwanetse lo boeleng mo teng mme lo simololeng gape. Balang supa, boelang mme lo simololeng gape. Lo a bona?

<sup>236</sup> Mme re ne ra tshela ka ditshwantsho tsotlhe tsena teng fano, fela, fa o fitlha kwa go ya bo ferabobedi, o ya ka ko Bosakhutleng. Ga o tle ka melao, le ditirelo tsa meletlo ya sedumedi, le ditaolo. O tla ka tlhomamisetso pele. Amen! Pitso ya mmannete, e e

itshepileng ke eo! Lo a bona? Mme rona re wetsa paka ya kereke ya bosupa, paka ya kereke, paka ya Pentekoste. A lo a go bona? Re tsena mo pitsong e e itshepileng eo. Re tsena ka mo Bosakhutleng joo jwa mmannete, jwa popota, kwa Kereke e bidiwang gone; eseng ko seteisheneng sengwe, lekokong lengwe, fela ko Bosakhutleng le Kgosi ya bone ya Bosakhutleng. Lo a bona? Ga re na gone gotlhelele, ga go selo se se jaaka malatsi, le dilo, le dinako. Lo fetetse ka mo Bosakhutleng, kwa lo tswang gone. Lo ne lo le Koo, le go simolola. Lo a bona?

<sup>237</sup> Fa o na le Botshelo jo bosakhutleng, go na le popego e le Bngwefela, moo ke Modimo, mme wena o sekao se se bonaditsweng. Lo a bona? Fa wena...Fa o se jalo, ga o tle go nna teng, le fa go ntse jalo. "Ga go motho yo o ka tlang mo go Nna ntleng le fa Rrê a mo gogile." Lo a bona? Mo e leng gore, "go feta," dilo tsotlhe tsena tsa kgale; fela Dilo tsena ga di dire, jalo he go bua ka ga Bosakhutleng. Mowa o o Boitshepo ke wa Bosakhutleng. Fong, wena o mo Bosakhutleng, kwa o neng o le gone ka nako yotlhe, fela wena o fetsa go lemoga se se diragetseng.

<sup>238</sup> Lo a bona, o ne wa direlwa maikaelelo a Bosakhutleng, ka gore o ne o le ponatsho ya sekao se se neng se le mo go Modimo, yo neng a akanya ka ga wena a bo a go bonagatsa; mme O ne a dira lefatshe go go ntsha mo go lone, le go go dira motho. Mme boleo bo ne jwa tla go bapa mme jwa sokamisa tsela ya Gagwe. O ne wa tla, le fa go ntse jalo, fela o ne wa timela le lefatshe. Jalo he O ne a tla mme a go rekolola, sekao se se bonaditsweng, mme gape o rekolola lefatshe lena ka tsela e e tshwanang. Ka ntlha eo, maikaelelo a Gagwe a tswelela a kgokologela pele. Lo a bona? Ao! Haleluya! Ao, moo go ntirela molemo o montsi thata, akanya fela ka ga se se ntseng kwa pele!

<sup>239</sup> Jaanong, mo go Baefeso 1:10, e bidiwa...Jaanong, fa lo e kwala, Baefeso 1:10, e bidiwa, eseng tebalebelo, eseng letsatsi la bosupa. E bidiwa, "Bottlalo jwa nako." Mme fa "botlalo jwa nako" bo tlide, moo ke nako e nako e neng ya diragadiwa. Fa go sa tlhole go na le nako, fong o ya ka ko Bosakhutleng, morago ga paka ya kereke ya bosupa e sena go fela, mme yone e jalo; Paka ya ga Lutere e fedile, paka ya Methodisti e fedile, paka ya Pentekoste e fedile. Mme jaanong lo tsena ka mo go (eng?) Bosakhutleng; ga go sa tlhole go na le bo supa, ga go sa tlhole go na le bo tharo, ga go sa tlhole go na le mo gongwe. Ba mo Bosakhutleng, kwa go senang nako e jaaka dipalo, le dinako, le dilo. Amen! Ijoo! Lo a go bona jaanong?

<sup>240</sup> Kgotsa, morago ga nako e sena go diragadiwa, boleo jotlhe bo ile, bo a tlosiwa, kwa Mileniamong, kwa Katlhholong e tona ya Terone e Tshweu. (Setshwantsho, ka Mowa o o Boitshepo.) Morago ga lefatshe le se na go tuka le bo le kolobetswa, kolobetswa ya lone ya Molelo o o boitshepo go tswa Legodimong; boleo jotlhe bo ile, megare yotlhe e ile, bodiabolo bottlhe ba ile, dithaelo

tsotlhe di ile, bosula jotlhe bo ile. (Setshwantsho jaanong.) Fong Modimo o dira eng? O kgona go dula mo lefatsheng, lo a bona, ka gore boleo jotlhe bo ile.

<sup>241</sup> Moo ke selo se se tshwanang se A se dirang fa A go naya kolobetso ya Mowa o o Boitshepo ka Molelo. A ka tla mme a nne le wena, mme re ka nna mo mafelong a Selegodimo mo go Keresete Jesu, ka gore re setse re le mo go Ena. Eseng re "tlaa nna." Rona jaanong re dutse mo go Keresete Jesu. Re tsena jang ka mo go gone? Ka kolobetso e le nngwe ya Mowa o o Boitshepo. "Ka Mowa o le mongwe rotlhe re kolobeleditswe ka mo go Keresete," mo e leng gore, rona re jalo jaanang. Ga re tle "go nna jalo" mo go Keresete; rona re jalo! Ena ke Kgosi e kgolo ya semowa mo Moweng o o leng mo go rona, ka gore re ne re le mo go Ena kwa tshimologong.

<sup>242</sup> Lo a bona, Modimo, ko tshimologong, fa A ne a akanya ka ga wena mme a akanya ka ga ba bangwe jalo, a ne a akanya ka ga Ena e le yo o ka amiwang. Moo e ne e le dikakanyo tsa Gagwe. Lo a bona? Jalo he, O ne a bua dikakanyo tsa Gagwe ka Lefoko. O ne a re, "A go nne teng." "A go nne teng," mme go ne ga nna teng. "A go nne teng," mme go ne ga nna teng.

<sup>243</sup> Fong, morago ga sebaka, O ne a tswelela a re "a go nne teng," go fitlhela batho ba ne ba re, letsatsi lengwe, "O sekwa letla Modimo a bue!"

<sup>244</sup> O ne a re, "Jaanong Ke tlaa bua le bone ka moporofeti." Lo a bona? "Go tloga mo go sena go tswelela, Ke tlaa bua le bone ka moporofeti."

<sup>245</sup> Mme moporofeti o ne a re, "Go tlaa tla; go tlaa nna teng," mme go ne ga nna teng, mme go ne ga nna teng. Mme go ne ga nna teng, mme go ne ga nna teng, lo a bona, fela jalo. Lo a go tlhaloganya jaanong?

<sup>246</sup> "Botlalo jwa nako" bo tlide morago ga nako e sena go diragadiwa. Boleo bo ile, morago ga kolobetso ya lefatshe, morago ga kolobetso ya lefatshe e sena go le dira lefelo le le tshwanelwang; go sena bolwetse, go sena megare; go sena mitlwa, go sena sitlwasitlwane; go sena loso, go sena matlholtlapelo, go sena dikôpô tsa pelo; go sena dingwaga tsa botsofe, go sena sepe go emela loso; go sena sepe se se phoso; gotlhe go siame; go sena sepe se se leng sa tlholego. Bosakhutleng!

<sup>247</sup> Foo, sekao sa Gagwe se bonaditswe ka gonse se ne se le foo, pele, le go simolola. Seo ke se A neng a se akantse. [Mokaulengwe Branham o supegetsa mo bolekeborotong—Mor.]

<sup>248</sup> Mme fong go ne ga diragala eng? O ne a tlhoma Atamo le Efa fano mo lefatsheng, mme a re, "Ntsifalang jaanong mme lo tlatseng lefatshe." Mebele ya bone e ne gotlhelele e beilwe golo fano, gore lona lo je mme lo bope mmele wa lona. Eo ke tsela e A neng a na nayo ya go go dira.

<sup>249</sup> Fela boleo bo ne jwa tla mme jwa kgaupetsa thulaganyo ya Gagwe. O tswelela a kgokologela gone kwa pele, go tshwana fela, nako e a dira.

<sup>250</sup> Fela Jesu ne a dira eng? Modimo ne a fologa mme a Iponagatsa mo popegong ya Motho, motho wa nama; ne a neela botshelo jwa Gagwe, boemong jwa go nna fano. Mo e leng gore, O ne a le Kgosi, fela O ne a Ineela go rekolola botlhe. Lo a go tlhaloganya?

<sup>251</sup> Mme fa go wetse gotlhe, fong go gogetswe gone ko morago, mme boikaelelo jwa Modimo bo diragaditswe. Kgosi ya Bosakhutleng ke eo gape le batlhanka ba Gagwe ba Bosakhutleng, ba bonatshitswe mo nameng ya motho, totatota tsela e A neng a na nayo; boleo bo tlositswe; diabolo o ile; go fedile gotlhe jaanong.

<sup>252</sup> Ke eng se se tlaa go dirang? Lefatshe lena le ka se kgone go nna lefelo gore Legodimo le nne gone jaanong. Le lebeleleng, boleo. Le tlaa tshwanela go ntlafadiwa.

<sup>253</sup> Ga go monna ope, motho ope, mosadi ope, mosimane, mosetsana, ga ke kgathale yo a leng ene, yo o tshwanelwang ke go tsena mo felong ga therelo, kgotsa le e leng go ipolela gore ke Mokeresete, ntengleng ga gore a tladiwe ka Mowa o o Boitshepo. Ga o na tshwanelo mo selalelong sa Morena, kgotsa selalelong sepe, tlhapisong dinao, kgotsa sepe, go fitlhela o ntlafaditswe ke Molelo o o Boitshepo wa Modimo.

<sup>254</sup> Ga go motho yo o nang le tshwanelo go rera fa e se fa wena, jaaka Moshe, o kopana Nae ko ntle kwa mo mafelong a a boitshepo ao, Pinagare eo ya Molelo e kaletse foo, fa a itseng fa a leng teng. Lo a bona?

<sup>255</sup> Lemogang ka foo, ka foo re tsamayang ka teng. Morago ga kolobetso ya lefatshe ya Molelo, megare yotlhe e ile, e go dira lefelo le le tshwanelwang ka nako eo gore Legodimo le nne fano mo lefatsheng.

<sup>256</sup> Setshwantsho, jaanong, sa go nna mo mafelong a Selegodimo mo go Keresete Jesu; re fetile go tswa mo go sena, re le leswe jaaka mosadi yo monnye a neng a ntse ka gone, go ya ka mo sekaong sa Modimo se se bonaditsweng. “Jaanong re Bomorwa Modimo,” eseng re *tlaa nna jalo*. Re dikao tsa go akanya ga Modimo. Lo a bona?

<sup>257</sup> Jaanong lo a re, “Sentle, lebang moperesiti yona. A o ne a se morwa Modimo?” Go ne ga netefatsa gore o ne a se jalo. O ne a sa kgone go lemoga eng? A o ne a re, “Ke dumela Baebele”? Go tlhomame. Fela o ne a sa kgone go lemoga Lefoko le le bonaditsweng la oura. O ne fela a na le thuto ya botlhale go tswa setlhopheng sengwe se se neng se le kwa morago pele ga gagwe.

<sup>258</sup> Mme ke selo se se tshwanang gompieno! Lo a bona? Ke a itsenoo go thata, fela ke Boammaaruri.

<sup>259</sup> Lefoko ke leo le ne le gone, jaaka le ne le boleletswe totatota letsatsi leo; mme, ena, ntswa go le jalo o ne a le mothutintshi, ntswa go le jalo o ne a le motho yo o itsegeng thata, fela o ne a se kgone go Go lemoga. Goreng? Go sa kgathalesege ka fa a neng a le mothutintshi ka gone, sengwe se se tshwanang le seo, o ne a santse a sena seemedi sa tlhomamisetso pele. Lo a bona?

<sup>260</sup> Ke fela ba ba tlhomamiseditsweng pele ba ba tlaa nnang bone fela ba ba go dirang; fela ba ba ka nnang jalo. Mme wena fela o ka kgora go go dira... Ka gore, leba, go netefatsa tlhomamisetso pele. Ka gore, fa o na le Botshelo jo Bosakhutleng, o ne o tshwanetse go nna bontlhabongwe jwa Modimo dinako tsotlhhe, ka gore Ena ke Ena a le esi yo o leng wa Bosakhutleng. Lo a go bona? Ijoo! Akanyang ka ga gone.

<sup>261</sup> Jaanong elang tlhoko se se diragalang go ralala Mileniamo o mogolo. Boleo bo ile gotlhhelele, Mileniamo jaanong o tlhomegile, ke nako jaanong gore Mowa o o Boitshepo o tseye lefelo la One.

<sup>262</sup> Fela jaaka A dira mo go rona, “a feta losong go ya Botshelong,” re dutse mo mafelong a Selegodimo mo go Keresete, mo Bolengtengeng jwa Gagwe jo bo galalelang. Le e leng loso lwa senama le tlaa nyelela ka nako eo; fela jaaka loso lwa semowa le fetile jaanong.

<sup>263</sup> Ga go na selo se se jaaka loso la semowa jaanong, mo mo—mo mo—moitsheping yo o kolobeditsweng wa Modimo. “Le fa a ne a sule, le fa go ntse jalo o tlaa tshela. Le fa e le mang yo o tshelang mme a dumela mo go Nna ga a kitla a swa.” Lekwalo lotlhe, Lone le tshwanetse le diragatswe. Lo a bona? O ka se kgone go swa. O na le Botshelo jo Bosakhutleng. Selo se le nosi, Morekolodi o go dirile gore o go lemoge. Mme wena ka gale o ne o le Seo, mme leo ke lebaka le o bonang motlha o o tshelang mo go one. Ke ba le kae ba ba go bonang? Tsholetsa seatla sa gago. Lo a bona? Ke a go leboga. Lo a bona? Motlha o re tshelang mo go one, lo a go lemoga.

<sup>264</sup> Jaanong, Mamethodisti a ne a re, “Fa o thela loshalaba, o na le One.” Ba le bantsi ba bone ba ne ba thela loshalaba mme ba ne ba sena One.

<sup>265</sup> Mopentekoste ne a re, “Fa o bua ka diteme, o na le One.” Ba le bantsi ba bua ka diteme, mme ba ne ba sena One.

<sup>266</sup> Lebang ka foo, mehuta yotlhé ya dipopego Ba farasai bao ba neng ba na natso, fela erile Lefoko le ne le bonatswa, ga ba a ka ba Le lemoga. Lo a bona? Lo a bona?

<sup>267</sup> Mme fa o le Monyadiwa, Monyadiwa ke karolo ya Monna. Mme fa... Lefelo le le nosi le o ka bang wa Le lemoga, ke go lemoga gore ke karolo efe ya Monna yole (Lefoko leo) e o leng yone, kgotsa o ka se kgone go lemoga gore o Monyadiwa. Ke ba le kae ba ba bonang seo? Lo a bona? Lo a bona? O tshwanetse o lemoge maemo a gago.

<sup>268</sup> O ka se kgone go lemoga a mongwe o sele. Go ka tweng fa—go ka tweng fa Moshe a ka bo a ne a tlide ka molaetsa wa ga Noa? Mme Noa e ne e le karolo ya one, fela go ne go ka se ka ga bereka. Go ka tweng fa—fa—fa—fa Jesu a ka bo a tlide ka Molaetsa wa ga Moshe? Go ka bo go ne go sa bereka. Lo a bona, e ne e le paka e e farologaneng, e ne e le seporofeto se se farologaneng, karolo e e farologaneng ya Lefoko e ne e tshwanetse e diragatswe foo. Ba ne ba le mo motlheng o mongwe wa beke. Eseng, tiro ya Labobedi ga e kake ya dirwa ka Laboraro. Mme ya Laboraro e tshwanetswe e dirwe ka Laboraro. Lo a bona? Ka Lamatlhatso go tshwanetse go nne tiro ya Lamatlhatso. Lo a bona?

Mme, bone, ba ne ba lemoga, “Ao, Moshe, re na le Moshe.”

<sup>269</sup> O ne a re, “Fa lo ka bo lo itsile Moshe, lo ka bo lo Nkitsile, gonne e ne e le ene yo neng a bua ka ga Nna. ‘Morena Modimo wa lona o tlaa lo tsosetsa moporofeti yo o tshwanang le nna.’” Lo tlhaloganya mogopolo? Ijoo! Lo a bona?

<sup>270</sup> Fong Jesu ne a re, mo go Johane 14, “Mogang Ene, Mowa o o Boitshepo, a tlileng, O tlaa tlisa dilo tsena mo kgakologeleng ya lona, lo a bona, go go supegetse gore ke letsatsi lefeng le o tshelang mo go lone. Mme fong, selo se sengwe se o tlaa Mo itseng ka sone, O tlaa go supegetsa dilo tse di tshwanetseng go tla,” lo a bona, lo a bona, gone morago ko go ga boporofeti gape, “nako e A tlileng.” Lo a bona?

<sup>271</sup> Mo Lefatsheng le Leša le Magodimong a Maša, ga di kitla di ntshofadiwa gape, motlheng Lefatshe le Leša lena le tla tlang. Diabolo o tlaa bofelelwa . . . Satane, o sa ntse a gololesegile jaanong; ena ke mopateletsi. Fela mo Lefatsheng le Leša, o tlaa bofelelwa a bo a latlhelwa ka mo Letsheng la Molelo, mo Molelong ona o o boitshepo.

<sup>272</sup> Fong, mo Lefatsheng le Leša lena, a re le lebeleleng ka metsotsa e le mmalwa jaanong. Mo Lefatsheng le Leša lena, mawapi ga a kitla a nna a mantsho gape; nnyaya, moo go tswa mo phutsong, lo a bona. Ga le kake le tlhola le nna lefifi gape ka maru a a šakgetseng. Diphefo ga di kitla di foka go le kgabaganya gape jalo. Nnyaya. Ga le kitla le kgagolaka ditlhare, le bo le kgagolaka dintlo, le bo le menola dilo. Legadima le tšakgalo ga di kitla di kgobola go tswa go Satane go kgabaganya foo, le bo le bolaya motho a tsamaya go fologa ka tsela, kgotsa le fisa kago. Lo a bona? Nnyaya, ga go kitla go dira. Ga go kitla go nna le diphefo tsa matlakadibe tse di dikologang, kgotsa matsubutsubu le dithwagadima, mme di gagole dintlo, mme di bolaye bana ba bannyé, le dilo. Huh-uh, ga go tle go tlhola go nna teng. Go leka go senya, ga go tle go nna teng. Satane o kgoromeleditsweng ntle.

<sup>273</sup> Ke eletsa re ka bo re na le nako jaanong. Ke feta fela Dikwalo, jaanong, gore re se nne thari thata. Ke tshwanetse ke rapelele balwetse.

<sup>274</sup> Magodimo le lefatshe di kgathlane; Modimo le motho ba letlantswe. Etene e e ntšhafaditsweng e simologile; lo a bona, phutso yotlhe e ile.

<sup>275</sup> Fela jaaka, phutso yotlhe ya boleo e ile fa Mowa o o Boitshepo o go amogela. Lo a bona, ga o O amogele; One o go amogela, lo a bona, ka gore Ke sekao sa Modimo. Lo a bona, fa E le Mowa o o Boitshepo, go raya, Mowa wa Modimo; mme ke sekao, kakanyo ya Modimo, e go amogetse ka gore o ne wa laolelwmaikaelelo ao. Lo a bona? Le fa go ntse jalo, o ne wa tsalelwa mo boleong; fela Modimo o ne a na le sekao seo, mme fano o ne wa iponagatsa fano mo lefatsheng, mme O a fologa a bo a go tsaya. Lo a bona, lona lo fa morago *fano*; *fano* ke fa lo leng leloko gone. Lo a bona? Lo a bona, boleo bo latlhegetswe ke thata ya jone. Go ntse jalo. Keletso ya boleo e setse e dule mo pelong ya gago, fa Mowa o o Boitshepo o tsena. Wena o motho yo o buseleditsweng.

<sup>276</sup> Mme fong fa lefatshe le ntšhafadiwa, ke selo se se tshwanang, go ka se tlhole go nna le phutso epe, ga go sa tlhole go na le matsubutsibu, go sa tlhole go na le diphefo, go sa tlhole go na le matlakadibe a diphefo tse di dikologang—diphefo tsa matlakadibe tse di dikologang, ke raya moo. Wena o letlantswe; motho le Modimo ba kgathlane. Lefatshe le Leša le tlaa bewa mo bontleng jwa lone jwa Etene gape. Lefatshe le Leša le tlaa tsharabologa, lone, morago ga kolobetso ya lone ya Molelo.

<sup>277</sup> Akanyang fela, le tlaa tshujwa ke molelo le bo le ša. Dikarolwana di tlaa tuka ka—ka mogote o o gaketseng. Ditiro tsotlhe mo lefatsheng di tlaa tuka. Metsi otlhe a tlaa phamphanyega; a tlaa kapa molelo mme a phatlakantshe tsotlhe. Sengwe le sengwe se tlaa phatlakana. Dikgwamolelo di tlaa phadimoga mme, mo dimmaeleng di le dikete mo phefong, go tlaa bo go fofa seretse se se mogote sa dikgwamolelo. Mogare mongwe le mongwe... Mowa o o Boitshepo wa Modimo o tlaa hepafatsa tlhaka nngwe le nngwe ya boleo jotlhe le sengwe le sengwe. Diabolo mongwe le mongwe o tlaa bofelelwa a bo a latlhelwa ka mo Lekadibeng la Molelo, Molelo o o lakailang, tšhakgalo ya Modimo ya Molelo.

<sup>278</sup> Ga go sebatana se se tlaa nnang teng go le senya gape. Fa o tsamaya go fologa ka tsela, mo ditshimong tsa mabolomo, ga go tle go nna le noga epe foo go go sumela mme e go lome, ka bogalaka jwa yone jwa tšhefi. Ijoo! A ga go tle go nna mo go gakgamatsang? Reetsang. Ga go tle go nna le sepe sa Lefatshe le Leša leo le le ka nako nngwe le ileng go tlhatlosetswa ko lotshitshing le le mmapaane, go nna lebitla; go se nne sepe sa one koo.

<sup>279</sup> Motho le Modimo ba tlie ga mmogo; Monyadwi le Monyadi. Magodimo le lefatshe di kamatlelane; Modimo o fologetse go dula mo gare ga batho. Motlaaganwa Gagwe o na le bone.

<sup>280</sup> Ga go tle go tlhola go nna le boleo, go sa tlhole go nna le khutsafalo. Ga go kitla go nna le keledi e e rothang mo lerameng la ga mma, e wela mo godimo ga lesea la gagwe. Amen. Ga go tle go nna gone, mo Mmung o Moša oo. Nnyaya. One o rekolotswe. Ke wa Gagwe, le ba Gagwe ba ba neng ba rekolotswe go tswa mo go one. Lo a bona?

<sup>281</sup> Mme, leba, wena o karolo ya mmu oo. A go ntse jalo? Mme fa A ne a go rekolola, O ne a rekolola lefatsho ka selo se se tshwanang, mme lona lo mmogo gape. Ao, ke mo go tlhaloganyegang motlhofo go feta ga kae mo go ka nnang gone. Lo a bona? O tshwanetse o rekololwe ka gore wena o karolo ya gone. Mme fa Madi a ne a sa rothela mo go wena, wena ga o a rekololwa ka nako e; wena ga o a bidiwa. Fong O a go tlhapisa; moo ke selo se se tshwanang se A se dirang mo Molelong. Le e leng, Madi a a neng a rotha, le santse le tshwanelwa go ntlaufatswa ke Molelo, go jalo, go nna lefelo la bonno la Modimo.

<sup>282</sup> Modimo o ne a setse a tsere bonno jwa Gagwe, ka kgonagalo. Bogosi jwa Modimo bo mo lefatsheng jaanong, mo dipelong tsa baitshepi ba Gagwe. Ke dikao tsa Gagwe tse A di simolotseng ko tshimologong. Jaanong dikao tsa Gagwe di rekolotswe. O letile eng? Go rekolola lefatsho, go tlhoma dikao tsa Gagwe mo go lone, go diragatsa totatota leano la Gagwe le le thomamiseditsweng pele. A lo a go bona?

<sup>283</sup> Lemogang, go sena mabitla, go sena marothodi a dikeledi, le goka, go sa tlhole go na le tshololo ya madi. Ga le kitla le kolobetswa ke lerothodi la keledi kgotsa la madi. Nnyaya. Go ka se tlhole go nna le ditlhhabano. Nnyaya. Go se tlhole go nna le maru a mariga. Go se sefokabolea se se tsididi mo letseleng la gagwe; ga se na go tlhola se nna foo mo go lone. Letsatsi le le mogote ga le kitla, le ka motlha ope la fisa bojang jwa lone. Haleluya! Le e leng sekaka se tla tlhoga dirosa. “Sekaka seo sa kgale, se se tlhabang se tlaa thunya, letsatsi lengwe, jaaka rosa,” Modimo o buile jalo; fa le rekololwa, fa le amogela kolobetsa ya lone ya Molelo. Go na le mehuta yotlhe ya meokaša le mitlwa le sengwe le sengwe foo jaanong, fela le na le kolobetsa ya Molelo e e tllang.

<sup>284</sup> Jaaka monna yo a ne a ntse, fa a ne a santse a na le letlhoo, bopelompe le kgotlheng mo go ene; fa kolobetsa ya Molelo e tla, e ne ya go phepafatsa. Ga go sa tlhola go na le lefufa, ga go sa go tlhola go na le sepe; gone fela go sena pelaelo epe ke lefelo la bonno la Modimo. Mme, gakologelwang, moo ke baemedi ba Gagwe ba ba ileng go Mo kgathantsha golo ka kwa. Amen! Ao, a...

<sup>285</sup> Moo ga se fela polelo; moo ke Boammaaruri. Seo ke se Modimo a se buileng. Seo ke se A se soloeditseng. Seo ke se Monyadiwa a yang kwa go sone. “Le e leng sekaka,” O ne a re, “se tla šešemologa, se nne rosa.”

<sup>286</sup> Satane, boleo, le baleofi, ba ile, ka metlha le metlha. Gotlhe go fedile; go tswakanetse ka mo Bosakhutleng. Mme tsotlhe tse di neng tsa sokamisiwa, moengele yo mogolo yoo yo o neng a dutse foo letsatsi lengwe, Satane, yo o dirileng bosula jotlhe jona, o tlaa senngwa. Lo a gakologelwa, Baebele ne ya re, “Fa mowa oo wa botho o sa tle go dira jaaka A dirile, a rile o dire ka gone, O tlaa senya le e leng mowa oo wa botho.”

<sup>287</sup> Fela, lo a bona, Ena ga a kake a Inyeletsa mme a sala e le Modimo. Jalo he, fa mowa oo wa botho o le wa lefatshe, o tshwanetswe o senngwe. Fela fa o le wa Bosakhutleng, le Modimo, ga o ise o ko o simologe, ka gore ke bontlhabongwe jwa Modimo mme ga o kitla o senngwa. Amen! A mo gontle! Ka foo—ka foo ke lebogang, gore Kereke e tshwanetse e bone seo!

<sup>288</sup> Batho, gotlhe mo o go dirileng go ntse gone fano. Mona ke se ke lekang go se bua. Ke tlola dingwe tsa gone ka gore ke batla go boela ko go gone gape.

<sup>289</sup> Le e leng dilo tsena, Satane, baleofi, ba ile, ba ile ka Bosakhutleng; go sa tlhole go tlaa nna teng. Botlhe... Lo a bona, Satane ga a kgone go tlhola. Fa a le jalo, ena ke Modimo. Lo a bona? O kgona fela go sokamisa se se tlhodilweng. Lo a bona? Mme tshokamo yotlhe e tlaa, go sokamisa, go tlaa tlosiwa. Mme loso ke se se sokameng sa botshelo; mme fa tshokamo e fedile, go ka se tlhole go nna le loso. Dingwaga tsa botsofe ke sesupo sa loso; mme fa botsofe bo tsamaile, botshelo bo a tsena. Tshokamo yotlhe ditshupo le sengwe le sengwe se sele se ile. Mitlwa le sitlwasitlwane ke sesupo sa boleo, “lefatshe le tlaa hutsegá ka tsone,” mme di a fedisiwa. Bolwetse bo ne jwa tla, ka seo; bo tlaa tlosiwa. Loso le tlaa tlosiwa. Tshololo ya madi e tlaa tlosiwa.

<sup>290</sup> Ga go sepe se le ka nako epe se tlaa kgomang mmu oo fa e se boitshepo, Barekolodwi. Ijoo! Eya. Ao, ke ikutlwá fela ke siame thata. Modimo, le lobopo lwa Gagwe; le ditshedi tsa lobopo lena di rekolotswe ke Madi a e Leng a Gagwe. Le phepafaditswe ka tiragatso e e Leng ya Gagwe e e ntlafatatsang; tiragatso ya Gagwe ya go bolaya megare, tiragatso ya go bolaya boleo!

<sup>291</sup> Jaaka fa sengwe se phepafaditswe megare, go tlosa megare mo go botoka go gaisa mo re kileng ra nna nago e ntse e le molelo. O ka tsaya sengwe wa bo o se tlhapisa ka mahulo a melora le dikhemikhale tsotlhe tsena tse ba buang ka ga tsone, go santse go sa gololesega. Fela o go fise gangwe!

<sup>292</sup> Mme nako e Molelo o o boitshepo wa Modimo o tlosang megare mo lefatsheng ka Dikhemikhale; O tlhatlositse Monyadiwa wa Gagwe, yo o ka tlang ko Legodimong le Ene, fa mona go santse go tsweletse. Mme a boele mo lefatsheng gape, Magodimong a Maša le Lefatsheng le Leša. Mariga a a tsididi ga a kake a go utlwisa botlhoko. Dilemo tse di mogote ga di kake tsa go utlwisa bothhoko. Dikaka di tlaa thunya jaaka rosa. Boleo le baleofi ba ile.

<sup>293</sup> Modimo, le ditshedi le lobopo lwa Gagwe, ba agile ga mmogo mo thokgamong e e itekanetseng. Jaaka magodimo le lefatshe e le monna le mosadi, Keresete le Kereke ba jalo, mme tsotlhe di kopana mo leanong le le lengwe le legolo le le galalelang la thekololo mme di tlisiwe gone ka mo dihubeng tsa Modimo gape. Lo a go bona?

<sup>294</sup> Mme, mo Lefatsheng le Leša, go na le Motsemogolo o Moša. Ijoo! Jaanong reetsang ka tlhoafalo. Lo se lebale sena. Gore, Jesu o rile, mo go Johane 14, O tlaa ya go baakanya. “A dipelo tsa lona di se fuduege.” Fa A tsamaya, “Ke na le lebaka la go tsamaya. Lo dumetse mo Modimong,” O ne a re, “dumelang gape mo go Nna.” Ba ne ba sa kgone go bona gore O ne a le Modimo. Ne a re, “Lo dumetse mo Modimong, jaanong lo dumeleng mo go Nna. Mme Ke ile go le baakanyetsa Lefelo. Mo Ntlong ya ga Rrê go manno a le mantsi; mo Bogosing jwa ga Rrê go meshate e le mentsi.” Keresete o teng koo, mo tlase ga kago ya Jerusalema yo Mošwa yona jaanong. Jaanong reetsang ka tlhoafalo. Lo seka lwa suta. Lo seka, lo seka lwa fetwa ke sena. Keresete o ko Legodimong, gompieno, a baakanya Jerusalema yo Mošwa.

<sup>295</sup> Fela jaaka Modimo a ne a tlhola lefatshe mo malatsing a le marataro, a dira lefatshe mo malatsing a le marataro, kgotsa dingwaga di le dikete tse thataro. Jaaka a ne a bua, “Lo se tlhoke kitso,” re badile mo Lokwalong, “dingwaga di le sekete ke letsatsi le le lengwe.”

<sup>296</sup> Mme Keresete o ile mme o baakanya Lefelo, le le ntseng le le mo kagong ya lone dingwaga di le dintsi, ntsi, go baakanngwa Lefelo. “Mme fa Ke ya go baakanya Lefelo, Ke tlaa tla gape, mme ke lo amoge; gore le fa e le kae kwa Ke leng gone, foo lo tle lo nne gone le lona.” Lemogang Morekolodi le Barekolodwi!

<sup>297</sup> Ke eletsa re ka bo re na le nako jaanong. Ke na le yone e tshwailwe fano, Solomone a inola, “mosetsana yona, Monyadwi.” Ao, re tshwanetse fela re go tlogole; go nna thari thata, lo a bona. Ke tlaa go tsaya, gape. “Fa a leka go mo tsaya, fela o beeleditswe ke mosimane wa modisa.” Bangwe kooteng ba ne ba gopotse gore eo e ne e le pina e a e opetseng. Ao, nnyaya. Solomone o ne a le mojaboswa wa setilo sa bogosi sa ga Dafita, mo lefatsheng, fela ne ga supegetsa gore bogosi joo bo ne bo tshwanetse go nyelela. E ne e le setshwantsho sa ga Keresete a ratana le Monyadiwa. Lo a bona?

<sup>298</sup> Lemogang gore Jesu ne a re, Johane 14 jaanong, “tsamaya mme ke baakanye Lefelo.”

<sup>299</sup> Ao, leo tlaa lebega jang? A o kile wa akanya jaanong, Monyadiwa, se le tlaa lebegang jaaka sone? Le baakantswe ebile le dirilwe ke Radipolane yo o Semodimo. Motsemogolo ole o tlaa lebega jang? Jaanong, re ile go bua ka ga one ka metsotso e le mmalwa. Radipolane wa Semodimo wa dipolane o go baakantse, o go tlhamile. Mme, lebang, O o dirile ka diatla tse di bonolo, ka

ntlha ya Monyadiwa wa Gagwe yo o rategang. Ke eng se o ileng go lebega jaaka sone?

<sup>300</sup> A o ka tshema monna a nyala mosadi, yo o kgonang, ka fa a agang ka gone mme a baya selonyana sengwe le sengwe totatota fela go ya ka maikutlo a mosadi, fela se a tlaa se ratang? Amen.

<sup>301</sup> Jaanong, Radipolane yo o Semodimo o dirile Motsemogolo o Moša, kwa A tlaa nnang le Monyadiwa wa Gagwe, fela go ya ka maikutlo a Mosadi. Ga e kgane moapostolo a ne a re, “Leitlho ga le ise le bone, tsebe ga e ise e utlwe, kgotsa ebile ga go ise go tsene mo pelong ya motho.” A re boneng fa e le gore re ka lekola mo go gone motsotsa fela, re boneng se le ileng go lebega jaaka sone.

<sup>302</sup> Radipolane yo o Semodimo o diretse Baratwa ba Gagwe lena. Lo a bona? Ao, a lefelo le go tshwanetseng go nne lone, fa, Radipolane ya Semodimo, Radipolane yo o Semodimo a le dirile go nna sekao sa Semodimo se se nnileng sa bonelwapele ka Semodimo ke Modimo yo o Semodimo Yo-Yo a leng Mosimolodi wa Botshelo jwa Semodimo! Motsemogolo oo o tlaa lebega jang! Akanya ka ga gone.

<sup>303</sup> Gakologelwang, ga se Legodimo. Johane a re, “Ke o bone o fologa ko Legodimong.” O tshwanetse o nne mo lefatsheng. Lo a bona?

<sup>304</sup> Eseng gore lefatshe lena le ile go feta; ke lefatshe le le rekolutsweng. Modimo ga a a ka a re O ne a ile go tsosa kokomane e ntšhwā; O ile go rekoluola yone e e leng fano. Ga a tle go tsosa kokomane e ntšhwā; O rekoluola yone e e setseng e le fano. Ga a tle go dira lefatshe lepe le leša; ke lone lena gone fano. O ile fela go le fisā le tlōge, a le tlhapise, jaaka A dirile wena. Maano a gagwe a tshwanetse ka metlha yotlhe a sale a le gone. Jaanong, lebang, go ile go nna jalo.

<sup>305</sup> Gakologelwang, ga o tle go nna Legodimo. “O fologa ko Legodimong.” Ke Lefelo la go nna, Lefelo go nna mo go lone, go tsaya bonno jwa Gagwe. Jaaka, e ne e le Johane, mo setlhakeng sa Patemose, fano mo go Tshenolo 21, o ne a o bona “o fologa.” Johane o ne a bona Motsemogolo, “o fologa ko Legodimong,” jaaka lephoi, jaaka a bone.

<sup>306</sup> Modimo ke yona, a fologela golo mo motlaaganeng wa Gagwe wa selefatshe, Jesu, mo le . . . “a fologa ko Legodimong.” Jesu ne a kolobetswa, ne a ya ka tlhamallo . . .

<sup>307</sup> Fa A ne a kopana le moporofeti! “Lefoko le tla ko moporofeting.” Mme O ne a le Lefoko. Mme moporofeti o ne a eme foo, a latola makoko otlhe a bone, sengwe le sengwe. Mme, erile a bona Lefoko, Lefoko le ne la tla gone ko go ene.

<sup>308</sup> Mme moporofeti o ne a makala thata, o ne a re, “Ke na le letlhoko la go kolobetswa ke Wena. Gobaneng Wena o tla ko go nna?”

<sup>309</sup> O ne a re, “Go letlelele go nne jalo, gonne jaana go a re tshwanela (re itse molaetsa) go diragatsa tshiamo yotlhe. Ke nna Setlhabelo; Se tshwanetse se tlhatswiwe.” O ne a mo leseletsa.

<sup>310</sup> Erile A ne a tlhatloga go tswa mo metsing, o ne a re, “Ke ne ka bona magodimo a bulegile.” Moporofeti o ne a go bona. O ne a bona magodimo a bulegile.

<sup>311</sup> Mme fano go ne ga tla, go fologa go tswa Legodimong, ka popego ya Lephoi; le Lentswe, le re, “Ena ke karolo ya Me ya lefatshe e Ke e rekolotseng, mme go tswa mo karolong e ya lefatshe Ke tlaa rekolola tse dingwe tsa yone, gonne Ena ke Lefoko la Me le bonaditswe.” “Mme lefatshe lotlhe, ke le boletse go nna teng ka Lefoko la Me,” Bahebereg 11. “Mme Satane o ne a lo tshotse nako yotlhe ena, fela Ke tlide go le rekolola. Mo gontsi ga lone go dirile mmele wa Gagwe, mme Ke tla go nna mo go one.”

<sup>312</sup> Johane ne a re, “Ke bone Motsemogolo o o boitshepo, Jerusalema o Moša o fologa ko Legodimong, jaaka Monyadiwa a kgabetse Monna wa gagwe.” Mme o ne wa itshetlela kae? Fela totatota jaaka go dirile mo godimo ga moo; mo lefatsheng.

<sup>313</sup> Jesu o ne a le karolo ya lefatshe leo le Mowa o o Boitshepo o neng wa fologela mo go lone, (a go ntse jalo?) mme o ne wa sa o le mo go Ena ka bosakhutleng. Ga o kitla o Mo tlogela. O tlhola o le teng. Ene le Modimo ba Bangwefela. O tshwanetse o sale o le jalo ka gale!

<sup>314</sup> Mme jalo he Johane o ne a bona Motsemogolo o o boitshepo, Jerusalema yo Moša, o fologa jaaka motšonônô, kgotsa le-lephoi, o fologa ko Legodimong mme o itshetlela mo lefatsheng le le rekolotsweng, le le feletseng, (go dira eng?) go itseela sekao sengwe le sengwe se Ena a se diretseng lefatshe. Monna mongwe le mongwe yo neng a emetswe mo Bosakhutleng, le mosadi mongwe le mongwe, o rekolotswe ka nako eo. O nnile a gotlhiwa a ba a tshubiwa ka Molelo.

<sup>315</sup> Jesu, mo dithaelong tsa Gagwe tse di mogote mo gare ga naga, ka malatsi a le masome a mané. Morago ga seo, lemogang, go ne go ipaakanyeditse bodiredi jwa Gagwe ka nako eo.

<sup>316</sup> Akanya ka ga gone, Mowa o o Boitshepo o fologela mo lefatsheng, Jesu, le Madi a a boitshepo ao! Jaanong elang tlhoko, mme ke solo fela gore ga ke tsenele ko teng thata mo go lona, lo a bona. Madi a a boitshepo a a tlhodilweng ke Modimo; Madi, Botshelo, lobopo lwa Modimo. “Jesu e ne e le tshimologo ya lebopo la Modimo.” Ao! Lo a go bona? Modimo, a dirilwe mo tlholegong. E ne e le Mowa. Baebele ne ya re, “Ena ke tshimologo ya lobopo lwa Modimo.” O ne a simolola jang? Mo dibopelong tsa mosadi. Mo e leng eng? Mosadi ga se. . .

<sup>317</sup> Jaaka ka fa batho bao ba ba foufetseng ba sa kgoneng go bona “peo” ya noga gone fano. Lo a bona? Efa o ne a bewa fano mo lefatsheng, mme, pele ga Satane a ka ba a mo ama, kgotsa

sepe se sele, Modimo o ne a ba raya a re, “Ntsifalang mme lo tlaleng mo lefatsheng.” Go ntse jalo, fela Satane o tsena teng fano. Mme, fa yoo e ne e le morwa Atamo, fong ke kae . . .

<sup>318</sup> Atamo e ne e le losika le le duleng ka tlhamallo mo go Modimo. Mme wena o tsaya fela tlholego ya motsadi wa gago.

<sup>319</sup> Mme fa o tsetswe gape, o tsaya Tlholego ya Motsadi wa gago, wa Legodimo. Mme Motsadi wa gago wa Legodimo ke sekao sa Lefoko . . . Kgotsa, Lefoko ke sekao sa Motsadi wa gago. Fong, o ka Le gana jang, o dira ka ntlha ya lekoko? Ijoo!

Ke solo fela gore ga lo fetwe ke sena. Ke a itse go tswa ko Modimong.

<sup>320</sup> Jesu. Ke yona A tla, a fologa; mme Jesu o ne a le yoo, sekao sa Modimo.

<sup>321</sup> Jaanong, “mosadi,” ena. Elang tlhoko. Modimo ne a re, “Ka gore ba dirile sena,” ne a re, “Ke tlaa tsenya bobaba magareng ga Peo ya gago le peo ya noga.” A go ntse jalo? Mme mosadi ga a na peo epe. A o kile wa akanya ka ga seo? O na le tshimo, eseng peo. Lo a bona, noga e ne e setse e beile “peo” ya gagwe foo.

<sup>322</sup> Ka ntlha eo, fa mosadi a sena peo, o tshwanetse a sale a le teng gore a nne le Peo.

<sup>323</sup> Lo a bona, ka tlhakanelo dikobo fano, o ne a tlisa go tswa ko go Satane, noga, e neng e se segagabi; ne a na le maoto, ka gore maoto a gagwe a ne a tloga mo go ena. O ne a le yo o botlhale go gaisa thata, sebatana se le nosi se se neng se tlaa—se ne se tlaa dirisanya le mosadi yo.

<sup>324</sup> Peo ya sebatana ga e tle go go dira jaanong, mme ga go sepe se sele. Ba lekile. Ga go tle go bereka. Lo a bona, botshelo jwa peo go tswa mo tonanyaneng ga bo tle go tsena ka mo ga sesadi ga mosadi. Ga bo tle go go dira.

<sup>325</sup> Fela moo e ne e le selo se se gaufi thata. Lo a bona, ga ba kgone go fitlhela losika leo magareng ga tshimpansi le motho. Lo a bona, nngwe le nngwe, jaaka e tlhageletse, go tswa mo dinonyaneng, le go tswelela go ya ko ditshweneng, le jalo jalo, go ya ko tshimpansing, fong go na le e e “timetseng.” Moo e ne e le noga, eseng noga segagabi; popego nngwe le nngwe e latlhegile mo go ene, ka gore o ne a hutsitswe.

<sup>326</sup> Jaanong, Modimo ga a a ka a hutsa Atamo; a ka tswa a dirile selo se se tshwanang, fela O ne a hutsa lefatshe, “mitlw le sitlwasitlwane.”

<sup>327</sup> Ga a a ka a hutsa Efa, fela ne a re Atamo o tlaa nna “mmusi wa gagwe.” Go tloga jaanong go tswelela, ga a leke theron epe kgotsa sepe, Atamo ke mmusi wa gagwe. “Mme malatsi otlh a botshelo jwa gago, le mo bohutsaneng, mme o tlaa tlisa ba gago . . . botshelo ka mo lefatsheng.” Fela O ne a re, “Ke tlaa tsenya bobaba fa gare ga Peo ya gago . . .”

<sup>328</sup> Jaanong, o ne a sena peo epe, ga a ise a ko a nne le yone, jalo he, o ne a tshwanelo go amogela Peo go tswa tseleng nngwe. Modimo ne a mo naya Peo, eseng ka tlhakanelo dikobo ka ntlha ya thobalano, fela ka go tlhola.

<sup>329</sup> A lona batho ba ba foufetseng ga lo kgone go bona gore moo ke “peo” ya noga? Ijoo! Satane o ne a fitlha koo pele ga ga Atamo; moo e ne e le “peo.”

<sup>330</sup> Fela mosadi ne a amogela Peo. E ne e le eng? Modimo ka Sebele. “O ne a le tshimologo ya lebopo la Modimo.”

<sup>331</sup> Jaanong lebang fa Sethe a ne a tsalwa, kgotsa Abele, o ne a le mosiami, go tswa go rraagwe. Sethe o ka tsela e e tshwanang.

<sup>332</sup> Mogoma yo o bosula yole o ne a tswa ko kae; mmolai, moaki? Lo a bona, lo a bona kwa go tswang gone? E ne e tshwanetse go nna “peo,” ka gore e ne e le peo; Kaine e ne e le motho.

<sup>333</sup> Ao, batho bao ba ba foufetseng ba ko kae? “Modimo wa lefatshe lena o ba foufaditse.” Sentle, ga e kgane, Jesu ne a re ga go motho ope yo o ka go bonang. Lo a bona?

Wa re, “Goreng ba sa go bone?”

<sup>334</sup> Jesu ne a re nako nngwe, ko barutweng ba Gagwe, “Go neetswe gore lona lo itse Bogosi jwa Modimo, fela eseng ko go bone.”

<sup>335</sup> Mme leo ke lebaka le lo tswang ko go leng matlhakore a manê a a lekalekanang a dimmaele di le makgolo a le lesome le botlhano, lo a bona, “Lo neetswe gore lo itse Bogosi.” Lebang, bagoma ba tla le e leng go tswa ko Aforika Borwa le fa tikologong, oureng ena e e thari fa Monyadiwa a tlhatlositsweng go ya ka mo Bogosing.

Nna fela ga ke na nako e e lekaneng. Lemogang. Elang tlhoko jaanong, lo a bona.

<sup>336</sup> Jaanong a lo kgona go bona “peo ya noga” foo, lo bona ka foo a go dirileng ka teng? Go itekanetse, lo a bona. Jaanong bangwe ba bone ba ne ba re . . .

<sup>337</sup> Jaanong, jaaka moeka yole ko Tucson maloba, a neng a leka . . . Ah, a ka nna a reetsa theipi ena. Fela, fa go le jalo, thaka, ke batla go go bolelela sengwe.

<sup>338</sup> Fa a ne a re, “Efa ne a re,” fano ke fa ba yang gone, ““Ke bone morwa go tswa go Morena, kgotsa monna go tswa go Morena.”” Gobaneng, ka tlhomamo. Modimo o na le molao.

<sup>339</sup> Lebang, o tseye peo o bo o e jwala golo fano mo tshimong kwa go nang le korong, mme o jwale mitlwa golo foo. Ga ke kgathale, letsatsi le le tshwanang le pula e e tshwanang di tlisa peo eo mo botshelong. Modimo o na le molao, mme molao oo ga o kake wa rojwa.

<sup>340</sup> Ga ke kgathale fa mo—fa mo . . . mosadi yo o tlhogothata wa ditlhapa go feta thata mo toropong le monna yo o tlhogothata

wa ditlhapa go gaisa thata, mme ba sa nyanala le sengwe le sengwe, ba ne ba tlaa nna le tha—thatano, mme ba tshele ga mmogo mme ba tsale ngwana; ngwana yoo o ne a tlaa tshwanela go tla ka molao wa Modimo, ka gore ga go na tsela epe e sele. Fa o sa dire, o dira Satane motlhodi, mme go raya gore ena ke modimo. Ao, wena o ka foufala jang! Lo a bona, molao wa Modimo, go tlhomame.

<sup>341</sup> Fa o kile wa nna le ngwana, ga ke kgathale fa e le gore e ne e le Esau, Jakobo, le fa e le mang yo e neng e le ene, kgotsa motho ope yo o itsegeng ka bosula, fa e ne e le Jutase, o ne a tshwanetse a tle ka Modimo. Modimo o na le molao.

<sup>342</sup> Baebele ne ya re, “Letsatsi le phatsima mo basiaming le basiamologing; pula e nela basiami le ba ba seng- . . .” Bahebere kgaolo ya bo 6, mme ya re, “Pu—pula e na kgapetsakgapetsa mo lefatsheng, go le nosetsa, le go le baakanyetsa se le se baakanyetswang, lo a itse, go dira gore le tshele; fela mitlwa le sitlwasitlwane di tshela ka metsi a a tshwanang, phatsimo e e tshwanang.” Gonne, ke molao wa Modimo, go budusa peo nngwe le nngwe, go dira gore peo nngwe le nngwe e itsale.

<sup>343</sup> Jalo he, e ne e tshwanetse go tsala “peo ya noga.” Mme ga e ise—ga e ise e ko e kgoreletse Modimo; e ne ya diragatsa leano la Gagwe le le feleletseng, e ne ya Mo dira Morekolodi. Ope yo o foufetseng o tshwanetse a bo a batlile go bona seo, ntengleng le fa go fitlhilwe. “Modimo wa lefatshe” o go go fitlhetsa. Go papametse fela jaaka sengwe le sengwe se o kgonang go se bona. Ke lona bao. Ke eo “peo ya lona ya noga.” Jaanong lemogang.

Fela, “Jesu e ne e le tshimologo ya lebopo la Modimo.”

<sup>344</sup> Jaanong mosadi o dira eng? Fa, peo ya botshelo e tswa mo bong jwa nona. Jaanong ganetsa seo? Mosadi ga a na botshelo bope mo go ena, gotlhelele. O na fela le lee le lennye, le e leng tshimo golo fano.

<sup>345</sup> Jaaka o ne wa tsaya tshimo mme o e lemolole yotlhe, mme—mme wa tsenya seporei mo go yone, wa bo o kgatšha o ntsha megare yotlhe mo go yone. Mme go sena—go sena le e leng bojang kgotsa sepe se se neng se ka tlhoga mo go yone; mme fong wena o nontshe gape, o jwale peo nngwe e e molemo teng moo. Fa mmaba a tla mme a jwala peo nngwe e sele, molao wa Modimo o o tshwanang o tlaa budusa dipeo tsoopedi.

<sup>346</sup> Sentle, Modimo o ne a sa ikaeleta gore seo se nne teng, lo a bona. Fela go diragetseng?

<sup>347</sup> Lo a bona, peo ya tonanyana go tswa mo noneng e tshwere kotla ya bohubidu jwa madi, e e leng madi. Mo mading go na le botshelo. Mme fa o kile wa . . . Ke ne ka go lebelela, mo go tswakantsheng tlhago ya dikgomo le dilo tse di jalo. Mokaulengwe Shakarian le nna re ne ra go ithuta, le dingaka le jalo jalo, re lebeletse ka foo go tswelelang ka gone, boradikhemisi. Lo a bona? Fong fano go tla peo ya nona e tswa

mo namagading, e e leng segopa sa mae. Peo ya nona e a tla, e e leng segopa sa dipeo tsa botshelo.

<sup>348</sup> *Sena ga se na bonnyennyane jwa peo ya botshelo mo go sone. Ke fela se se dirilweng ka se sengwe sa monna. Ke ka foo mosadi a fitlhileng fano, mo lefelong la ntlha, mme ena ke fela tshimo. Go na le lee; le na le mabu a a nonneng go ungwa botshelo jona. Mme botshelo jona bo a tsena mo teng bo bo a gagabela. Masaitseweng ke ao, ka foo e leng gore . . .*

<sup>349</sup> “Gongwe,” o re, “sentle, ya ntlha e a kopana. Tse dingwe tsa tsone di a swa.” Sentle, jang, ke mang yo o go laolang? “Sentle, ya ntlha.” A e tlaa nna lone le le kwa pele; lee la ntlha kwa pele, le peo ya ntlha? Nnyaya, nnyaya.

<sup>350</sup> E ka tswa e le lee le le lengwe; kgakala kwa morago, ko morago, ko bogareng jwa peo ya senna, go tlaa tlhatloga peo ya botshelo mme e ye go le kgatlhantsha. Go supegetsa gore botlhale bongwe bo a laola a kana go ile go nna tlhogo e khubidu, tlhogo e ntsho; a kana go ile go nna gonne, mo go tona; tonanyana kgotsa namagadi. Lo a bona? O ka se kgone, o ka se kgone go dira sepe se sele ka ga gone; ga go tle go dira. O ka di tswakantsha ga mmogo, le sengwe le sengwe, ga go tle go dira bonnyennyane jwa pharologanyo. Modimo o a go laola. Mme morago ga sebaka, peonyana e le nngwe e tlaa gagabela ka mo tshimong eo, lee. E e nang le mogatlanyana, jalo, mo go yone, o tsenekega; o a kgolega, mme foo go simologe mokokotlo wa lesea.

<sup>351</sup> Ena ke eng ka nako eo? Ga a na peo epe. O na le tshimo go amogela peo. Jalo he pe . . .

<sup>352</sup> Lo a bona, mmaba o ne a tswelela. Fa mojwadi yo o siameng a santse a tswela pele, a jwala Peo e e molemo; mme mmaba o ne a tla fa morago ga gagwe, a jwala peo e e bodileng. “Fela pula e nela basiami le basiamologi; letsatsi.” Gotlhe go tshwanetse go gole.

<sup>353</sup> Jesu ne a re, “Di tlogeleng di gole ga mmogo. Ka letsatsi leo di tlaa kokoanngwa, mefero.” Mme ba a kokoana jaanong, mo makgotleng a matona; ba ya ko kokoanong e kgolo, World Council of Churches. Mme bokhutlo e ne e le eng? E tshwanetse e fisiwe. Fela tlhaka e tshwanetse go isiwa kwa mabolokelong. Lo a bona? Kwa, bone boobabedi ba tshelang ka selo se se tshwanang, metsi a a tshwanang, pula e e tshwanang.

<sup>354</sup> Setlhare sa maungo a a botšarara, seo ke—seo ke setlhare sa namune, se tlaa ungwa, se tlaa tshwanela go dira; e tlaa ungwa mo go sone, fa go lometswe ka mo go sone, digaranata. E tlaa ungwa surunamune. E tlaa ungwa pomelo. Lo a bona? Fela ga e tle go nna namune, fela e tshela ka botshelo jo bo tshwanang le jo setlhare sa namune se bo ntshang.

<sup>355</sup> Makoko a ile a tsenngwa ka mo Mofineng. Ka gore, fa e le gore ba ipolela gore ke “Bakeresete,” ba tshela ka gone. Khaifase

o ne a ntse jalo; lo itse se a neng a le sone, mme le fa go ntse jalo o ne ebole a porofeta. Lo a bona? Lo a bona, ba tshela ka gone.

<sup>356</sup> Ao, ke eletsa re ka nna le beke, gore re kgone fela go ithuta selo sena, mme re se dire se nne phepa thata wena—wena o se ka wa kgona go fetwa ke go se bona. Jaanong ke ile go tlogela dingwe tsa dilo tsena.

<sup>357</sup> Jaanong elang tlhoko. Lebang, diatla tseo di ne tsa tlhamela Monyadiwa wa Gagwe yo o Rategang sena, ditlhamo ka lorato lo lo nolo a direla Monyadiwa wa Gagwe.

<sup>358</sup> Gakologelwang gore Mowa o o Boitshepo o ne wa fologela mo go Jesu, mo e leng gore, Jesu ne e le karolo ya lefatshe. Gobaneng? Peo ya Modimo, Botshelo jwa Modimo, e ne ya tlholwa mo sebopelong sa mosadi (a go jalo?), se se neng e le lefatshe. Go siame. Mme fong Botshelo jwa Modimo bo ne jwa tsena, jalo he, “O ne a le tshimologo ya lobopo lwa Modimo.” Lo a bona? Mme foo Madi ao a Modimo, a a neng a le foo ka peo eo ya botshelo; fa a ne a tshololwa kwa Golegotha, a ne a wela morago mo godimo ga lefatshe. Ka ntlha ya eng? Go rekolola lefatshe. Jaanong, lone le ile la siamisiwa; le nnile la itshepisiwa; la bidiwa, mme la thopiwa; mme jaanong le tshwanetse go amogela kolobetso ya lone ya Molelo, mme le tlhapisiwe ka ntlha ya ga Jesu le Monyadiwa wa Gagwe.

<sup>359</sup> Mme lona lo dikarolo tse dingwe tsena tse di gogilweng go tswa mo lefatsheng lena. Lefatshe, lo karolo ya lefatshe; mmele wa gago. Mowa wa gago wa botho ke karolo ya Modimo, sekao sa Modimo, se bonagaditswe fano mo lefatsheng mo mmeleng. Mmele o tshwanetse o rekololwe.

<sup>360</sup> Jaanong, mowa wa botho o rekolotswe, ka gore o ne o le mo boleong. Jalo he Modimo ne a fologa, ka tiragalo ya tshiamiso, boitshepiso, kolobetso ya Mowa o o Boitshepo, mme a rekolola mowa wa gago wa botho.

<sup>361</sup> Mme lona, lo leng karolo ya lefatshe, le rekolotswe ke lone. Lo mo tiragatsong jaanong. Le a gola. Mmele wa gago o ne o siamisitswe mo tlase ga kolobetso ya ga Noa. Amen! Le, nama ya gago, fa E ne e fologetse golo koo. Mme lefatshe le tshwanetse go ntlafatswa ke Molelo, lefelo le o tlaa tshelang mo go lone, ka kolobetso ya Mowa o o Boitshepo; Lefelo la bonno la ga Keresete le Monyadiwa wa Gagwe, Jerusalema yo Moša.

<sup>362</sup> Ela Motsemogolo ona tlhoko; lefatshe, o tsaya bonno jwa one mo lefatsheng. Jaanong lo kgona go bona go papametse jaaka ke buile, phe... phetogo ena, lefatshe le tshwanetse le fetolwe. Le ka se kgone go nna le One le le jaana. Kereke e ne e ka se kgone go tsamaya... Kgotsa, lefatshe le ne le ka se kgone go tswelela gone kwa pele, morago ga Mileniamo, ntengleng le gore le fetolwe. Lo a bona? Go nna le Lefelo le le jalo mo go lone, le tlaa tshwanelwa go fetolwa.

<sup>363</sup> Fela jaaka, re tshwanetse re fetolwe ke Molelo o o boitshepo wa Gagwe, go baakanya le go Mo direla lefelo gore A tle a nnisiwe mo teng ga rona; moo ke, Mowa o o Boitshepo.

<sup>364</sup> Lemogang jaanong, go tlaa nna le bonno jo bontsi mo Lefatsheng le Leša. Uh-huh. Lo a bona, bonno jo bontsi! Le tlaa bo le ntšhafaditswe, moo ke nnete, ka Molelo, fela ga go tle go tlhola go na le lewatle. Lemogang, Motsemogolo o na le matlhakore a manê lengwe le lengwe le le la dimmaele di le lekgolo le lesome le botlhano.

<sup>365</sup> Jaanong reetsang ka tlhoafalo tota fa re santse re taka ditekanyo tsena tsa bogolo. Ke batla go phimola bolekeboroto, motsotsotso fela.

<sup>366</sup> Tshenolo e e boteng ke ena go tswa go Modimo. Fano, ke tlaa ema fela fano. Ga go epe ya tsena tse dingwe...Ke tlaa tlisa mo go setseng ga sena, Morena fa a ratile.

<sup>367</sup> Lemogang jaanong lefatshe le...Sentle, lo buleng ka ko Bukeng ya Tshenolo, lo ka bona ka fa a o metileng ka gone ka boleele jwa mabogo le jwa diferelone. Makgolo a le masome a mabedi le boraro...Jalo he jaanong re fitlhela gore mo—Motsemogolo o metilwe gore ke, matlhakore a manê lengwe le lengwe le le “dimmaele di le lekgolo le lesome le botlhano”.

<sup>368</sup> Lo itse gore moo go tlaa fitlha bogakala jo bo kae? Ke ne ka go lekanya, bekeng ena. Go tlaa nna boleele jo bo fitlhlang go tloga kwa Maine go ya kwa Florida, mme go tloga kwa tshimologong ya lewatle la ka fa bothhabatsatsi go yeng dimmaeleng di le makgolo a marataro, kwa bothhabatsatsing jwa Mississippi. Ka mafoko a mangwe, sephatlo sa United States, e le sa Motsemogolo fela.

O re, “Ga go na bonno bope.”

<sup>369</sup> Fa lewatle le ile go ile go nna le jone, ka gore ka fa go batlileng go le ka gone bonê go tswa mo botlanong jwa lone ke metsi. A go jalo? Phatlakanyo e omisa lewatle, e phadimosa lefatshe. Ijoo! Gakologelwang, matlhakore a le manê a a lekalekanang lengwe le lengwe le le la boleele jwa dimmaele di le makgolo a le lesome le botlhano, a Motsemogolo o! Mme, fela, gakologelwang, lewatle le ile.

<sup>370</sup> “Mme bophara le bogodimo di a tshwana.” Moo go tlaa go dira dimmaele di le makgolo a le lesome le botlhano ka tsela *ena*, dimmaele di le makgolo a le lesome le botlhano ka tsela *ele*; dimmaele di le makgolo a le lesome le botlhano; boleele ka bophara ka bogodimo. Dimmaele di le makgolo a le lesome le botlhano, akanyang ka ga gone, gouta e e letsatsa. Mme Motsemogolo o ne o na le lomota go o dikologa.

<sup>371</sup> Jaanong, jaanong, moo ga se gore go raya gore totatota, ka go lekalekana...E ne ya re, “Mme dipota le motheo di ne di lekalekana,” moo ga se gore go raya gore totatota ke

matlhakore a le marataro a a lekalekanang jaaka letaese kgotsa matlhakore a le manê a a lekalekanang. Go na le selekanyo se sengwe sa lefatshe le tikologo, mo go le e leng gore ditekanyo di a tshwana, ke gore, phiramiti. Matlhakore a manê a a lekalekanang, “o dutse o le wa matlhakore a manê a a lekalekanang,” mme dipota di ne di tshwana.

<sup>372</sup> Mpe ke o takeng. Lo a bona: Boleele, bophara, bogodimo. Re ile go tsena mo sengweng, go tlhomame jaaka lefatshe. Lo a bona? Lemogang, ditekanyo tsa bogolo jwa lekono *lena* le tshwana totatota, otlhe a one, boleele ka bo—ka bogodimo. Go na le selekanyo se sengwe, phiramiti, e e go netefatsang.

<sup>373</sup> Mona, e leng ka tsela ena, go tlaa araba totatota tshupo ya ga Enoke ko Egepeto, phiramiti. A go tlaa dira? Enoke, pele ga tshenyo ya motlha wa pele ga morwalela, nako e tshiamiso e neng e tsena, o ne a tlisa sesupo, mme mo phiramiting ena go direpodi tse supa tse di yang ko phaposing ya kgosi. Ela tlhoko mo serepoding sa bosupa, fa o kile wa ithuta ditekanyo tsa bogolo jwa phiramiti, ke mang yo o tswelelang go isa yo o tlang, go mo itsise kgosi. Elang tlhoko gore ke bonno jwa ga mang jo bo emeng foo, mme lo tlaa bona motlha o le tshelang mo go one, mo phiramiting.

<sup>374</sup> Jaanong, Modimo ne a dira Dibaebele tse tharo. Jaanong, go na le thuto ya phiramiti e e leng ditlontlokwane, fela go na le phiramiti ya popota. Lo a bona? Lemogang. Jaanong, Modimo, Baebele ya ntsha... O dirile tse tharo. Go tshwanetse go nne le sengwe le sengwe mo borarong.

<sup>375</sup> Jesu o tla gararo. O tla, gangwe, go rekolola Monyadiwa wa Gagwe; nako e e latelang, go tsaya Monyadiwa wa Gagwe; nako e e latelang, le Monyadiwa wa Gagwe. Lo a bona?

<sup>376</sup> Jaanong lemogang ka foo go leng go ntle ka teng. Lo a bona? Mme mo phiramiting ena go ne go le direpodi tse supa, mme go tloge go nne kamore ya kgosi. Mme re mo pakeng ya kereke ya bosupa, pele ga Kgosi a tsaya Terone ya Gagwe. Mme, gakologelwang, phiramiti ga e ise e nne le lentswê la tlhora mo go yone.

<sup>377</sup> Baebele ya ntsha ya Modimo e ne e le mo mawaping, Zodiaka; e a simolola e bo e tswelela go feta mo pakeng nngwe le nngwe. Sa ntsha, tshimologo ya Zodiaka, ke kgarebane; ke ka foo A tlileng ka gone, pele. Setshwantsho sa bofelo mo Zodiakeng ke Leo tau; go Tla ga bobedi. Fela pele ga moo ke ditlhapi tse di fapaaneng, mo e leng paka ya khensa; e re tshelang mo go yone jaanong.

<sup>378</sup> Go ne go na le phiramiti morago ga foo, Enoke, mo go neng ga paka totatota. Ga re na go nna le nako ya go tsena mo go gone, fela, letsatsi lengwe, ka thuso ya Modimo, ke tlaa lo supegetsa, go taká totatota fela ditekanyo tsa bogolo jwa oura e re tshelang mo go yone. Lo a bona?

<sup>379</sup> Lemogang, fela selekanyo sena sa lefatshe le tikologo jaanong se re nang naso, se tekanyo ya bogolo ya sone e tshwanang, ga go reye gore totatota se tshwanetse se nne se—sebopego sa mathakore a marataro jaaka letaese. Lemogang, mona go tlaa araba ya Egepeto... kgotsa sesupo sa ga Enoke ko Egepeto.

<sup>380</sup> Mo nakong ya lefatshe ya go phepfafala, ka kolobetsa ya lone ya Molelo, go tlaa nna le sekqwamolelo, jaaka lefatshe lena le phatlakana, mme le tlaa kgarameletsa kwa godimo Thaba e e jaaka phiramiti. Lo a bona? Go bulegile go go dira! Selo sotlhe sena se tlaa bo se fetotswe. Bogodimo jotlhe bo tlaa bo bo fetotswe. Le go tlhalogantse? Le tlaa kgarameletsa kwa godimo Thaba e e jaaka phiramiti.

<sup>381</sup> Mona go tlaa nna totatota jaaka Lefoko fa le go dira, mo e leng gore le tlaa dira. Jaanong lemogang, gonne, mo go Isaia 65:25, kwa re fetsang go bala gone, O ne a bua.

*Ga ba tle go utlwisa botlhoko kgotsa go senya mo  
thabeng yotlhe ya me e e boitshepo, go bua MORENA.*

<sup>382</sup> Ao! “Thaba yotlhe ya Me e e boitshepo!” Gakologelwang, e tlholo e le “Thaba.”

<sup>383</sup> Fa dipota di ne di simalaletse go ya kwa godimo le fa tlase, Motsemogolo o ne o ka kgona fela go bonwa o le ka fa ntle... kgotsa o le ka fa teng, Sedulo sa bogosi se ka bonwa fela o le ka ha teng; fela lemogang go tlaa bonwa fela o le ka ha teng.

Fela jaanong re bona tsholofetso ya ga Isaia 4:5. A re e baleng fela.

<sup>384</sup> A lo itlhaganetse? [Phuthego ya re, “Nnyaya.”—Mor.] Nnyaya, lo seka lwa itlhaganela jaanong. Rona—rona—rona re tshwanetse ko—ko selong se se sa tlwaelesegang jaanong, thata—thatata go feta ga na—nako e o tshwanetseng o e tlhaloganye gone fano. Ka gore, ke batla go papamatsa mona. Mme fong fa re boela mo go gone gape, Ke tlaa—ke tlaa lo supegetsa fong kwa rona re—kwa re buang ka ga gone, se, mo thutong ya rona e e latelang ka ga sena, ka nako e nngwe.

<sup>385</sup> Ao, rorisang Morena Jesu! Tlhokomelang fano, ka foo Mafoko a sa kgoneng go palelwa. Jaanong tlhokomelang fano mo go Isaia. Ke na le yone e kwadilwe fano, fa nka e bona gape, motsotso fela. Isaia 4:5. Jaanong reetsang, o bua ka ga go Tla ga Morena, ka fa e leng gore basadi ba tlaa nna ba ba maitsholo a a maswe thata. Ao, o ne a re, “Basadi ba le supa...” Reetsang. A re e baleng fela. Lebang fano.

*Mme mo motlheng oo basadi ba supa ba tlaa tshwara  
monna a le mongwe, ba re, Re tlaa ja senkgwe se e leng  
sa rona, ... re apare diaparo tse e leng tsa rona: mpe fela  
re bidiwe ka leina la gago, go tlosa kgobo ya rona.*

<sup>386</sup> Moo ke nako ya bokhutlo, kwa re tshelang gone jaanong; nyalo, tlhalo, le boopepe, le eng le eng.

*Mo motlheng oo kala ya MORENA e tlaa bo e le ntle e bile e galalela, . . . leungo la lefatshe le tla nna ba ba siameng thata mme le ntla falela . . . bao ba ba . . . falotseng ba Iseraele.* (Ka fa e leng gore lo falotse phutso yotlhe eo! Lo a bona?)

*Mme go tla diragala, gore ena yo o setseng mo Sione, le ena yo o leng masalela mo Jerusalema, o tla . . . (A re boneng) . . . mo Jerusalema, o tla bidiwa boitshepo, le e leng mongwe le mongwe yo o kwadilweng mo gare ga batshedi mo Jerusalema, lo a bona:*

*Mo e leng gore Morena o tla tlhatswetsa kgakala makgapha a morwadia Sione, (gakologelwang, moo ka gale ke Monyadiwa, lo a bona) . . . mme o tla bo a phepafaditse madi a Jerusalema (moo ke masalela a Bajuta, le Monyadiwa, lo a bona) . . . mme mo gare ga yone ka mowa wa katlholo, molelo . . .*

<sup>387</sup> Moo e tlhola e le katlholo ya Modimo, fa A dira katlholo ya Gagwe ya bofelo. O a go bitsa, o a go siamise, mme a go tlise mo thekololong; fong katlholo ya Gagwe e tswelela mo go wena, mme Mowa o o Boitshepo le Molelo di a tlhatswa di tlose boleo. Fong wena o wa Gagwe.

<sup>388</sup> Selo se se tshwanang se A se dirang mo lefatsheng, fa A le ntla fatsa ka Molelo, “le ka mowa wa go tuka.” Jaanong lebang. Reetsang! A lo ipaakantse?

*Mme MORENA o tlaa tlhola mo lefelong lengwe le lengwe la bonno la Sione, le mo phuthegong ya gagwe, leri la mosi mo motshegareng, le go phatsima ga . . . molelo bosigo: gonne mo kgalalelong yotlhe go tla bo go na le phemelo.*

<sup>389</sup> [Mokaulengwe Branham o tlhalosa ka setshwantsho mo bolekeborotong—Mor.] “Morena, mo motlheng oo, mo godimo ga tlhora ya one, o tla tlhola Molelo wa Lesedi go tuka mo motshegareng.” Mme go tswelela pele go bo go re, “E tlaa nna botshabelo, boikhutso, botshabelo.” Lemogang, go bua totatota ka ga Baebele, totatota. Dipota fa di ne di ya ka go tlhamalla ko tlase le ko godimo, o ne o ka se kgone go go bona. Go tshwanetse go thulame. “Thaba yotlhe ya Me e e boitshepo . . .” “O tlaa tlhola Lesedi lena mo Thabeng ena, mme go tlaa nna mo go leng phemelo.” Ao, re opela pina ele:

Ao, Motsemogolo oo mo Thabeng ya Sione,  
Jaaka mosepedi wa modumedi, le fa go ntse  
jalo ke a go rata go santse go le jalo;  
Jaanong le go ralala dipaka tseo,  
Motlheng ke fitlheng Motsemogolong oo kwa  
Thabaneng. (Lo a bona?)

<sup>390</sup> Lemogang, Thaba ya Sinai e ne e le kwa Modimo a neng a fologela mo tlhoreng ya yone, fa A ne a bua le Israele mo Pinagareng ya Molelo. O ne a fologela ko tlhoreng ya thaba, Thaba ya Sinai.

<sup>391</sup> Mo Thabeng ya Phetogo, fa A ne a bolela phatlalatsa, “Yona ke Morwaake yo o rategang; Mo utlweng,” O ne a fologa ka Pinagare ya Lesedi le phatsimo e e tsabakelang, mo godimo ga tlhora ya thaba, fa pele ga Petoro, Jakobose, le Johane. Mme, teng foo, O ne a emelwa ke boobabedi Moshe le Elia; ba ba fetotsweng, le baswi ba tsositswe. Kgalalelo!

<sup>392</sup> Motsemogolo o Moša le Lefatshe le Leša; lebopo le le ntšhwa; Motsemogolo mo Thabeng, ka Sedulo sa bogosi mo tlhoreng ya yone. [Mokaulengwe Branham o tshwantsha mo bolekeborotong ka nako ya ditemana tse di latelang di le mmalwa—Mor.] Sedulo sa bogosi fa godimo *fano*, mo tlhoreng; le baagi, gotlhe ko godimo le ko tlase, mo Thabeng ena.

<sup>393</sup> Mme lemota le le dikologileng mona, le ne le na le metheo e le lesome le bobedi. Mme mongwe le mongwe wa one o ne a na le lentswê la fa sehubeng le le neng le le mo go Arone, mo go neng go emetse merafe e e lesome le bobedi ya Israele.

<sup>394</sup> Mme, mo dikgorong, ba ne ba na le dikgoro di le nnê di tlhomilwe fela totatota jaaka tempele ko bogareng ga naga, jaaka tante e ne e le ka gone ko bogareng ga naga. Lemogang nngwe le nngwe, e ne e na le—e ne e na le baapostolo, ba le bararo mo letlhakoreng lengwe le lengwe, baapostolo ba le lesome le bobedi. Nngwe le nngwe . . . Mme e ne e le boleele jwa mabogo a le lekgolo le masome a manê le bonê. Mabogo a le lekgolo le masome a manê le bonê ke totatota difutu di le makgolo a le mabedi le lesome le borataro, mo go dirang lengwe le lengwe la mantswê ao a matona le batlile le le boleele jwa dikgato di le masome a mabedi, sefemala-sehaba mo kgorong eo, mo go neng go dira lemota leo le le neng le dikologa Motsemogolo o.

<sup>395</sup> Jaanong gone, Motsemogolo, ga o nne mo godimo ga lomota, ka gore motsemogolo, wa dimmaele di le makgolo a le lesome le botlhano, o ne o ka se kgone go dira seo. Ke lemota *fano* le o tsenang mo go lone, jaaka dikgoro tsa Jerusalema wa kgale. O ne o tsena ka lemota, ka mo go oo.

<sup>396</sup> Mme lengwe le lengwe la tsena, le ne le na le metheo e le lesome le bobedi, mme mongwe le mongwe o ne a na le emereleta le mantswê a a farologaneng, a a neng a emetse merafe e e lesome le bobedi ya Israele.

<sup>397</sup> Mme baapostolo, mongwe le mongwe ka bonosi, mo kgorong e tona eo, e le nngwe ya talama e e kwenneng, go ne go setilwe leina la moapostolo. Mme a Jesu ga a ka a re, “Lo tlaa dula mo ditulong tsa bogosi di le lesome le bobedi, lo atlholo merafe e le lesome le bobedi ya Israele”? Ke mang yo neng a dutse kwa kgorong, go atlholo, fa ba ne ba tsena ka mo

Motsemogolong? Ijoo! Ke lona bao. Dikgosi tsa lefatshe di tsena ka mo Motsemogolong, di tla fa pele ga moatlhodi yo e leng moapostolo, jaaka Jesu a soloeditse. Ijoo!

<sup>398</sup> Mo Setulong sena sa bogosi, mo godimo ga sone, dimmaele di le makgolo a le lesome le botlhano, lefatshe lotlhe le tlaa bona Lesedi la lefatshe, Jesu, a dutse mo Setulong sa bogosi mo godimo ga lefatshe, ko godimo ga Kereke, ko godimo ga Thaba ya Sione; mo e leng gore ke dimmaele di le makgolo a le lesome le botlhano, halofo ya bogolo jwa United States, mme o tlthatlogela kgakala ko godimo go fithela o kgona go Mmona a le mo lefatsheng ka kwa, boleele jwa dimmaele di le makgolo a le lesome le botlhano.

<sup>399</sup> Mme gotlhe fa godimo le fa tlase *fano*, go tlaa bo go na le Barekolodwi. Go tlaa bo go na le matlo a gouta e e itshekileng. Go tlaa bo go na le mebila e e sephara, le diphaka, le ditshingwana. Mme Noka ya Botshelo e tla, e rotha go tswa mo Setulong sa bogosi, mme e elelela kwa tlase go feta mo gare ga dilomo tse dinnye, ao, go ya ka kwa ko diferwaneng tsa matlo. Mme Setlhare sa Botshelo se tlaa bo se thunya mo jarateng nngwe le nngwe; mme se ungwe maungo a Sone, makgetlo a le lesome le bobedi mo ngwageng, leungo le le fetogileng kgwedi nngwe le nngwe.

<sup>400</sup> Mme dikgosi tsa lefatshe di tlaa tla ka mo go one mme di tlise tlollo ya tsone. "Mme mathlare ke a go fodisa ditshaba," fa dikgosi di tshela ka kagiso golo koo. Fa di tswela ntle, di tlaa nopa setlhare, letlhare *jalo*. Jaaka lephoi le boa, gore tshakgalo ya Modimo e nnile ya kokobediwa, mme la tlisa letlhare la setlhare sa holly ka mo arekeng. Jalo he fa kgosi e tloga, ka go tlisa kgalalelo ya gagwe ka mo ntlwaneng ya Monyadiwa fano ka mo Motsemogolong, o tlaa otlollela seatla ka letlhare ko moagisanying wa gagwe wa kgosi, mme, "Re mo kagisong ka methla yotlhe." Amen! Phodiso ya ditshaba! "Gotlhe go iketlile. Nako nngwe re ne ra lwantshetsana madi mongwe le yo mongwe, mokaulengwe. Mme re ne ra tlhokomela ka lorato, mme ra goeletsu; ra ba ra thuntsha, ra ba ra fisa bana, sengwe le sengwe. Fela jaanong go na le kagiso, phodiso." Eseng phodiso ya bolwetse; gotlhe go fedile. Phodiso ya setshaba! Amen!

<sup>401</sup> Motsemogolo o o nang le Setulo sa bogosi mo tlhoreng. Tshenolo 21:23, "Mme ga ba tlhoke lesedi lepe, gonne Kwana le Morena Modimo ke Lesedi la one." Lo a bona? Morena Modimo ke Pinagare eo ya Molelo e e neng ya latela bana ba Israelet go ralala bogare ga naga. Mme O tlthatlogetse mo Setulong sa bogosi, mo Bogosing jo bo itekanetseng joo . . . nako e . . . "Bogosi jo Jesu a tshwanetseng go bo neela ko go Rara, gore Modimo a tle a nne tsotlhe, le mo go tsotlhe." Jesu o dutse mo Setulong sa Gagwe sa bogosi fano, e le Josefa wa rona. Mme Kgosi ke Lesedi leo le le tlaa nnang mo godimo ga Thaba ya Sione, mme Lesedi la Gagwe le le boitshepo le tlaa bonesa Motsemogolo otlhe ka lesedi le legolo. Haleluya!

<sup>402</sup> Bogodimo jwa dimmaele di le makgolo a le lesome le botlhano, le boleele jwa dimmaele di le makgolo a le lesome le botlhano mo matlhakoreng a le manê, ka diparateisi tsa Modimo di agile gotlhe go ralala Motsemogolo oo; mebila, mebila e e sephara! Balang Tshenolo 21 ya lona, lo boneng fa go sa nepagala. Lo a bona, “Ga ba tlhoke lesedi lepe foo, gonne Kwana ke Lesedi.” Mme mo Sedulong sa bogosi go ka bonwa, go dutse, dimmaele di le makgolo a le lesome le botlhano.

<sup>403</sup> Lone ga lo tlhatlogele godimo ka go tlhamalla *jaana*. Lone lo a sekega, jaaka phiramiti. Fa le ne le tlaa nna halofo ya sekgala, fong leo le tlaa nna le le nnang go tshwana le *mona*, lo a bona, go tloga mo motsemogolong o le mongwe go ya go o mongwe... jaanong fa lo tlaa lemoga, go tloga letlhakoreng le le lengwe la Motsemogolo go ya go o mongwe.

<sup>404</sup> Nka latlhela sengwe se sennye fano fa lo batla gore ke dire. A lo ne lwa lemoga setlhophha se sennye fano? Gone go batlide fela e le karolo eo, sekgala go dikologa kgolokwe ya fa go fetang gone. Georgia, California, go ya kwa Saskatchewan; go tloga kwa Kansas, go ya kwa letshitshing le le mafika la kwa Maine; moo ke mo go kokoantsweng. Moo ke se se emetsweng gone fano, go ka nna mathhakore a manê a bogolo jo bo lekanang lengwe le lengwe la dimmaele di le makgolo a le lesome le botlhano.

Ao, ba tswa kwa Botlhabatsatsi le Bophirima,  
Ba tswa lefatsheng le le kgakala,  
Go keteka le Kgosi ya rona; go ja selalelo... (Sa  
eng? “Motho ga a kake a tshela ka senkgwe  
se le sosi.” Ka Senkgwe, Lefoko!)... go ja  
selalelo re le baeng ba Gagwe;  
Ka fa baeti bana ba segofaditsweng ka gone!

Mo lefatsheng, ke tshwanetse ke re, ga ke ise ke bone batho jaaka bona.

Ao, ba lebile sefatlhego sa Gagwe se se  
galalelang  
Se galalela ka Lesedi le le Boitshepo;  
Baabedwi ba ba sego ba letlhogonolo la Gagwe,  
Jaaka diperela mo serwalong sa Gagwe ba tlaa  
phatsima.  
Ao, Jesu o etla mo segautshwaneng,  
Mathata a rona ka nako eo a tlaa bo a fedile.  
Ao, go ka tweng fa Morena wa rona motsotsotso  
ona a tla tla?

<sup>405</sup> Ga go tle go nna go leelee. Sengwe le sengwe se itekanetse. Go ya ka bonno jwa lefatshe, Sotoma, barongwa; sengwe le sengwe se dutse fela totatota ka go nepagala. Lo a bona? Go raya eng? Akanyang fela, go tla mo motlaaganeng o le mongwe ona o monnye, matlhakore a manê a lekalekana lengwe le lengwe ka

boleele jwa dimmaele tse makgolo a le lesome le botlhano, go tswa mo selekanyong se se tshwanang sa bogolo.

<sup>406</sup> Gobaneng e le gore Modimo o ne a akanya thata mme a kgathala thata ka ga lefelo le le nnye leo la Palesetina, lo a bona, fa gone go le fela lefelo le lennye? Fela gone teng moo ke kwa tempele e tlhomilweng gone. Ke kwa Jerusalema yo Moša a tlaa nnang gone, gone foo. "Motlhware, Thaba ya Motlhware e tlaa fatogana, e kgaoganele ka fa mojeng le ka fa molemeng," go tlhomame, fa e kgarametsegä e tlhatloga go tswa ko tlase. Eseng, ba re, e fatogana *jaana*. E kgoromeletsegä ko godimo, "Mo motlheng oo fa A tlhoma dinao tsa Gagwe tse di boitshepo mo Thabeng." Lemogang, mo Setulong sa Gagwe sa bogosi, bogodimong jwa dimmaele di le makgolo a le lesome le botlhano!

<sup>407</sup> Gakologelwang, Satane o ne a leka go Mo raela, nako nngwe, ko godimo ga thaba. Lo a bona?

<sup>408</sup> Motsemogolo o Moša o na le metheo e le lesome le bobedi, jaaka re ne ra bua ka ga gone, ditlhogo tsa lotso di le lesome le bobedi; boleele jwa mabogo a le lekgolo le masome a mané le boné; e ne e le sefemala-sehuba sa ga Arone; dikgoro di le lesome le bobedi tsa perela, leina la barutwa ba le lesome le bobedi.

<sup>409</sup> Jesu a eme, Lentswê la tlhora, mo Sedulong sa bogosi, fa baitshepi ba Gagwe ba Mo rwesitse korone, e le "Kgosi ya dikgosi, Morena wa marena." Mme Ena ke Lentswê la tlhora.

<sup>410</sup> Ga ke a tshola sekgwama sa me. Fela fa lo tlaa lemoga mo sekgwameng sa lona, fa lo na le madi a pampiri a le mangwe a dolara, ba na le sekano sa United States; ntsu mo bofelelong bo le bongwe, e tshotse marumo, letshwao la setshaba, jaaka le ne le ntse ka gone; mme mo bokhutlong jo bongwe, e na le phiramiti, ka leitlho le le lebileng gotlhe mo godimo ga yone. Lo a bona, ba ne ba sa itse se ba neng ba se dira. Mme teng foo go kwadilwe ka Selatine, mme o tlaa fitlhela gore go a go bua, mona ke "sekano se segolo." Ba ne ba sa itse se ba neng ba se dira. Le Khaifase o ne a sa itse gore o ne a porofeta.

<sup>411</sup> [Mokaulengwe Branham o tlhalosa ka setshwantsho mo bolekeborotong—Mor.] Sekano se Segolo ke seo. Sone ke *sena*, lo a bona, Motse. One fela ga o popego e e matlhakore a marataro *jaana*, lo a bona, fela one o sekamela ko godimo gore o kgone go bonwa. Mme mo Thabeng e e boitshepo ena ya Morena, Morena o tlaa fologela mo godimo ga Thaba ya Gagwe; Ene ke *yona*. Leo ke lebaka le lentswê la tlhora le neng le sa apeswa ke Enoke. Lo a bona? Leo ke lebaka le Lentswê la tlhora le tshwanetseng go tla jaanong. Mme Thaba e tlaa kgoromeletswa ko godimo, mme e tlaa nna Thaba ya Morena.

<sup>412</sup> Mme teng *fano* go tlaa aga Barekolodwi. Mebila *ena* e e sephara, le ditsela tse ditona tsa mheru, jaaka go ne go ntse ka gone, diphaka, mme Noka ya Botshelo e tlaa feta, e fete gone go o ralala. Mme ntlo nngwe le nngwe e tlaa bo e dirilwe ka

gouta e e letsatsa. Mme mebila e tlaa bo e dirilwe ka gouta. Mme ditlhare tsa Botshelo di tlaa bo di le foo, mme di tlaa ungwa mehuta e le lesome le bobedi ya leungo. Mme dikgosi le banna ba ba tlotlegang ba lefatshe ba tlaa tlisa tlotlo ya bone le kgalalelo ka mo dikgorong. Mme dikgoro ga di tle go tswalelwa bosigo, ka gore ga go na bosigo koo.

Mo Motsengmogolo oo kwa Kwana e leng  
Lesedi,

Mo Motsengmogolo oo kwa go sa tleng bosigo;  
Ke na le ntlo golo koo e e senang tiro ya  
matsapa le bothata,  
Ao, ke ya kwa Kwana eo e leng Lesedi.

<sup>413</sup> A ga lo bone gore ditoropo, metsemegolo, dintlo, dikago, di—di bua ka ga seo gone jaanong? Dilo tsotlhe tsena tsa tlholego ke moriti.

<sup>414</sup> Tsaya moriti, o le sekgaleng, jaaka seatla sa me. Pele ga go ka nna le se—se se tlhomameng... kgotsa moriti, go tshwanetse go nne le se se tlhomameng. Mme, lo a bona, moriti oo, go lebega okare ke na le menwana e le mmalwa, fela fa wena ya o atamela gaufi le one, gone—gone go a kopana go nna gongwefela, mme fong moriti o nyelelela ka mo seatleng.

<sup>415</sup> Mme moo ke, nako e ntsi, batho ba akanya gore go na le Medimo e meraro kgotsa e menê. Lo lebile kgakala kwa morago ko ditokafatsong tsa kwa tshimologong. Lo a bona? Tswelela o tle golo kwano jaanong mme, o fitlhela, o tsepame mo teng go fitlhela go nna le Bongwefela. Moo ke totatota.

<sup>416</sup> Go na le Monyadiwa a le mongwe; eseng makoko a le mmalwa. Fela Monyadiwa a le mongwe, yoo ke Moitshenkedwi, go tswa mo go sengwe le sengwe... go tswa mo le—go tswa mo lefatsheng yo o neng a tlhomamiseditswe pele ko go sena, bone ba ba kgonang go lemoga lefelo la bone mo Bogosing.

<sup>417</sup> Mo Setulong sena sa bogosi, lebelelang, ko godimo thata! Motsemogolo o Moša; ka metheo; dikgoro di le lesome le bobedi; Jesu, Lentswê la tlhora; baapostolo, ba atlholo; merafe e le lesome le bobedi.

<sup>418</sup> Phiramiti ya ga Enoke e ne ya se dire moriti ope mo nakong epe ya letsatsi. Ke nnile ko Egepeto, kwa diphiramiting. Tsone di tlhomilwe go ya ka bonno mo lefatsheng, mme dilekanyo tsa bogolo jwa sebopego tse segolo sena sa matlhakore lemekono le dikhutlo; gore, go sa kgathalesege kwa letsatsi le leng gone, ga go ise go ke go nne le moriti tikologong ya phiramiti. Lo bona ka fa go leng ka gone?

<sup>419</sup> Mme ga go kitla go nna le bosigo koo. Ene mo godimo ga Thaba, o e tlatsa ka kgalalelo ya Gagwe. Lesedi la Gagwe la Kgalalelo le tlaa bo le le teng nako yotlhe. Ga go tle go nna le bosigo koo. Jesu, Lentswê la tlhora!

<sup>420</sup> Jaanong lemogang. Jalo he, Barekolodwi ba tla tsamaya mo Leseding. Re a opela jaanong, “Re tlaa sepela mo Leseding, Lesedi le le ntle leo.” Go na le sengwe mo go rona se se goeletsang ko ntle. “Se fetile losong go ya Botshelong.” Ke ka gore moo go letile. Lo a bona? Seo ke se e leng sekao, se re se utlwang.

<sup>421</sup> Ka nnete, mona ke . . . A lo ipaakantse? Ona ke Motsemogolo o Aborahame a neng a o senka. Lo a bona? A neng a le moporofeti, o ne a itse gore Motsemogolo oo o ne o le golo gongwe. Baebele ne ya rialo. Mme o ne a tlogela motsemogolo o neng a tshela gone, mme o ne a ya koo; lebang kwa a neng a ya gone, totatota kwa o tlaa nnang gone. Lo a bona? “O ne a senka Motsemogolo o moagi le modiri wa one e neng e le Modimo,” lo a bona, a leng moporofeti.

<sup>422</sup> Jesu o ile go baakanya, ka diatla tsa Semodimo, Motsemogolo wa Semodimo; Setlhophha sa Semodimo, sa batho ba ba rekilweng ka Semodimo, sa batho ba ba tlhomamiseditsweng pele. O ile go baakanya.

<sup>423</sup> Aborahame o ne a o senka. “Mme o ne a bolela gore o ne a le moeti wa modumedi le moeng, gonne o ne a senka Motsemogolo o moagi le modiri wa one e neng e le Modimo.” Moporofeti yoo, a neng a itse gore o ne o le golo gongwe! Johane ne a o bona o fologa, fela Aborahame ne a akanya gore o tshwanetse o bo o le mo lefatsheng gone ka nako eo. Goreng? O ne a kopane le Melegiseteke, Kgosi ya one, mme ne a Mo naya karolo ya bosome. “Yo neng a sena rra, kgotsa mma ope. O ne a sena tshimologo ya botshelo kgotsa bokhutlo bope jwa botshelo.” Aborahame ne a kopana Nae, mme ba ne ba ja selalelo gone mo lefelong le le jaaka le kwadilwe kwa Motsemogolo o tlaa tlhatlosiwang gone, Thaba e e boitshepo ya Morena, kwa Barekolodwi ba tlaa tshelang gone. Ijoo!

<sup>424</sup> Nako eo ga e eme fela. Nnyaya, re mo nakong; morago ga sebaka re tlaa ya ko Bosakhutleng.

<sup>425</sup> Ao, Thaba e e boitshepo! Go tlaa nna le mebila ya digouta tse di letsatsa, mebila; le matlo, le diphaka. Fa lo batla go bala ena, Tshenolo 21:18. Setlhare sa Botshelo se tlaa bo se le foo; mehuta e le lesome le bobedi ya leungo, le le lengwe kgwedi nngwe le nngwe, le tlaa ungwiba mo go sone. Batho ba ba jang maungo ana, ba tlaa fetola dijo tsa bone mo go nngwe le nngwe, kgwedding nngwe le nngwe.

<sup>426</sup> Mme gone go—gone go tswa . . . ke ga bafenyi fela. A lo itse seo? Ga se ga makoko.

Lo a re, “A wena o kaya seo, Mokaulengwe Branham?”

<sup>427</sup> A re buleng ko go Tshenolo 2, motsotsa fela, mme re e fitlhele. Tshenolo 2:7. A re batlisiseng jaanong a kana ke Boammaaruri ka mmannete kgotsa nnyaya. Tshenolo 2:7 e balega jaana.

Mme yo o nang le tsebe, a a utlwae se Mowa . . .

<sup>428</sup> Jaanong, gakologelwang, ga A bue le Bajuta jaanong. Mona ke Kereke, Moditšaba.

*Yo o nang le tsebe, a a utlwe se Mowa o se bolelelang dikereke; Ene yo o fenyang, Ke tlaa mo naya gore a je ga setlhare sa botshelo, se se leng mo gare ga parateisi ya Modimo.*

<sup>429</sup> “Bafenyi fela, ba ba fenyang sebatana, ba fentse letshwao la gagwe,” moo ke Bokhatholike, Boprotestante, bolekoko, “ba ba fenyang sebatana, letshwao la sone, tlhaka ya leina la sone.” “O tlaa nna le tshwanelo ya ko Setlhareng sa Botshelo, go tsena ka mo dikgorong kwa go seng sepe se se kgotlelang le ka nako epe se ka tsenang.” O a bona? Akanyang ka ga gone. Jaanong, motsotsotso fela jaanong, jaaka re tswelela pejana gannye fela. Setlhare sa Botshelo se tlaa nna sa bafenyi fela.

<sup>430</sup> Matlhare e tlaa nna a phodiso ya ditšaba. Ke gore, dikgosi tse di tshelang teng moo, di tlisa tlollo ya tsone mo teng, fa ba tlisa tlollo ya bone mo teng mme ba e beye fa pele ga Terone ya Modimo. Fela jaaka bokafantle, e e lesome . . . merafe e e lesome le motso e ne ya tlisa mo teng, mongwe le mongwe wa bone, bosome ko go Lefi, lo a bona. Fa ba tlisa tlollo ya bone ka mo le . . . go tswa lefatsheng le le segofetseng, mo go leo, ba tlaa otlollela seatla ko Setlhareng sa Botshelo, ba kgole letlhare la setlhare sa holly . . . kgotsa lethare la Setlhare sa Botshelo, mme a tlaa tswela ntle ga mmogo. Ga go sa tlhole go na le ntwa. Sengwe le sengwe se mo kagisong. Matlhare ke segopotso, a diphodiso tsa setšaba.

<sup>431</sup> Setlhare se se tshwanang, eseng jaaka Atamo, ene . . . Go ne go na le Setlhare sa Botshelo ko tshimong ya Etene, se a ka tswang a ne a se jele fa a ne a sa wa. Setlhare seo sa Botshelo se ne sa mo gopotsa, ka nako yotlhe, gore jwa gagwe jo bosha . . . bonana jwa gagwe bo ne bo tswelela bo ya pele. Lo a bona?

<sup>432</sup> Ditšhaba di tlaa dira mo go tshwanang. Matlhare a tlaa nna a phodiso ya ditšaba; lemogang, eseng bolwetse jaanong. O tlaa nna le ditshwanelo tse di tshwanang tse Atamo a nnileng natso, jaaka le- . . . lephoi ka letlhare la setlhare sa holly, gotlhe ke . . . kgosi nngwe le nngwe e tsaya letlhare.

<sup>433</sup> Lemogang, Noka ya Botshelo, kooteng melapo e le mentsi e e go dirang. Jaanong, mo lefatsheng lena . . .

<sup>434</sup> Ke ile go tswala fela mo metsotsong e le mmalwa. Mo lefatsheng lena . . . Kgotsa, ke ile fela go ema. *Ke ka fa dintlha di leng dintsi go feta tse di tshotsweng, jaanong go ka nna matlhare a le masome a mararo. Eya. Lebang.*

<sup>435</sup> Mo go jona—mo botshelong jona, ga ke ise ke bone sepe se se timang lenyora jaaka go nna mo dithabeng mme ke bone, jaaka ke rerile bosigo jwa maloba, molatswana oo o bilogela godimo, motswedi wa one o o nayang botshelo. O tlaa bo o lapile ebile o nyorilwe, o wele fa tlase ga molatswana o o molemo; kgakala kwa

tlase kwa megare e ka se kgoneng go ya gone, kgakala kwa tlase difutu di le makgolo mo lefatsheng, o ntsha ka go biloga metsi a a itshekileng, a a phepa, a a nayang botshelo. Re lebogela seo. Moo ke mo go nnye. Jaanong, lefatshe le na le melatswana e mentsi ya lone ka metsi a a lapolosang. Fa o nyorwa mme o a swa, o nna le metsi a a molemo, a a tsididi go tswa mo go seo, a tlaa—a tlaa go thusa go tshela.

<sup>436</sup> Fela lebang kwa Ana a tswang gone. Mo Setulong sa bogosi, foo ke kwa a tsayang dithata tsa one tse di nayang Botshelo. A tswa golo fa tlase ga Terone ya Modimo, kwa Modimo a nnang gone.

<sup>437</sup> Gothe ga gone, gotlhe ga lefatshe lena, lefatshe lena fano le re tshelang mo go lone jaanong; mongwe le mongwe, a kana ke Mokeresete kgotsa moheitane, ba na le ditempele. A lo kile lwa akanya ka ga seo? Dikereke, tsotlhe tsa tsone.

<sup>438</sup> Fela Ona ga o na epe. Baebele ne ya re, “Mme go ne go sena tempele foo. Fela Morena Modimo le Kwana ke Tempele ya one.” Kwana ke Lesedi. Kwana ke Tempele. Kwana ke Setulo sa bogosi. Kwana ke Botshelo. Ena ke Tempele eo. Lo a bona, ditempele tsena tsotlhe di na le maikaelelo a ba a obamelang; fela, mo Motsemogolo ona, Ena ke moono. O na le batho ba Gagwe. Mowa wa Gagwe o Sedifatsa Motsemogolo wa phiramiti.

<sup>439</sup> Jaaka Petoro le Johane, golo ko godimo ga thaba. Lesedi le ne le khurumeditse tlhora ya thaba, mme Lentswe le ne la bua, la re, “Yona ke Morwaake yo o rategang.”

<sup>440</sup> Mo go Tshenolo 21:3 le 4, “Motlaagana wa Modimo o na le batho.” Modimo o agile mo mothong, ka go mo rekolola, ka ditiragatso tse tharo tsena. Jaanong Modimo o ile go rekolola lefatshe le motlaagana mo lefatsheng, le batlhanka ba Gagwe ba lefatshe, ba A ba tlisitseng mo lefatsheng. Mme ka boleo le ne la wa, fela . . . O ne a tshwanelo go le letlelela le tswelele. Fela jaanong O rometse Jesu go rekolola lefatshe leo le le fapogileng, le e leng gore re karolo ya lone. “Ga go moriri o le mongwe wa tlhogو ya gago o o tlaa nyelolang.” Jesu ne a rialo. O ne a re, “Ke tlaa e tsosa gape kwa motheng wa bofelo.” Lo a bona? Goreng? Wena o karolo ya lefatshe.

<sup>441</sup> Lo a lemoga, ke ne ke na le motlaenyan ka ga mosadi wa me a mpolelula gore ke latlhegetswe ke moriri wa me. Ke mmoleletse gore ke ne ke sa latlhegelswa ke o le mongwe wa yone.

O ne a re, “Yone e kwa kae?”

<sup>442</sup> Ke ne ka re, “Kwa e neng e le teng pele ga ke nna le yone.” Le fa e le kae kwa e neng e le gone, boikanyo; le fa e le kae kwa e leng gone, e ntetetse. Lo a bona? Go ntse jalo. Ke tlaa ya ko go yone, letsatsi lengwe.

<sup>443</sup> Mmele ona wa kgale, o o tsutsubaneng ebile o wa, ebile o nyelela mo magetleng, le go opa mo mangoleng, le—le go

gwaega lenseswe mo mometsong. Moo go siame. O ka o fitlha mo lewatleng, fela Lonaka lo tlaa ntsosa! . . . ? . . . Ee, rra. Re ile go fetoga, lengwe la malatsi ano. Ke karolo ya lefatshe lena le le rekolotsweng. O mo lefatsheng, fela ga o sepe sa *khosemose*. O mo tolamong e e farologaneng, tolamo e e rekolotsweng.

<sup>444</sup> Lemogang, “Motlaagana wa Modimo o tlaa nna le batho.” Lemogang, “Dilo tsa pele di fetile.” Sena, selo sena, se fetile. Mona go raya gore Legodimo le fologile gore le nne mo bonnong bo le bongwe le motho. Lo a bona? Legodimo le lefatshe di tlamparelane.

<sup>445</sup> Fela totatota fa Lephoi le ne le tla mo karolong ya lefatshe, le e neng e le Jesu; O ne a le lorole la lefatshe, Motho. Modimo, a tswa mo peonyaneng e le nngwe eo ya Botshelo, ka thata ya go tlhola. Mme Madi ao a a neng a le mo go seo . . . Botshelo jo bo neng bo le mo Mading ao bo ne jwa boela kwa go Modimo, fela Madi a ne a dutlela mo lefatsheng, go le gapa.

<sup>446</sup> Ka ntlha ya madi a a neng a tliswa ka one, go tswa mo seleng ya botshelo go tswa mo go Kaine, lo a bona; jaanong O boa ka thata ya go tlhola fela jaaka A dirile Atamo, a tlhola Atamo, Atamo wa Bobedi ke yona. Mme ka sele eo e e neng e thubega foo, kwa (boleo) Kaine neng a thuba sele eo ya madi mo mosiaming, lo a bona, jaanong Sele ena ya Madi . . . Ka gore, o ne a bolaya Abele, fela Abele o ne a tsetswe ka tlhakanelo dikobo.

<sup>447</sup> Fela Yona o ne a sa tsalwa ka tlhakanelo dikobo. “O ne a le lebopo la Modimo, tshimologo ya lone,” mme Go ne ga rekolola lefatshe. Mme khalesiamo yotlhe, photashe, ole ya lookwane, lesedi la khosemiki, le o dirilweng ka lone, go rekolotswe. “Ga go moriri o le mongwe o o tlaa gobadiwang. Mme Ke tlaa o tsosa gape kwa motlheng wa bofelo.”

<sup>448</sup> Fong ga tweng? Modimo o fologa go nna le bonno mo godimo ga lefatshe. Mo e leng gore, Ene ke karolo ya lone, mmele o e Leng wa Gagwe. O o tsoseditse tshiamiso ya rona, mme rona re siamisitswe ka go dumela seo le go amogela seo. Lemogang mo ditshwantshong, Jesu o fetoga go nna . . . Mo setshwantshong, Jesu o fetoga go nna motho; Modimo . . . kgotsa o tlhomamiseditswe pele go tsaya lefelo la gagwe, go re rekolola, go dira dilo tsotlhe tsena di kgonege.

Lemogang, kwa ntle ga dipota tse dintle tsa one, tsa Motsemogolo ona.

<sup>449</sup> Jaanong a lo tlhalogantse “Motsemogolo”? Lo a bona, ke Thaba e e boitshepo. [Mokaulengwe Branham o supegetsa ka setshwantsho mo bolekeborotong—Mor.] “Ga go sepe se se tla utlwiswang botlhoko kgotsa sa senya mo Thabeng yotlhe ya Me e e boitshepo, go bua Morena.” Motsemogolo ga se sebopego sa matlhakore a marataro jaaka letaese. Ke Thaba. Mme bopha—bophara ka boatlhamo ka bogodimo, di a lekalekana, lo a bona; dimmaele di le makgolo a le lesome le bothhano ka tsela *ena*,

dimmaele di le makgolo a le lesome le botlhano ka tsela *ele*, dimmaele di le makgolo a le lesome le botlhano tsela yotlhe go dikologa; le dimmaele di le makgolo a le lesome le botlhano go ya godimo. Jalo he ke fela Thaba e kgolo, jaaka phiramiti, mme Motsemogolo o mo Thabeng. Kgalalelo!

<sup>450</sup> Ke lona bao, diparateisi tsa Modimo ke tseo, Lesedi la lefatshe, Bogosi jo bo itekanetseng joo. E seng letsatsi la bosupa; wa Bosakhutleng! Lo a bona? E seng Mileniamo; Lefatshe le Leša! Lo a bona?

<sup>451</sup> Fa le santse le ralala Mileniamo, le ralala tsamaiso ya lone ya go itshepisiwa, fela le santse le tshwanetse le fisiwe. Lo a bona? E leng gore, Madi a ne a rekolola batho, go supegetsa segopotso sena gore gone ke... tlhwatlhwae duetswe, dingwaga di le sekete tseo. Fela fong le tshwanetse le ntla fadiwe ka Molelo; fela jaaka o ne o ntse, baemedi ba Gagwe ba Motsemogolo ona, baemedi.

<sup>452</sup> Jalo he fa o swa kgotsa fa o tshela, ke pharologanyo efeng e go e dirang? Fa A tla gompieno, kgotsa A tla dingwaga di le lekgolo, kgotsa dingwaga di le sekete, ke tlaaikhutsa fela go fitlhela phetogo ya me e tla.

<sup>453</sup> Jalo he, monna mogolo le mosadi mogolo, o seka wa nyema moko. [Mokaulengwe Branham o tlhalosa ka setshwantsho mo bolekeborotong—Mor.] Fa o le kemedi golo *fano*, mo sekaong *sena* sa Modimo; *sena*, Modimo; fa o na le gone, fa o emetswe *fano*, ga o kake... O mo go ga Bosakhutleng. Mme fa o kgabagantse go tloga letsatsing leo la bosupa, go ya ka ko go la boferabobedi, o tsene mo go sa Bosakhutleng ka kolobetso ya Mowa o o Boitshepo, o akareditswe mo go *Sena*. Jaanong, fa o tshepa fela mo maikutlong a mmele, kgotsa o tlolela godimo le tlase, kgotsa, “Ke dira *sena*. Ke tshegetsa letsatsi la me la bosupa. Ga ke je nama,” le dilo tse di jalo, tse di ileng go nyelela, le fa go ntse jalo. Lo a bona? Fela *Sena* ke sa Bosakhutleng. Lo a bona? *Sena* ke sa Bosakhutleng, Moletlo morago ga moletlo wa metlaagana. Lo a bona?

<sup>454</sup> Moletlo wa metlaagana e ne e le moletlo wa bofelo, moletlo wa bosupa. Re a obamela jaanong fa tlase ga moletlo wa metlaagana, paka ya kereke ya bosupa.

<sup>455</sup> Ko Mileniamong, re tlaa bo re le mo tlase ga moletlo wa metlaagana, gape, mo motheng wa bosupa.

<sup>456</sup> Fela, fong, morago ga letsatsi la bosupa, re na le Phuthegokgolo e Boitshepo, re boe ko Bosakhutleng. Jang? Ka Ena wa Bosakhutleng yo neng a tla mme a re rekolola a ba a re amogela, a re letla re lemoge gore re ne re le bontlhabongwe jwa *Sena*.

<sup>457</sup> Jaanong o itse jang gore wena o karolo? Ka gore, gore, Lefoko la oura, tsholofetso ya letsatsi. Gone ke eng? Thebolelo morago kwa motlheng wa ntlha, wa ntlha. “Mme o tla busetsa dipelo tsa

bana morago kwa go borra,” a tlisa thebolo gape ya pentekoste ya mmannete, eseng maikutlo a mmele; mme o tlaa bonatsa Lesedi la maitseboa, Morwa yo o tshwanang yo o bonagetseng mo Leseding la mo mosong, jaaka go ne go solofoeditswe motlha o. Amen le amen!

<sup>458</sup> Rona re kae, ditsala, rona re kae? Re letile fela jaanong go tswa mo tseleng, gore Tshenolo 11 e ka direlwa go... itsisiwe ko Bajuteng; go ntse jalo, Phamolo e tla.

<sup>459</sup> Elang tlhoko, kwa ntle ga dikgoro tsa dipota, go anama go kgabaganya Lefatshe le Lesa, ditshaba di tlaa aga ka kagiso ya Bosakhutieng. Jaanong eng? Dikgosi tse di tlotelegileng di tlaa tlisa kgalalelo ya tsone ka mo go one. Ga go boleo jo bo ka nnang teng. Ga go sa na basadi ba moriri o o pomilweng ba ba tlaa tsenang mo Motsemogolong oo. Ke tlaa go tlhomamisetsa seo. Go sa tlhole go na le yo o aparang bomankopa, yo o gogang disekarete, diaka, dipepe, kgotsa baaki, baobamedi ba medimo ya diseto, le fa e le eng se ba neng ba le sone, ga ba tle go tsena mo Motsemogolong oo. Nnyaya, gotthe go tlaa bo go fedile. Boleo bo tlaa bo bo ile. “Ga go sepe se se tlaa leswafatsang boitshepo jwa one se se tlaa tsenang koo.” Seo ke se A se buileng. “Tsotlhе di fetile, ka metlha yotlhе.”

<sup>460</sup> Lebang kwa ntle ko madirelong a one le go dikologa dikgoro tsa one:

Bera e tlaa nna bonolo, phiri e tlaa bo e kgwabofetse;  
 Mme tau e tla dula fatshe le kwana;  
 Mme sebatana go tswa mo nageng, se tlaa etelelwa pele ke ngwana;  
 Ke tlaa fetolwa go tloga setsheding se Ke leng sone.

<sup>461</sup> Ka loso lena le dira mo mmeleng wa me o o swang, botsofe bo tsena, ke tlaa fetolwa.

<sup>462</sup> Lo utlwile sefela? “Bera e tlaa nna bonolo. Phiri e tlaa bo e kgwabofetse.” Yone ga e tle go tlolela godimo, mme e tlthatlose dinao tsa ko pele e leke go go bolaya. E tlaa tsamaya le wena go fologa ditsela.

Ke mang yo o ileng go le rua? Yo o Rekolotsweng. E tlaa nna mang?

Lemogang, nka ruta fela ka ditshwantsho jaanong. Lemoga, Mokaulengwe Lee.

<sup>463</sup> Ke mang yo neng a tswa mo lefatsheng le leša le Noa moporofeti? Bao ba ba neng ba tsena nae mo arekeng. A go ntse jalo? Yoo ke yo o tsamayang mo go gone. Lo a bona? Bao ba ba neng ba tsena le Noa, ka molaetsa wa gagwe, e ne e le bone ba ba neng ba tsamaya mo lefatsheng le leša morago ga kolobetsyo ya lone ya metsi.

<sup>464</sup> Ene yo o tsenang le Jesu jaanong. O tsena jang ka mo go Ene? Ka Mowa o le mongwe; mme Ene ke Lefoko. O fetoga go nna karolo ya Gagwe. Ke karolo efe ya Gagwe e o leng yone? Lefoko le le tshelang la oura ena, le lemoga. O tlaa tswela ntle le Ene ko Mileniamong. Moo ke fa o tswela ko ntle. Lemogang, eseng kokomane e ntshwa. Go tlhomololwa!

Wa re, “Ao, Mokaulengwe Branham!” Ao!

<sup>465</sup> Lemogang, fa Modimo a kgonne go tsosa Elia mme a mo tlhatlose, dingwaga di le makgolo a le masome a mabedi le botlhano tse di fetileng, go mo hudusetsa gape ka ko lefatsheng, go nna moporofeti wa Bajuta, ke mo go fetang ga kae mo A ka kgonang go dira Monyadiwa!

<sup>466</sup> Morago ga Noa a sena go tswa mo arekeng, lemogang se se neng sa bolelwa Noa morago ga a sena go tswa mo morwaleleng, fela jaaka go ne go ntse ka Atamo pele. Morago ga a sena go tswa, mo lefatsheng le leša; ne a re, “Ntsifalang mme lo tlaleng mo lefatsheng,” morago ga morwalela. Lemogang, “ne ba tshwanetse go ungwa, go tlala ka lefatshe,” jaaka Atamo kwa tshimologong.

Jaanong lo kgona go bona totatota fano. Jaanong reetsang ka tlhoafalo thata.

<sup>467</sup> Atamo o ne a tshwanetse go “ntsifala a bo a tlale ka lefatshe.” A go jalo? Noa o ne, morago ga le leša, (lefatshe le ne la senngwa), o ne a tshwanetse go “ntsifala le go tlala ka lefatshe.” Lo a go tlhaloganya? Jaanong a ga lo kgone go bona se “peo” ya noga e leng sone? Ke eng se se neng sa tlatsa lefatshe? Lo a go tlhaloganya? Go siame. Lo bona ka fa Satane a fitlhileng ko go Efa jaanong. Ke sone se loso le busitseng mo lefatsheng fa esale. Mme magodimo, lefatshe, sebatana, tikologo, tsotlhе di hutsitswe ke Modimo ka ntlha ya gone. Moo ke phutso, ka gore Satane o ne a goroga kwa go sena pele.

<sup>468</sup> Jesu ne a tla go le rekololeta morago ko go Rara. Gore a tle a kgone go dira sena, O ne a fetoga go nna karolo ya lone; jaaka ke fetsa go lebelela. Mme go tswa mo go lone lorole leo (karolo e Jesu a neng a le yone, ka Sebele) a neng a rekololeta, ka Ena dikao tsotlhе tsa Modimo di rekolotswe ke lefatshe.

<sup>469</sup> O ne a le Lefoko le le builweng. Rona ba re rekolowang re karolo ya Gagwe. Fong, fa lo ka lemoga! Lo a bona?

<sup>470</sup> Bafarasai ba ne ba bua gore ba ne ba ntse jalo. Fela, lo a bona setshwantsho sa me sa ntlha, ba ne ba le seo fela ka botlhale. Ba ne ba sa kgone go lemoga Lefoko fa Le ne le bonatswa gone fa pele ga bona. Ba ne ba re, “Monna yona ke mowa o o bosula.”

<sup>471</sup> Jaanong, compieno, re bidiwa baporofeti ba maaka. Re bidiwa sengwe le sengwe se se leswe se se ka bitswang, ke batho ba ba bodumedi, lo a bona, ka banna ba batona le ba ba nang le bokgoni. Lo a bona, bona fela ga ba tlhaloganye. Lo a bona?

<sup>472</sup> Kolobetso ya lone ya metsi e ne e sa lekana go le phepafatsa; le e seng ya bone. Boitshepiso, jwa Madi, bo ne jwa le busa, bo ne jwa le gapa. Fela kolobetso ya Molelo e ne ya le ntlatatsa; jaaka go dirile Monyadiwa wa Gagwe. Jaaka tshiamiso, boitshepiso, kolobetso ya Mowa o o Boitshepo.

<sup>473</sup> Ga a ise a sololetse go tsosa lotso le leša, jaaka ke buile, fela O sololeditse go rekola le le oleng. Bao ba ba neng ba le ba—ba ba tlhomamiseditsweng pele, ba le ja boswa jaaka A sololeditse. Mme Ena ke Modimo yo o sa fetogeng; re itse seo.

<sup>474</sup> Gakologelwang, Modimo o ne a tsaya Elia, morago ga phamolo, mme a fetola, a mo fudusetsa fa morago mo gare ga batho, go tsaya lefelo e le moporofeti mo gare ga batho ba gagwe; mo bogautshwaneng thata O tlaa dira seo. Mme o mo bolokile, a tshela, dingwaga tsena tse di makgolo a le masome a mabedi le botlhano. O tshwanetse go bonala gape.

<sup>475</sup> Lemogang gape, O ne a tsosa Moshe mo baswing. Lebitla la gagwe le kae? A go na le mongwe yo o ka le bonang? Balang Buka ya ga Juta. Lo a bona? Satane... Moengele yo mogolo a ganetsanya le moengele yo mogolo, Satane, ne a re, o seka.... “Morena a go kgalemele,” a gana ka mmele wa ga Moshe. Mme fano Petoro, Jakobose le Johane ba ne ba eme foo ba mo lebile, mo Thabeng ya Phetogo, gone foo mo lefatsheng le Thaba e tshwanetseng go godisiwa gore e nne mo go lone. Lo a bona?

Mme O ne a tla go le rekola.

<sup>476</sup> Lo a bona, go ne go na le Kereke e e phamotsweng ka nako eo, e emetswe; go ne go na le bao ba ba robetseng, ba emetswe. Kae kwa go leng teng? [Mokaulengwe Branham o tlhalosa ka setshwantsho mo bolekeborotong ka nako ya ditemana tse di latelang di le mmalwa—Mor.] Mo Motsemogolong; godimo kwa tlhoreng ya thaba. Lo a bona?

<sup>477</sup> Go ne go na le Petoro, Jakobose, le Johane, ba lebile; boraro, mosupi. Go ne go na le Elia, Moshe, le Jesu; e le mosupi wa Selegodimo. Lo a bona?

<sup>478</sup> Mme go ne go na le Moshe, baswi, ba neng ba tsogile. Go ne go na le Elia, phamolo, a neng a santse a tshela. Mme bone botlhe ba ne ba emetswe mo thabeng e e boitshepo ena.

<sup>479</sup> Mme, Jesu, Morekolodi. Erile Modimo, godimo kwa godimo ga Gagwe *jaana*, a Mo tšutifalela, ne a re, “Yona ke Morwaake yo o rategang.”

<sup>480</sup> Lo a gakologelwa, Jesu ne a re, go ka nna letsatsi pele ga foo, O ne a re, “Ammaaruri Ke lo raya ke re, gore bangwe ba eme fano jaanong, ba sa tleng go bona loso, go fitlhela ba bona Bogosi jwa Modimo bo tlhomamisitswe mo thateng.”

<sup>481</sup> E ne e le eng? Baitshepi ba ba tsogileng le baitshepi ba ba phamotsweng, ga mmogo, ba phamotswe ga mmogo go Mo kgatlhantsha mo loaping. Ka Modimo a Mo tšutifaletse, mme

Jesu a eme foo mo moriting ona, a re, "Yona ke Morwaake yo o rategang, yo mo go Ene Ke leng mo go ene go itumedisa," tolamo ya Bogosi jo Boša. Ao, mokaulengwe, kgaitsadi!

<sup>482</sup> Loso ga le go fetole. Loso le fetola fela lefelo la gago la bonno. Lo a bona?

<sup>483</sup> Gakologelwang, Samuele, fa a ne a sule mme a fitlhilwe dingwaga di le pedi, o ne a le ko Parateising. Mme moloi wa kwa Enedora o ne a mmitsa, mme Saule o ne a mo lemoga; mme o ne a dira, le ene, a bo a wa ka sefatlhego sa gagwe. O ne a ise a fetoge, ga nnyennyane. O ne a santse a le Samuele yo o tshwanang, morago ga a ne a sule dingwaga tse pedi, mme o ne a santse a le moporofeti. O ne a re, "Ka moso o tlaa wa mo tlhabanong, morwao le wena, mme ka nako ena kamoso bosigo o tlaa bo o na le nna." Mme seo ke fela se se diragetseng.

<sup>484</sup> Lo a bona? Mme nako e Moshe a boang, le Elia, go nna Tshenolo 11, ba tlaa bo ba santse ba le baporofeti. Haleluya!

<sup>485</sup> Mme golo ka kwa, ko Lefatsheng, Motsemogolo kwa Kwana e leng Lesedi, ke tlaa go itse, Mokaulengwe McKinney. Ke tlaa lo itse, bagaetsho, majwana a me a botlhokwa mo serwalong. Motlhlang ba tlang go tswa ko Botlhaba le Bophirima, ko Motsemogolong; fa mo matlhakoreng a manê a a bogolo jo bo lekalekanang jwa dimmaele di le makgolo a le lesome le botlhano, one o tlaa bo e ntse foo, mme e le Motsemogololo o go agilweng e le matlhakore a le manê a lekalekanang. Fa lo dutse foo mo Thabeng e e boitshepo, kwa Modimo a dutseng mo Thabeng, le Jesu mo Sedulong sa bogosi. Mme lonaka lwa gouta le poroma nako e Josefa a tlogang, go tsamaya a fologa go ralala Parateisi, mme bana ba Modimo ba wa ka mangole a bone mme ba Mo obamela, ba itse gore ba ne ba rekololwa. Lo a bona? Amen! Haleluya!

Dinako dingwe nna ke tlhologelwelwa gae kwa  
Legodimong,  
Le kgalalelo e nna Koo ke tla e bonang:  
A boipelo jo e tlaa nnang jone mogang ke tlaa  
bonang Mmoloki wa me,  
Mo motsemogolong o montle oo wa gouta!  
Ke tsamaela ntlheng ya motsemogolo o montle  
oo  
Morena a o baakanyeditseng...[Fa go sa  
theipiwang teng mo theiping—Mor.]

<sup>486</sup> Isaia ne a re, mo go Isaia 9:6, "Mme ka ga kagiso ya Gagwe le ka ga koketsego ya Gagwe ga go tle go nna le bokhutlo. Goromente e tlaa nna mo magetleng a Gagwe; Leina la Gagwe le tlaa bidiwa Mogakolodi, Kgosana ya Kagiso, Modimo Mothata, Rara wa Bosakhutleng. Mme goromente e tlaa nna mo magetleng a Gagwe; mme ka ga koketsego ya Gagwe le ka ga kagiso ya Gagwe ga go na bokhutlo." Le e leng diphologolo di teng. Ijoo!

Bera e tlaa bo e le bonolo, mme phiri e tlaa bo  
e kgwabofetse;  
Mme tau e tla dula fatshe go bapa le kwana,  
Mme sebatana go tswa ko nageng, se tlaa  
etelelwa pele ke ngwana;  
Fela ke ile go fetolwa, ke tlaa bo ke fetotswe go  
tloga mo setshedding sena se ke leng sone.

<sup>487</sup> Motlhang Letsatsi leo le tlang, gonne ke ya kwa Motsemogolong oo. Ke tsamaela ntlheng ya Motsemogolo o montle oo! Ke utlwa Thata e e rekololang mo pelong ya me yotlhe jaanong.

<sup>488</sup> Fa mona go se jalo, fong nna ke latlhetsi botshelo jwa me kgakala; ke rutile bangwe dilo tse di tsietsang. Fela fa ke leba fa tlase mme ke bona gore tsholofetso e A e dirileng ya mothla ona, mme ke E bona e rurifaditswe; mme ke lebile phuthego ena ya kwa matlhakoreng a manê a bogolo jo bo lekalekanang jwa dimmaele di le makgolo a le lesome le bothano e dutse fano, Baitschenkedwi ba ba nnileng ba bidiwa go tswa makokong le ditshikeng le ditumelong tsa kereke le dilong, ba phuthegile ga mmogo; jaaka ke bona Lefoko le Ithurifatsa, ke a itse, go feta moriti o le mongwe wa pelaelo, mantswê a a tlhokegang a korone ya me a tlaa phatsima go gaisa sengwe le sengwe mo lefatsheng, kwa Letsatsing leo.

<sup>489</sup> Go tlaa tla nako! Batho, ga re phuthegele fano lefela. Re letetse fela nako eo. Go thari thata, thata, fela Jesu o santse a le gaufi thata, thata. Mme, Kgalalelo ya Gagwe, go a gakgamatsa. “Leina la Gagwe le tlaa bidiwa Mogakolodi.” Motsemogolo oo, a lo kgona go o bona? Koo ke kwa Monyadwi le Monyadi ba tlaa iketlang, mme ba se tlhole gape go . . .

<sup>490</sup> Jaanong, fa o akanya gore go go ntle thata fa re kgweetsa makgolo a dimmaele go nna fano mme re je mo Lefokong la Gagwe, e leng gore mona ke moriti fela, go tlaa nna eng fa re tshela mo Motsemogolong le Ena! Fa ke tshela ke le moagisanyi yo o mabapi le wena, mme fa re ja ga ditlhare tseo, mme re tlaa tsamaya mo mebileng eo, fa re tsamaya mo mebileng eo ya gouta go ya motswedding, re nwa go tswa mo motswedding, re tsena ka mo diparateising tsa Modimo, ka Baengele ba okame lefatshe, ba opela dipina tsa sedumedi, ao, a Letsatsi le leo le tlaa nnang lone! Gone go tshwanela gotlhe. Tsela e lebega e le makgwakgwa, nako tse dingwe go nna bokete, fela, ao, go tlaa nna mo go nnye thata fa ke Mmona, mo go nnye thata. Maina a a maswe le dilo tse ba di buileng e tlaa nna eng, moo e tlaa bo e le eng mogang ke Mmonang mo Motsemogolong o montle, o montle oo wa Modimo?

<sup>491</sup> A re obeng ditlhogo tsa rona.

Ke tsamaela ntlheng ya motsemogolo o montle  
ole  
Morena wa me a o baakanyeditseng ba e leng  
ba Gagwe;  
Kwa Barekolodwi botlhe ba dipaka tsotlhe  
Ba opelang “Kgalalelo!” go dikologa Terone e  
Tshweu.  
Nako tse dingwe ke tlhoafalela gae ko  
Legodimong,  
Le dikgalalelo tsa gone tse nna Koo ke tla di  
bonang:  
A boipelo jo e tlaa nnang jone mogang ke tlaa  
bonang Mmoloki wa me,  
Mo motsemogolong o montle ole wa gouta!

<sup>492</sup> Mo setlhaketlhakeng sa Patemose, Johane o ne a o bona!

<sup>493</sup> Jesu yo o rategang, tsholofelo ena, tsholofelo ya me ga e  
a agiwa mo go sepe se se ko tlase, Morena. Yoo ke mmaagwe  
pelo ya me; Motsemogolo oo, Kgosi e kgolo. Modimo, se letlele  
a le mongwe fano a nyelele, tsweetswee. Mma re tlathlhobeng  
matshelo a rona gape, gompieno, Morena, re letetse go Tla ga  
Morena. Kwa, botlhe Barekolodwi bao, golo kwale mo lebaleng  
le legolo leo la ko Roma, kwa Bakeresete bao ba neng ba garolwa  
gone ke ditau, lorole le tla thubega letsatsi lengwe!

<sup>494</sup> Ga go tle go nna le mabitla kwa matlhakoreng a dithabana  
tsa kwa Kgalalelong. Ga go ditswalo tsa mejako tse di tlaa  
kgogetsang dikgare tsa kwa phitlhong. Ga go keledi e e tlaa  
dirang selabe mo sone. Nnyaya, nnyaya. Ga go tle go nna le mmu  
o o kokoantsweng. Ga go tle go nna le matsubutsubu a a fokang.  
Go tlaa bo go le mo go galalelang gotlhe koo.

<sup>495</sup> Re thus, Morena. Fa go na le a le mongwe fano...yo o  
bileditsweng ko Selalelong sena sa Lenyalo sa Kwana, dingwaga  
tsena tse sekete tsa puso ya Mileniamo, le go tsena ka mo  
Motsengmogolong morago ga sebaka sa Lenyalo se sena go fela.  
Mileniamo ke fela Malatsi a boitapoloso a banyalani. Fong Ene,  
Monyadiwa, o tsaya wa Gagwe...Monyadi o isa Monyadiwa wa  
Gagwe Gae. Ke wa Mosadi. Monyadi wa Gagwe; Monyadiwa wa  
Gagwe. Ao, O ile go baakanya Ntlo, esale A beeeditse.

<sup>496</sup> Mma re nne boammaaruri mo go Ena Yo e leng Lefoko, gonne  
Ena ke Lefoko. Go sa kgathalesege ka foo ba bangwe ba lekang  
go re rumola, go re kganelo kgakala le Lone; Morena, nkamatetsa  
gaufi thata.

Gonne nako tse dingwe ke tlhologetlwla gae  
kwa Legodimong,  
Le kgalalelo ya lone e nna Koo ke tla e bonang:  
A boipelo jo e tlaa nnang jone mogang ke tlaa  
bonang Mmoloki wa me,  
Mo motsemogolong o montle ooo wa gouta!

<sup>497</sup> Legae la isago la Monyadi le Monyadiwa! Ena o a boa . . . [Fa go sa theipiwang teng mo theiping—Mor.] . . . go tla Selalelong sa Lenyalو; go ile go nna malatsi a le mararo le halofo. Re tloge re boe gape, mo Mileniamong, mo boitapolosong jwa rona jwa lenyalо. Mme fong Ena—Ena o ile go tlisa Motsemogolo mo pontsheng. Jaaka monyadi a isa monyadiwa ko kgakgamalong ya gagwe, ka fa monyadiwa yo monnye a emang ka gone foo a maketse a lebile kwa legaeng la gagwe la isago! Mme ka tumelo, gompieno, Morena, re a go bona ka kwale. E tlaa bo e le gone fano mo lefatsheng lena. O go soloeditse.

<sup>498</sup> Kereke ya Gago e tlaa bo e rekolotswe ka botlalo, lengwe la malatsi ano. Mme fong lefatshe la Gago le tlaa rekololwa, dikarolwana tse di setseng. Fela santlha O rekolotse batho ba Gago, mebele ya bone e e dirilweng ke lefatshe.

<sup>499</sup> Re thusе, Modimo. Fa go na le mongwe fano yo o sa tlhomamang fela totatota ka ga seo, Morena, mma ba go amogele fela jaanong.

<sup>500</sup> Ke a itse go nnile go le go leelee ebile go le mogote, fela, batho, ga re tle go tlhola re eme fano. Ga ke tle go tlhola ke le modisa phuthego wa lona. A re go tlhomamiseng.

“A go na le tsela, Mokaulengwe Branham?”

<sup>501</sup> Ee, fetoga o nne bontlhabongwe jwa Lefoko, bontlhabongwe jwa Lefoko la gompieno. O ka se kgone go nna bontlhabongwe jwa Lefoko la motlha wa ga Moshe; karolo eo e setse e dirilwe, moo e ne e le dinao. Re kwa Thogong jaanong. Mona ke Keresete. Eseng nako ya mabogo, morago ko go Lutere, nnyaya. Mona ke nako ya Thlhog. Keresete, Lentswê la tlhora, le tla mo Mmeleng.

<sup>502</sup> Fa o sa ikutlwе fela totatota sentle ka ga gone, le fa e le kae kwa o ka kgonang, a o tlaa tsholetsa seatla sa gago fela gore ke kgone go bona. A mongwe le mongwe o sele a tshole tlhogo ya bone e inamisitswe. Modimo a go segofatse.

<sup>503</sup> E re, “Nkgopole mo thapelong, Mokaulengwe Branham. Ke batla go nna koo mo go maswe thata! Ga—ga ke batle go fetwa ke gone, Mokaulengwe Branham. Ke—ke a tlhotlhomisa, ke dira sengwe le sengwe se nka se kgonang, fela nthapelele jaanong, a o tlaa dira?” Modimo a go segofatse.

<sup>504</sup> Fa o santse o akanya ka ga gone jaanong, rapela fela, o re, “Modimo . . .” Go ka mo pelong e e leng ya gago. Lo a bona, fa o utlwa sengwe se kgotha, se tlhaba mo pelong ya gago, seo ke se e leng sone. Ke sekao seo se leka go ikitsise.

Ke tsamaela ntlheng ya motsemogolo o montle  
ole  
Morena wa me a o baakanyeditseng ba e leng  
ba Gagwe;

Kwa Barekolodwi botlhe ba dipaka tsotlh  
 Ba tlaa opelang “Kgalalelo!” go dikologa  
 Terone e Tshweu.  
 Dinako dingwe nna ke tlhologelelw a gae kwa  
 Legodimong,  
 Le dikgalalelo tse nna Koo ke tla di bonang:  
 A boipelo jo e tlaa nnang jone mogang ke tlaa  
 bonang Mmoloki wa me,  
 Mo motsemogolong o montle oo wa gouta!

<sup>505</sup> Rara wa Legodimo, re tseye jaanong, Morena. Mpe Modisa yo Mogolo, Modisa yo Mogolo yo o Rekololang, Modisa yo Mogolo Yo o tlogetseng Kgalalelo, a neng a itse gore dingwe tsa dikao di ne di timetse mo mekgatsheng e melgolo eo ya boleo, kwa diphiri le di—diphologolo segautshwaneng di tlaa gagolakang dinkunyana tseo; fela O ne a tlogela diferwana tsa gouta, a fologela mo lefatsheng mme a dirwa mongwe wa rona, gore A kgone go bolela lorato lwa Modimo mo go rona. Foo O ne a ba fitlhela, bangwe ba bone mo makokong, bangwe ba bone mo ntlong ya tumo e e maswe, bangwe ba bone mo mebileng, ba foulfetse, bangwe ba bone mo dinageng le tseleng ya mheru, fela O ne a rekolola mongwe le mongwe yo Rara a mo laoletseng go mo rekolola.

<sup>506</sup> Mme O ne a re roma, gore re tle re tshele karolo ena ya Lefoko ka ntlha ya dipaka tsa rona. Mme re bona tokafatso e kgolo ya ga Lutere, mo pakeng eo; le ya ga Wesele; le ya Pentekoste. Jaanong re soloftse Lentswê la tlhora la Motsemogolo. Ao tlhe Modimo, re itse paka le tsholofetso e re e neetsweng ka ntlha ya motlha ona, ka foo e leng gore Sena se tlaa buseltswa gape. “Lesedi la maitseboa le tlaa budusa leungo la one. Mme go tlaa diragala gore go tlaa nna le letsatsi le le ka se kgoneng go nna motshegare kgotsa bosigo, go ka bitswang, fela mo nakong ya maitseboa go tlaa nna Lesedi.”

<sup>507</sup> Morwa yo o tshwanang yoo yo o galalelang wa Modimo ne a Iponatsa mo nameng ya motho golo fano mo lefatsheng, a dira gore tsholofetso e tshele ka boyone totatota, ne a foufatsa matlho a Bafarasai le Basadukai le Baherote, le jalo jalo.

<sup>508</sup> Mme gompieno go boeletsa gape, Lefoko le bonatswa fela jaaka Le ne le ntse. Lefoko, le itse sephiri sa pelo, fela totatota tsela e go neng go ntse ka yone, jaaka Lekwalo le buile, se se ka se keng sa rojwa. Re thus, Modimo, go go lemoga.

<sup>509</sup> Thusa bana jaanong ba ba tsholeditseng diatla tsa bone. Mma ba kopelele go gagamalanyana go feta; ba ithwese ditlhako tsa Efangedi ya kagiso; ba apare moiishomelo wa phemelo o o feleletseng wa Modimo; ba gogele tlhor o ya phemelo kwa tlase; ba tseye thebe ya tumelo; ba gwantele pele, go tloga gompieno go tswelela. Go dumelele, Morena.

<sup>510</sup> Fela lobakanyana, re tlaa bidiwa, fong Phamolo e tlaa tla. Setlhophanyana se se nnyennyane fela, jaaka Enoke, se tlaa tlhatlosiwa.

<sup>511</sup> Fong, “masalela a peo ya mosadi, a a tshegetsang ditaelo tsa Modimo,” Bajuta, “ba ba nang le bopaki jwa ga Jesu Keresete,” Moditshaba, ba tlaa tsomiwa jaaka dintša, “mme ba tlaa naya botshelo jwa bone go nna bopaki jwa bone.”

<sup>512</sup> Fong, moso o le mongwe o mogolo, go tlhagelela ga Mileniamo, gonne ma—malatsi a boitapoloso a Banyalani a tlaa simolola.

<sup>513</sup> “Mme fong baswi ba ba setseng ga ba a ka ba tshela go fitlhela bokhutlong jwa dingwaga di le sekete.” Fong, kwa bokhutlong jwa dingwaga di le sekete, go ne go nna le Katlholo, go supegetsa gore Hame o ne a le mo arekeng. Mme Hame o santse a le teng mo masaleleng. Bangwe ba ba O utlwileng ebile ba O ganne ba tlaa tshwanelwa go atlholwa.

<sup>514</sup> Jaanong, go dumelele, Morena, gore re se tle ra gopolwa re le mo gare ga bona, fela re tlaa bo re le mo pitsong go ya Selalelong sa Lenyalo. Gonne, re lemoga Jesu mo gare ga rona gompieno. Re tsena le Ena; re tswa mo lefatsheng, go ya ka mo go Ena. A re tsweleleng pele mo Motsemogolo oo, re tswele ntle le Ena.

<sup>515</sup> Ke a tsofala, Morena. Ga ke na dithero tse dintsi tse dingwe go di rera. Fela nna ka tlhomamo ke a Go tshepa. Ke senka Motsemogolo oo, jaaka rrê Aborahame a dirile. Go na le Sengwe mo go nna se se bolelang gore go etla. Ke leka gongwe le gongwe, Morena, go gasa Lesedi le go ba bitsa. A go se nne le a le mongwe wa bana, Morena . . .

<sup>516</sup> Ka fa go leng gontle ka gone, kgantele, O ne wa ntshenolela seo. Go tswa mo sekgeleng sa kgolokwe ya one sa dimmaele di ka nna makgolo a le lesome le bothlano, fela a le mongwe *fano* le *fale*, ba dutse ga mmogo gompieno, ba ba phuthegetseng ko lefelonyaneng le le lengwe leo, ba letetse Motsemogolo oo gore o bonale. Re ipolela gore re basepedi ba sedumedi le baeng. Re balatlhiwa. Moheitane, lefatshe, o a tshega ebile o a sotla; makoko a bodumedi a a sotla; fela ga re feretlhwe maikutlo ke dilo tse di jaana. Re dire karolo ya Lefoko, Morena, re sa sutisege. “Go tlaa diragala mo metlheng ya bofelo.” Mma e nne rona, Morena, mma re nne ba ba gopolwang ba le mo gare ga bona. Re go kopa ka Leina la Jesu. Amen.

<sup>517</sup> Lo a go dumela? A re tsholetseng diatla tsa rona *jaana*.

Ke tsamaela ntlheng ya motsemogolo o montle  
ole  
Morena wa me a o baakanyeditseng ba e leng  
ba Gagwe;

Kwa Barekolodwi botlhe ba dipaka tsotlhe  
 Ba tlaa opelang “Kgalalelo!” go dikologa  
 Terone e Tshweu.  
 Dinako dingwe nna ke tlhologelelw gae kwa  
 Legodimong,  
 Le dikgalalelo tse nna ke tla di bonang Koo:  
 Ao, a boipelo jo bo tlaa nnang jone mogang ke  
 tlaa bonang Mmoloki wa me,  
 Mo motsemogolong o montle oo wa gouta!

<sup>518</sup> Jaanong, fa re tshwanetse go nna mo Motsemogolong oo ga mmogo, dumedisana fela ka diatla le mongwe, o re, “Modimo a go segofatse, moeti wa sedumedi. Lo tswa ko kae? Louisiana, Georgia, Mississippi? Ke moeti wa sedumedi, le nna. Ke senka Motsemogolo oo.”

<sup>519</sup> Ke senka Motsemogolo oo, Mokaulengwe Neville, ka kwa. Re ya kgakala ka kwa . . . ? . . . Mokaulengwe Capps, ke senka Motsemogolo oo, ka nako eno, bosigong jono.

Le dikgalalelo tsa one tse ke tla di bonang:  
 A boipelo jo e tlaa nnang jone mogang ke tlaa  
 bonang Mmoloki wa me,  
 Mo motsemogolong o montle oo wa gouta!  
 Ao, bera e tlaa nna bonolo, mme phiri e tlaa bo  
 e kgwabofetse;  
 Mme tau e tlaa dula fatshe go bapa le kwana, ao,  
 eya;  
 Mme sebatana go tswa . . . se tlaa eteletwa pele  
 ke ngwana;  
 Mme ke tlaa bo ke fetotswe, ke fetotswe go tswa  
 mo setshedding sena se ke leng sone, ao, eya.  
 Ao, go tlaa bo go na le kagiso mo mokgatšeng  
 ka ntlha ya me letsatsi lengwe;  
 Ao, go tlaa go bo go na le kagiso mo  
 mokgatšeng ka ntlha ya me . . . (Ke gone!  
 Eya!)  
 Ga go tle go tlhola go na le bohutsana, go tlhola  
 go na le khutsafalo epe, go tlhola go na le  
 bothata bope jo ke tlaa bo bonang;  
 Mme go tlaa nna le kagiso mo mokgatšeng ka  
 ntlha ya me.

<sup>520</sup> Kgosi ya rona e e sa bonaleng, mosong ono, e tlaa bonatswa. Ga ke tle go leba mo go Bill Dauch ka dingwaga di le masome a a ferang bongwe. Ga o tle go lebelela mo go nna ke le masome a le matlhano. Fela ke tlaa bo ke fetotswe, Letsatsi leo.

Mme fa sebatana go tswa ko nageng, se tlaa bo  
 se eteletswe pele ke ngwana;  
 Fela ke tlaa bo ke fetotswe, ke fetotswe go tswa  
 mo setshedding sena se ke leng sone.

<sup>521</sup> A ga lo tle go itumela? Meriri e e botuba e tlaa bo e ile; magetla a a obegileng. Fela bontle, jo bo sa sweng, re tlaa ema mo setshwanong sa Gagwe, letsatsi re phatsima go gaisa go le feta. Ao, kgakgamatso!

. . . ka ntlha ya me, ao, Morena, ke a rapela;  
 Ga go tle go tlholo go na le bohutsana, go tlholo  
     go na le khutsafalo epe, go tlholo go na le  
     bothata bope jo ke tlaa bo bonang;  
 Mme go tlaa nna le kagiso mo mokgatsheng ka  
     ntlha ya me.

<sup>522</sup> Seo ke se re se tletseng fano. Ke ba le kae ba lona ba ba tlhokang nonofa ka ntlha ya loeto? Modimo a go re dumelele! Ke ba le kae ba lona ba ba lwalang mo mmeleng wa lona, masole a a gobetseng? Ba le mmalwa, kgotsa go feta. Lo a dumela O fano, Kgosi e e sa bonaleng? Dilo tse di bonalang; tse di sa bonaleng di bonatswa ka se se bonagalang. O tshwana maabane, gompieno, le ka bosaeng kae, ke fela mmele wa nama. Jaanong, fa mona e le Mowa wa Gagwe o o rerileng sena ka nna, O tlaa dira ditiro tse A di dirileng fa A ne a le fano. Ao, ka fa go gakgamatsang ka gone!

Ke tsamaela kwa ntlheng ya Lefatshe le le  
     solofeditsweng,  
 Ke tsamaela kwa ntlheng ya lefatshe le le  
     solofeditsweng;  
 Ao tlhe ke mang yo o tlaa tlang mme a tsamaye  
     le nna?  
 Ke tsamaela kwa ntlheng ya lefatshe le le  
     solofeditsweng.  
 Godimo ga tsotlhe dipoa tseo tse di atlhameng  
     tse di atolositsweng  
 Di phatsima Letsatsi lengwe la Bosakhutleng;  
 Foo Modimo Morwa o busa ka bosafeleng,  
 Mme o phatlalletsa bosigo kwa kgakala.  
 Ao, ke tsamaela kwa ntlheng ya lefatshe le le  
     solofeditsweng,  
 Ke tsamaela kwa ntlheng ya lefatshe le le  
     solofeditsweng;  
 Ao tlhe ke mang yo o tlaa tlang mme a tsamaye  
     le nna?  
 Ke tsamaela kwa ntlheng ya lefatshe le le  
     solofeditsweng.

<sup>523</sup> Ba le makgolo a le matlhano ba tsena ka mo nokeng ka kwa, letsatsi la ntlha le Moengetse wa Morena a bonagetseng a bonala, go rurifatsa, jaaka A dirile mo Thabeng ya Sinai, gore ke ne ke kopane Nae. Ke ne ka tsena ka mo nokeng, mme makgolo a opela yone kopelo eo ba direla kolobetso. Ke yona A tla, a fologa, Pinagare eo ya Molelo e e tshwanang e lo e bonang mo

setshwantshong foo; a fologela tlase, gone golo fano mo nokeng, mme a re, "Jaaka Johane Mokolobetsi a ne a rometswe go etelela pele go tla ga Gagwe ga nttha, Molaetsa ona o tlaa etelela pele go Tla ga bobedi." Lo a bona? Ke lona bao, lo a bona.

Ao tlhe ke mang yo o tlaa tlang mme a tsamaye  
le nna?

Ke tsamaela kwa lefatsheng le le  
solofeditsweng.

<sup>524</sup> Pinagare eo ya Molelo e e tshwanang e na le rona fano. A lo a go lemoga? O diretse bangwe ba rona selo se le sengwe, mme ba bangwe se sengwe. Fa o tlaa dira, ntlieng ga pelaelo e le nngwe, o dumele gore O mo gare ga kago, ke dumela gore O tlaa Ithurifatsa ko go wena. A go tlaa lo kgotsofatsa? Fa ke sa fitlhe kwa go mongwe le mongwe . . . Go ya kwa nakong ya bobedi, fela fa wena . . . Gone go gannye morago ga bongwe, ke raya moo. Fa lo tlaa dumela, mpe Ena a tthatlogela fa godimo ga rona! Tumelo ya rona e kae? Lo a bona, o tshwanetse o dumele seo. Fa o sa go belaee, bonnyennyane bo le bongwe, go ile go bereka.

<sup>525</sup> Ke—ke lemoga Bolengteng jwa Semodimo jwa Sebelebele sa ga Keresete, Yo e leng Lefoko. Mme Baebele ne ya re, "Lefoko le . . . le maatla go feta tshaka e e magale mabedi, mme Le sega go fitlha kwa mokong wa lesapo, ebile le lemoga dikakanyo tse—tse di leng mo pelong, le senola sephiri sa pelo."

<sup>526</sup> Lebang. Goreng, ke ne ke sa itse dilo tseo, dingwaga tse di fetileng. Mme erile ke go bua, ke sa go itse, lebang se A se dirileng. O ne a re, "Jaanong o tlaa tsaya batho ka seatla sa bone, mme, o seka wa akanya sepe, bua fela se sekao se o se boleletsweng. O re ke thuruga, le fa e ka nna eng se e leng sone." Fong ne a re, "Go tlaa diragala gore o se tle wa tshwanela go dira seo." Lo a bona? Lo a bona? "Go tlaa lemoga sone selo se se leng mo go bone." Re nnile le mehuta yotlhe ya diketsaetso, re itse seo, go batlile go tsietsa Baitshenkedwi fa go kgonega. Elang thoko ka fa selo se se setseng se tsamaisanang le Lefoko, fong lo tlaa itse a kana gone go nepagetse kgotsa nnyaya. Fela, le fa go ntse jalo, Jesu o sala a tshwana maabane, gompieno, le ka bosaeng kae.

<sup>527</sup> Ke ba le kae teng fano ba ba lwalang, mme ba itse gore ga ke go itse? Tsholetsa seatla sa gago, o re, "Ke—ke a itse ga o nkitse." Ao, gone fela ke, ke a fopholetsa, gongwe le gongwe. Selo se le nosi se o tshwanetseng go se dira ke go go dumela fela.

Dumela fela, dumela fela,  
Dilo tsotlhe di a kgonega, dumela fela;  
Dumela fela, dumela fela,  
Dilo tsotlhe di a kgonega, dumela fela.

<sup>528</sup> Jesu ne a re, "Jaaka go ne go ntse mo metlheng ya Sotoma, go tlaa nna jalo motlheng Morwa motho a tlaa senolwang mo lefatsheng ko motlheng wa bofelo. Motlheng Morwa motho a

tlā senolwang, kgotsa, a Itshenole mo motlheng wa bofelo.” Jaanong, eseng malatsi a pele, malatsi a fa bogareng; motlha wa bofelo, lo a bona, O tlāa senola. Mme jaanong re mo metlheng ya bofelo. Sotoma e ntse fela totatota, sengwe le sengwe, barongwa, go tshwana fela.

<sup>529</sup> Go diragetseng ko ma—masalelanyaneng a a neng a bidiwa le setlhophpha sa ga Aborahame? Go ne ga nna le a le Mongwe yo neng a tlā mo gare ga bona, mo nameng ya motho; a emetswe mo nameng ya motho, a ja le bone, a nwa le bone, dijо tse di tshwanang tse ba di jang, sengwe le sengwe. O ne a ema mo gare ga bone, a bolela Molaetsa. Fong O ne a re, “Ke ile go dira selo se segolo sena.”

<sup>530</sup> Mme Aborahame ne a tswelela a ithuta, “A mona ke gone? Ke ntse ke senka Motsemogolo. A yona ke Kgosi?”

<sup>531</sup> Mme O ne a re, “Gobaneng Sara a ne a belaela sena?” Mo tanteng, ko morago ga Gagwe.

<sup>532</sup> Aborahame ne a re, “Morena Modimo, Elohim!” Ka gore, O ne a lemoga dikakanyo tsa ga Sara.

<sup>533</sup> Jesu ne a re go tlāa boeletsa gape mogang A tlāa senolwang mo motlheng wa bofelo, Lentswē la tlhora le tlā ka mo Mmeleng. Go rekolola ba . . . Bao ke ba ba rekolotsweng, a tlā go tsaya ba e Leng ba Gagwe. O fano le rona.

<sup>534</sup> Jaanong, go na le fela diatla di ka nna mmalwa, kgotsa go feta, tse di neng tsa tlhatloga. Ke dumela gore Modimo o kgona go fodisa mongwe le mongwe wa lona. Ke gone. Ke dumela gore lo jalo. Ga ke dumele gore motho ka mmannete o kgona go nna mo lefelong le le jaaka lena ntleng ga . . . mo mohuteng ona wa nako, le tikologong ena, ntleng le go itse, go lemoga sengwe.

<sup>535</sup> Ke batla lo rapeleng. Ke batla lo tlhaloganyeng se se leng phoso ka ga lona, mo—mo—mo pelong ya lona, lo a bona, mme lo tloge lo simolole go rapela, e re, “Morena Jesu, senola sena. Nna ke—nna ke bua le Wena se se leng phoso ka nna. Mme jaanong O romele Mowa o o Boitshepo wa Gago ko go Mokaulengwe Branham, go diragatsa se a se buileng gore ke Boammaaruri, mo Molaetseng ona o a o buileng gompieno ka ga Wena, ke a itse e tlāa nna Boammaaruri. Jaanong, go ntshenolele, Morena. Bua le nna.”

<sup>536</sup> Jaanong go phatlaletse, ka mohuta mongwe fano le mo tikologong. Jalo rapelang fela, mme lo dumele fela ka pelo yotlhe ya lona, gore Modimo o tlāa go dumelela.

<sup>537</sup> Jaanong ke batla lo ntebeng, mme lo rapeleng. Fela jaaka Petoro le Johane ba ne ba re, “Re lebe.” O ne a batla sengwe, mme ena o fela gaufi le go se amogela. Mme o batla sengwe, mme ke dumela gore wena o gaufi fela le go se amogela. O ne a re, “Re lebe.”

<sup>538</sup> O ne a re, “Selefera le gouta, ga ke na dipe; fela se se jaaka se ke nang naso, ke tlaa go naya.”

<sup>539</sup> Jaanong, phodiso, ga ke na epe. Moo gotlhe go mo go Keresete. Fela se se jaaka se ke nang naso, neo ya Modimo, ke a go lo naya, tumelo go Modumela. Jaanong, mo Leineng la ga Jesu Keresete, mongwe le mongwe wa lona a fodisiwe. Go dumele. Lo a bona? “Fa o ka dumela!”

<sup>540</sup> Mohumagadi yo o dutseng foo, a ntebile. O ne a lela, metsotsotso e le mmalwa e e fetileng, a rapela. O na le bothata jwa kgeleswa ya thamo e e mo tshwenyang. Ga ke go itse. O moeng mo go nna. Moo ke nnete, a ga se gone. [Kgaitsadi a re, “Go ntse jalo.”—Mor.] Ga o tswe fano. O tswa Chicago. Mmê Alexander. Fa moo go le jalo, ebaebisa seatla sa gago. Jaanong boela ko Chicago mme o siame.

<sup>541</sup> O amile eng? Selo se se tshwanang se mosadi yole ka kelelo ya madi a neng a se ama, momeno wa seaparo sa Gagwe, eseng sa me.

<sup>542</sup> Mohumagadi yo monnye ke yona o dutse gone fa tlase mo gare ga lesomo, fa nka kgona go mo dira gore a ntthaloganye. Wena yo o tsholeleditseng tlhogo ya gago ka fa dithoko. Ga ke go itse. O moeng mo go nna, fela o bogiswa ke bothata jwa mala. Monna wa gago o ntse go bapa le wena. O na le sengwe se se phoso ka tsebe ya gagwe. Leina la gago ke Czap. Lona lo baeng mo go nna. Ga o tswe fano. O tswa ko Michigan. Go jalo, ebaebisa diatla tsa gago. Boela ko Michigan, o siame. Tumelo ya gago e a go fodisa. “Fa o ka dumela, dilo tsotlhe di a kgonega.”

<sup>543</sup> Mohumagadi yo monnye foo ka bothata jwa mometsos, a ntse gone fa morago fano mo bokhutlong, go tswa Georgia, a apere bosweu. Boela morago, golo kwa Georgia, o siame. Jesu Keresete o a go siamisa. A o a go dumela?

<sup>544</sup> Mohumagadi a dutse foo, a ntebile, gone kwa bofelelong jwa setilo. O na le bothata jwa mohikela. Ena o tlaa go dumela, Modimo o tlaa mo fodisa. Mmê Brown, dumela ka pelo ya gago yotlhe, Jesu Keresete o tlaa dira . . . Wena o moeng mo go nna, fela O a go itse. Uh-huh. O a go dumela? Tsholetsa seatla sa gago. Go jalo.

<sup>545</sup> A letse fano mo bolaong jona. Mmolelele a lebe ka kwano. O ntse a boga, a tswelela. Fa nka kgona go mo fodisa, ke tlaa go dira, rra. Nka se kgone go fodisa. Ena ga a tswe fano; o tlaa go tswa sekgeleng se se leelee. O tswa kwa Missouri. Mathata a gago ke a ka fa teng ga mmele. Fela fa o tlaa dumela ka pelo ya gago yotlhe, mme o sa belaele, Jesu Keresete o kgona go go fodisa; mme o ka kgona go boela ko Missouri, o siame, mme o neele bopaki jwa gago. O a go dumela? Fong go amogele, mme o tseye bolao jwa gago jwa go meniwa o bo o ya gae. Jesu Keresete o a go siamisa.

<sup>546</sup> A lo a dumela? Moo ke sesupo sa Bolengteng jwa Kgosi jwa Bosakhutleng. A lo a go dumela jaanong, ka pelo ya lona yotlhe? Jaanong, Ena go tlhomame o dirile lesakana, gone go dikologa go ralala kago ena. A o go dumela ka pelo ya gago yotlhe? O dumela gore o mo Bolengteng jwa Gagwe?

<sup>547</sup> Jaanong, a o a dumela mme o amogela gore o mongwe wa baemedi ba Bogosi jona? Tsholetsa seatla sa gago. Jesu ne a re, “Ditshupo tsena di tlaa latela bao ba ba dumelang. Fa ba baya diatla tsa bona mo balwetsing, ba tlaa fola.” Rona mongwe ke yo mongwe; wena o bontlhabongwe jwa me, nna ke bontlhabongwe jwa gago; rotlhe re bontlhabongwe jwa ga Keresete. Jaanong, ga mmogo, a re baaneng diatla.

<sup>548</sup> Gone fano, mosadi mo bolaong jwa go kukiwa o tsogile, a tsamaya tsamaya, a boela gae go siama. Amen.

<sup>549</sup> Lona, mongwe le mongwe, lo fodisitswe, fa lo tlaa go dumela. Jaanong bayang diatla tsa lona mongwe mo go yo mongwe, mme lona lo bontlhabongwe jona jwa ga Keresete. O rapelele motho yo o beileng diatla tsa gago mo go ena, fela ka tsela e o batlang go dira.

<sup>550</sup> Morena Jesu, re a Go lemoga fano. Wena o Kgosi ya rona; O Itshupe mo gare ga rona. Re Go lebogela Bolengteng jona. Mme, Morena, O ne wa re, “Fa o raya thaba ena o re, ‘Manologa,’ o sa go belaele; o dumela se o se buileng gore se tlaa diragala, o ka nna le sone, o ka nna le se o se buileng.”

<sup>551</sup> Fong, mo go obameleng taolo ena, mo go obameleng Lefoko la Modimo le le sa kgoneng go palelwa, rona jaaka baemedi ba Gago go tswa matlhakoreng a manê a a lekalekanang a boolele jwa dimmale di le makgolo a le lesome le botlhano, jaaka Motsemogolo, re raya Satane re re, diabolo yo o fentsweng, “Bokhutlo jwa gago ke go fisiwa. Rona re baemedi go tswa Motsengmogolong o o matlhakore a manê a a lekalekanang, Motsemogolo kwa Kwana e leng Lesedi gone. Rona re sekao se se bonaditsweng sa Modimo Mothatiotlhe, ba Jesu Keresete a ba rekolotseng ka letlhogonolo la Gagwe.”

<sup>552</sup> Satane, tswela ntle, mme o tlogele motho mongwe le mongwe yo o lwalang yo a leng teng fano, mo Leineng la Jesu Keresete. Diatla tse di boitshepo tse di neng tsa rekololwa, ka gore ba dumela Lefoko mme e le dikao tsa kakanyo ya Modimo, jaanong diatla tseo di mo go yo mongwe le yo mongwe. O ka se kgone go tlhola o ba golega. Tswaya, ka Leina la Jesu Keresete!

<sup>553</sup> Jaanong, mo Leineng la Morena Jesu, jaanong, Ena o fano. Lefoko la Gagwe la re O fano. Bolengteng jwa gago le tumelo ya gago di bua, ka ga, wena o mongwe wa baemedi. Le e leng selekanyo sengwe le sengwe sa bogolo mo bonnong jwa lefatshe le tikologong se re ka se supang, go jalo. A lo kgona go lemoga gore lo bomorwa le bomorwadia Modimo ba ba rekolotsweng? O lemoga gore *lena* ke Legae la gago? *Lena* ke kwa o yang gone.

<sup>554</sup> Ke sone se o tlang fano, ke sone se o tlang mo go Keresete, o ja mo Lefokong la Gagwe. Mme fa o ka nna le nako e e jaana, fano, fela ka dikao tsa Gagwe tse di bonaditsweng, go tlaa nna eng motlheng re tlang ka mo Bolengtengeng jwa Gagwe? Ao, go tlaa nna mo go gakgamatsang! Mongwe le mongwe wa lona o na le tshwanelo ya go fodisa balwetse, go baya diatla tsa gago mo balwetseng. Mongwe le mongwe wa lona o na le tshwanelo ya go kolobetsa.

<sup>555</sup> Fa mongwe a le fano yo o iseng a kolobetswe ka Leina la Jesu Keresete, lekadiba le bulegile.

<sup>556</sup> Eo ke tsela e le nosi e o ileng go atlega, uh-huh, go ntse jalo, ke go obamela Lefoko lengwe le lengwe. Gakologelwang, logatonyana le le lengwe la Lefoko, ko tshimologong, le ne la baka boleo bongwe le bongwe mo lefatsheng. Jesu ne a re, “Le fa e le mang yo o tlaa ntshang Lefoko le le lengwe mo go Lena, kgotsa a oketse lefoko le le lengwe mo go Lone, ga a tle go tsena.” Leina la gagwe le tlogile mo Bukeng, ka bonako fa a sena go go dira.

<sup>557</sup> Mme ga go na lefelo mo Baebeleng kwa ope a kileng a kolobetswa gone, mo Kerekeng, ka tsela nngwe e sele go na le ka Leina la Jesu Keresete. Fa o ise o kolobetswe ka tsela eo, go botoka o go dire.

<sup>558</sup> “Ao,” wa re, “ga go dire pharologanyo epe.” Go ne ga dira mo go Efa.

<sup>559</sup> Satane ne a re, “Ao, ruri, Modimo, o a itse Modimo . . .” Fela, O dirile. O buile jalo.

<sup>560</sup> O ne a naya Petoro dilotlele tsa Bogosi, mme se se neng sa bofilwa ko Pentekoste se bofilwe ka metlha yotlhe. Leo ke lebaka le Monyadiwa a neng a tla ka mo pontshetsong pele, lekgetlo la bobedi; go tshwanetse go nne le Kereke e e bidiwang go tswa mo motlheng wa bofelo, jaaka go ne go ntse mo motlheng wa ntlha, totatota fela. Setlhare se tlide go tswa mo meding ya sone, go fitlheleng kwa Setlhareng sa Monyadwi, jaaka se dirile ka nako eo; Tiro ya bonokopela ya Modimo gape, jaaka ke buile Malatsi a Tshipi a le mabedi a a fetileng, gore go isiwe kwa Motsemogolong.

Modimo a lo segofatse. “Nna jaanong ke a dumela.”

<sup>561</sup> Satane o fentswe. O a itse. O mo lefatsheng, o tsamaya jaaka tau e e rorang. Ga go go leele go fitlhela ena a, ao, ena o fedile. O itse nako ya gagwe. O tsamaya jaaka tau e e rorang.

<sup>562</sup> Fela, gakologelwang, Kgosana ya Kagiso e ema gaufi; Ena yo Mogolo wa Selegodimo. Radipolane wa polane ya sebele sa me, Radipolane wa polaye Yo o agileng se nna ke leng sone, Yo o go agileng se o leng sone, o fano. Fa Radipolane wa dipolane, Yo o itseng ka fa a ka agang kago ga mmogo ka gone, lefelong la yone le le nepagetseng, ke mang yo o itseng mo go botoka

go na le Radipolane wa dipolane? Mme O fano go netefatsa, ka Boene, O fano.

<sup>563</sup> Jaanong go theilwe mo godimo ga tumelo ya gago. Dumela, dumela fela! Ah-hah.

Ke tsamaela ntlheng ya Motsemogolo o montle ole  
 Morena wa me a o baakanyeditseng ba e leng ba Gagwe;  
 Kwa Barekolodwi botlhe ba dipaka tsotlhe  
 Ba tlaa opelang “Kgalalelo!” go dikologa Terone e Tshweu;  
 Nako tse dingwe ke tlhoafalela gae ko Legodimong, (Fa mona go wetse gotlhe!)  
 Le kgalalelo e nna Koo ke tlaa e bonang:  
 A boipelo jo e tlaa nnang jone mogang ke tlaa bonang Mmoloki wa me,  
 Mo Motsemogolong o montle ole wa gouta!

<sup>564</sup> Gakologelwang, mo kerekeng, bosigong jono, ba tlaa bo ba jesa selalelo. Fa o le fano mo motsemogolong, le fa go ntse jalo, o tlaa rata go tla, re tlaa rata go nna le wena. Ke segopotso sa se re ileng go se ja, lengwe la malatsi ano, le Ena.

<sup>565</sup> Ke a lo rata. Ga ke itse gore ke go supe jang. Ke akanya gore lo letswai la lefatshe. Mme ke utlwa maitsholo a lona ko ntle mo gare ga lefatshe, fong moo go nnaya tshepo e ntsi mo go lona.

<sup>566</sup> Fela, akanyang, setlhophha se sennye sena se tlaa nna, se se rategang jaaka re ntse, se tlaa thujwa, lengwe la malatsi ano. Re tlaa lora ka ga sena. Fela fa mongwe wa rona go diragala gore a tlhokafale pele ga re kgatlhana gape, re tlaa . . .

Ke tlaa lo kgatlhantsha mo mosong, fa letlhakoreng la noka le le phatsimang,  
 Fa mahutsana otlhe a tsamaetse kgakala;  
 Ke tlaa bo ke eme fa kgorong, fa dikgoro di petlekologa,  
 Kwa bokhutlong jwa letsatsi le le leelee la botshelo, le le lapisang.

Ke tlaa lo kgatlhantsha mo mosong, fa letlhakoreng la noka le le phatsimang, (Ke timetse mo bogareng)  
 . . . golo kwa nokeng, mme, le ka phamolo, ditlwaelanyo “tsa segologolo” re di ntšhwafatse;

Ke tlaa lo bona ka nako eo, ke lo itse.

Lo tlaa nkitse mo mosong, ka monyenyo o ke o nyenyang,

Ke tlaa lo kgatlhantsha mo mosong, mo  
Motsemogolong, o o agilweng o le matlhakore  
a manê a a lekalekanang.

<sup>567</sup> Lo a go rata? “Go tsamaya re kgatlhana!” Jaanong a re emeng. *Tsaya Leina La Jesu Le Wena*, re neye dinnoto.

<sup>568</sup> Lo a Mo rata? A Ena ga a gakgamatse? A lo dumela gore mona ke Boammaaruri? A o lebile ntllheng ya tsela eo, ka letlhogonolo la Modimo? Go fitlhela re goroga koo:

O tseye Leina la Jesu le wena,  
Jaaka thebe mo seraing sengwe le sengwe;  
Mme fa dithaelo gautshwane le wena di  
kokoana,  
Hema fela Leina leo le le boitshepo ka thapelo.

Moo ke gotlhe go go dira, go fitlhela re go bona gape.  
Go siame.

Tsaya Leina la Jesu le wena,  
Ngwana wa bohutsana le...[Mongwe a re,  
“Bosigong jono?”—Mor.] (Nnyaya.)

Le tlaa go naya boipelo le kgomotso,  
Le ise gongwe le gongwe kwa o yang gone.

Leina le le rategang thata, Ao tlhe ka foo le leng  
botshe!

Tsholofelo ya lefatshe le boipelo jwa  
Legodimo;

Leina le le rategang thata, Ao tlhe ka foo le leng  
botshe!

Tsholofelo ya lefatshe le boipelo jwa  
Legodimo.

<sup>569</sup> Jaanong, ke ne ka tshwanelo go tlola Molaetsa wa me. Letsatsi lengwe, Morena fa a ratile, ke tlaa boa mme ke tseye “mebila e e sephara ena,” mme ke e tseye, lo a bona, kwa re ka nnang le nako e ntsi. Lo ntse lo goeletska ga go se nne ga leele mo go lekaneng. Re dirile, gompieno. Go mogote. Fela, jaanong, Modimo a lo segofatse. Ke rata go opela moo.

<sup>570</sup> Moagisanyi fano, ne a re, maloba bosigo fa ba ne ba tima sepikara sa ka fa ntle, ne a re, “Ke akotse Molaetsa thata ga kalo, fela goreng lo ne lo tima moopelo o montle ole, lo a bona, ka fa ntle?” Jalo, moagisanyi, fa o reeditse mosong ono, ke akanya gore re na le baagisanyi ba ba botoka go gaisa ba ba leng teng mo Jeffersonville. Re pheka dikoloi tsa rona fa pele ga dintlo tsa bone le sengwe le sengwe se sele; ga ba bue sepe ka ga gone; rona re tswelela fela. Jalo, re a ba leboga jaanong.

<sup>571</sup> Ao, ka fa A gakgamatsang ka gone! Modimo a nne le lona jaanong.

. . . Leina, Ao tlhe ka fa le leng botshe!  
Tsholofelo ya lefatshe le boipelo jwa  
Legodimo.

Go tsamaya re kopana!

<sup>572</sup> A re obeng ditlhogo tsa rona. Modisa phuthego o tlaa re phatlalatsa, fela mo metsotsong e le mmalwa. Modimo a nne le lona!

. . . re kopana fa dinaong tsa ga Jesu; (Kwa Motsemogolong o mogolo, kwa Sedulong sa bogosi.)

Go tsamaya re kopana! go tsamaya re kopana!  
Modimo a nne le wena go tsamaya re kgatlhana . . .



*LEGAE LA ISAGO LA MONYADI WA KO*  
*LEGODIMONG LE MONYADIWA WA MO LEFATSHENG* TSW64-0802  
(The Future Home Of The Heavenly Bridegroom And The Earthly Bride)

Molaêtsa o ka Mokaulengwe William Marrion Branham, o nê wa rérwa la ntla ka Sekgowa mo mosong wa Letsatsi la Tshipi, Phatwe 2, 1964, kwa Motlaaganeng wa Branham ko Jeffersonville, Indiana, U.S.A., o tsêrwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)